

Янмакъ дегиль, Ватан огърунда юреклеримизни якъмакъ ичюн ЯНДЫ...

**Тимур Пулатнынъ «Бир авдетнинъ
тарихы (Муса Мамут акъкъында
повесть)» эсери дердж олунувы
мунасебетинен**

**«Он покончил жизнь самосожжением в знак протеста
против дискриминации на Родине», «Дорогому Мусе
Мамуту – жертве несправедливости – от
крымскотатарского народа»**

(дженазде котерильген шиарлар).

**«Муса погиб за справедливое дело. Мы клянемся
продолжать его дело и добьемся, чтобы Крым – наша
родина, стал нашим»**

(дженазде сёйленильген сёзлерден).

Эгер халкъымыз арасында ичтимаий (соцологик) теткъикъат этилип, тарихымызда олгъан еди къараман адыны айтмакъ киби сорав суали къоюлса, эксериет респондентлер оларнынъ сырасына мытлакъ Муса Мамутны кирсетирлер, деген фикирни тасдикъламакъ истер эдик.

Онынъ нени, не ичюн, насыл акъибет иле япкъанлары бойле нетидже береджеклерини бу ерде айтмакъ, эбет, арткъачтыр. Ватангъа къавушмакъ ичюн,

залым истеген фиатны, шу джумледен, омюрни феда этмеге азыр олмакънынъ керчек темсили – о, интернетте (гуглда) къыдырылгъанда, бинълернен кере анъылгъаны белли ола. Бу сырагъа даа нидже-нидже язылар кирсетильмеген.

Муса агъа акъкъында биринджи ве, къараманлыгъына гъает юксек къыймет кесип, эсаслы, тафсилатлы хабер, макъалелер ве, атта, дестан язгъанлар арасында Айше апте Сеитмуратова (Алла сагълыгъыны берсин), Решат агъа Джемилев (Алла рахмет эйлесин), Григорий Александров (атеши енгиль олсун) ве дигерлер барлар.

1974 сенеси айны шу Беш-Терекке келип яшагъан, Муса Мамутнен чокъ корюшкен Осман агъа Османовнынъ, дженазесинде фааль иштирак эткен Певат агъа Аджирединовнынъ озъ вакътында «Къырым» газетинде дердж олунгъан хатырлавлары да къыйметлидир. И. Гаспринский адына китапханемизнинъ хадимлери бойле шаатлыкъларны, тедбирлер акъкъында малюматларны топламакъталар ве тапылгъан, азыр менбаларнынъ джедвелини сайтларында ерлештирмектелер.

Меракълы весикълалар да мевджут. Фаджиа олмасына эки афта кечер-кечмез, Советлер бирлигининъ башы Л. Брежневнинъ адына эки мектюп ёлланыла. Бирисининъ муэллифи, о заман Украинанынъ ёлбашчысы, СБ коммунист партиясынынъ энъ корюмли эрбапларындан олгъан В. Щербицкий 9-июльде озъ патронына «эсабат» бере:

«23 июня 1978 года в селе Донское Симферопольского района Мамут Муса 1931 года рождения во дворе дома, приобретенного им в обход закона, облил одежду бензином и поджег себя. От полученных ожогов он скончался. Мамут прибыл в Крым с женой и тремя детьми в 1975 году и с этого времени проживал без прописки, за что в 1976 году был осужден. В июне 1978 года после неоднократно принимавшихся мер административного воздействия, против него вновь было возбуждено уголовное дело за злостное нарушение паспортных правил».

Экинджисини, Муса Мамут япкъанындан юреги, дерсинъ, гъайрыдан алевленген ве ондан, Къырым миллий меселеси адалет талабына озю ичюн ред этильмез делиль алгъан, халкъымызнынъ самимий досту академик А. Сахаров яза. Андрей агъанынъ кескин мураджааты бугунъде де айретте къалдыра:

«Вне зависимости от (...) конкретных обстоятельств, самосожжение Мусы Мамута имеет своей истинной причиной национальную трагедию народа крымских татар, явившегося в 1944 году жертвой чудовищного преступления Сталина и его подручных, а в 1967-1978 годах, после реабилитации крымских татар Указом Президиума Верховного Совета СССР – вновь ставшего жертвой продолжающейся дискриминации и несправедливости. Эта дискриминация проявляется в систематических отказах крымским татарам в прописке на их исторической родине, в отказах оформления купленных домов, в незаконных высылках, налётах, осуждениях, в разрушении домов, оставляющих стариков и детей под открытым небом, в бесчисленных издевательствах властей»...

Февральнинъ башында «Къырым»нынъ муарриетине, ватандашларымызгъа чокъ яхшы белли олгъан корюмли эдип, публицист, Озбекистан ве Таджикистан халкъ языджысы, мына энди отуз йылгъа якъын Москвада яшап, фааль иджат эткен Тимур Пулаттан электрон шекильде эманет кельди. Бу, онынъ янъы – «Бир авдетнинъ тарихы (Муса Мамут акъкъында повесть)», яхут оригиналнынъ тилинде «История одного возвращения (повесть о Муса Мамуте)» — эсери эди.

Меслекдеш-достумыздан мезкюр гъает къыйметли эдебий бахшыш алгъанымызгъа ве якъын арада оны сайгъылы окъуйдыларымызгъа такъдим этеджегимизни энди билдирген эдик. Язымызны: «Муса Мамутнынъ хатырасыны эбедийлештирмек – боюн-борджумыздыр. Иншалла, вакъты келир, Къырымда онъа абиде де тикленир. Шимди исе онъа эдебий эйкель къоюлмакъта. Ве онынъ устасы диндаш, къандаш достумыз олгъаны эйкельнинъ къыйметине къыймет къошмакъта», — деп екюнлеген эдик.

Иджадий муарриримиз В. Сейдаметова деръал ишке киришип, кыскъа вакыт ичинде, фикримиздже, кейфиетли, яни асыл метни, деерли, олгъаны киби акс эткен терджимени беджерди. Венера ханымгъа бу месулиетли вазифени мувафакъиетли эда этмеге, шу джумледен, онынъ, Зекие апте вефат эткени мунасебетинен язгъан «Джесаретли къорантанынъ руху халкъ хатырасында эбедий кыалыр» («Кыырым», 2006 с., 3-июнь) адлы макъалеси, бельки де, ярдым эткендир.

Тимур Пулат бизге, адийликнинъ акси ве инсан кучъ-къувети, ирадесининъ юдже имкянларына эсаслангъан белли вакъианынъ бедий шекилини, анълатувыны, версиясыны теклиф эте. Онынъ къараманы бу къараргъа насыл кельгенини, къарар оппадан, тесадуфен олмагъаныны муэллиф бири-биринен сыкъ багълы левхалар, тарифлемелер, тесир этиджи бедий васталарнен ифаделемекте.

Озбекистанда озъ-озюни якъкъан къадын, Мусаны къоркъузмакъ ве къувдырмакъ макъсадынен, къолларында сасыкъ чыкъаргъан мешъаллерни туткъан «мааллий» шовинистлернинъ Беш-Терек сокъакъларында якъкъан юрюши, Данко акъкъында икяенинъ бир къач кере анъылмасы (Узуджы мектебинде, 1944 сенеси майыста, вагонда кеткен маальде, белли вакъиалар олмаздан бир къач кунъ эвель эвлятларына бу сюжетни айтып бергени...) – буларнынъ джумлеси эсернинъ бутюнлигини, ичинден пек къавий сюжет къурув йиплеринен «туттырылгъаныны» косьтермекте.

Баш къараман, табиий алда, къавий маневиятлы, рухийли, иманлы, яхшы чизгили, сонъ дереджеде ватанпервер, догъру ве адалет ёлунда олгъанына эмин инсан оларакъ косьтериле. Амма Тимур Пулат озъ огъуне идеал шахс образыны яратмакъ киби вазифени къоймай. Муса Мамутны ойле этип омюрнинъ озю «ёне-джулялай». 13-15 яшлы осьмюр чагъында къул киби чалышмакъ, къардашларны эбедий джоймакъ, чешит такъиплер астында даима олмакъ онынъ догъма мераметлигини джойдуртмакъ ерине, аксине – пекителер.

О, эр джеэттен терен фикирли, темелли эр киши сыфатыны джоймай ве кескин, февкъульаде вазиятте чешит акъибетлерини билип-турып, оларнынъ огъуни алмакъ огърунда нумюнели месулиет нумайыш этмекте. Озюнинъ эм джесюр, эм де фаджиалы сонъ къарарыны тесадуф, ачув иле, синъирленювге берилип дегиль де, гъает дегерлик, раат ве анълы суретте алмакъта.

...Муса Мамутнынъ несилининъ такъдирини бильмек ве джемаатымызгъа бильдирмек истедик. Кыырым муэндислик ве педагогика университетинде чалышкъан онынъ торуны – Сабрие кызынынъ кызы Зульфие Ягъяевагъа мураджаат эттик. Чокъ сагъ олсун, деръал сесленди ве бойле кыскъа малюмат берди.

Муса агъанынъ йигирми йыл берабер яшагъан садыкъ омюр аркъадашы Зекие ханым Абдуллаева о фаджиалы вакъиадан сонъ кене де чокъ къолай, енгиль олмагъан яшайыш кечирип, 2006 сенеси 29-майыста 74 яшында бу дюньяны терк этти. Онынъ, бельки де, энъ бахтлы кунълери – докъуз торунындан секизини корип етиштиргени олды.

2014 сенеси язынынъ чиллесинде Мамутлар къорантасы даа бир агъыр джоюкъкъа огърады: шифаланмакъ чареси, деерли, олмагъан хасталыкътан сонъ 49 яшына кельген огълу Юнус вефат этти. Онынъ омюр аркъадашы Эльнара, бугунъ энди дёрт яшында олгъан Сабри, он яшындаки Энвер, он эки яшындаки Мусанен къалды. Олар къартбабасынынъ эвинде яшайлар. Яни, 1975 сенеси Муса Мамут Беш-Теректе сатын алгъан ве ойле де советлернинъ маразлы тамгъасы – «прописка» оламагъан эвде бугунъ Муса Мамут яшай...

Муса агъа ве Зекие аптенинъ буюк кызылары Дилъара да Беш-Теректе. Эки огълу – Февзи ве Эмиль эвлилер, Алие (дёрт яшында) ве Сулейман (эки яшында) адлы эвлятлары бар. Акъмесджитте яшагъан экинджи кызылары Сабриенинъ дёрт эвляды – Эльмаз, Зульфие, Сафие ве Кемал, эм де торуны Халид (1яшында) барлар. Эписи олып, Муса агъа ве Зекие аптенинъ бугунъде докъуз торун ве учъ торунчеси бар.

Алла оларнынъ несиллерини даа да чокълаштырсын ве сербест, чечекленген Ватанларынынъ бахтлы саиплери япсын. Джумленен берабер!

Тимур Пулат кырым халкына япкъанлары ичюн Алла эйиликлерине кыйтарсын, деймиз. Иншалла, о да, озюне кыадимий тюрк Кырымнынъ топрагында эдебий абиде тиклеп, Юртумызнынъ кунешли куньлеринде де янымызда олур.

Бекир МАМУТ.

Тимур Пулат

Бир авдетнинъ тарихы

Муса Мамут акъкъында повесть

I
«Балаларым, джан бермезден эвель васиетимни динъленъ:

Унутманъыз – халкымызнынъ Ватаны бар. О анда, Къара денъиз ялысында – эдждатларымызнынъ аягы баскъан, тарихында козьяшы, аизары къалгъан сизинъ Кырымынъыздыр...».

«Баба васиети». Амет Моллаев (Кырымлы Амет) – кырымтатар миллий арекети фааллеринден бири. Гъурбетте, Чырчыкъ шеэрининъ мезарлыгында комюльген.

Кефеден Багъчасарайгъа кеткен ёл Акъмесджитке энди мына-мына якъынлашкъанда, тик айланып кете. Бу ерде тенекенен ортыюльген ве чёль авасынынъ сыджагындан тап чынълагъан милиснинъ козетюв нокътасы – посты пайнозю тикленип тура. Онынъ талдасында, мотоциклнынъ отургъычына кыыскъа аякъларыны кыйып отургъан лейтенант джаны сыкъылгъанындан озюне ер тапамай эди. Корюништен яш, акъчиль* кюю къашлары кунеште къараргъан бетинде худжур келе.

О, арды-сыра ах чекип, тынчыкъ авада кителининъ дёгмелерини де чезе, де кене, нокътада тургъан сержант арбийдже адымлап мусафирге чапчакъ ичинде кыызгъан сувдан невбеттеки мешребе алып чыкъкъанда, серт корюнмек ичюн кыйта илиштире эди. Амма о бу сувны агъзына алгъанынен чырайыны сыта, богъазыны чайкый ве четлерге бакъынып, тюкюрип ташлай тургъан.

Бу ерден элли метр авлакъта, ёл четинде къазылгъан ве оны бираз тарлаштыргъан эндектен, енгиль ельчик уфюрген сайын сасыкълар келе эди. Ерли къаргъалар

чагъалаларгъа ошап, шу къангъа булангъан сувгъа чома ве ичинден эм де узакъ олмагъан ерде ерлешкен бойнадан чыкъкъан борудан яваш-яваш тюшкен тери, ашкъазан, ичек парчаларыны тутып чыкъара эдилер.

Лейтенант къыскъа татиль* алгъан шу джумаэртеси куню апайы – серт казачка – акъайыны бойнадан пельвазе* япмакъ ичюн домуз аякъларыны алмагъа ёллагъан эди.

Бойнанынъ араба къапусына бармакъ ичюн баягъы ёл юрип, сув осюмликлеринден ешерген гольчик янындан кечмек, бир тёпелик четинден тюшип, даа бир тёпеликке чыкъмакъ керек эди. Шу себептен, лейтенант озю бармагъа эринип, бойна ишчисинен анълашып, бу, тар сокъачыкънен джаяв учь юз метр къарарында ёл юрюльген ерде, козетюв нокътасы янында корюшмекни келишти.

Сержант даа бир мешребе сув чыкъаргъанда, саатына бакъкъан лейтенантнынъ къоллары къалтырагъаныны абайлады. Анълашылгъан вакъыт кечип, кунь уйлеге айлангъанына бакъмадан, къаравулнынъ эсамеси биле ёкъ эди. Къозгъалы алыны гизлемеге тырышкъан лейтенант невбетчи милиске айтаджагъыны тапты:

– Ёлдан козюньни алма. Машинада я да арабада татарны корьдинъми, деръал весикъаларыны тешкер. Къайда? Не себептен? Не алып кете? Ясакълангъан бир шей ёкъмы?..

– Я янаша койде олар олса-олса учь-дёрт къоранта... Афтада бир татар кечсе, яхшы, – садедилликнен джевап берди сержант омузларыны сыкъаракъ.

– Хатранъда тут: эр заман къалабалыкъ учь-дёрттен башлана, – насиатлап кестирди лейтенант. – Вакътынъ олгъанда тарихны окъу... – ве насыл тарихны окъумакъ керек олгъаныны анълатмаздан, тишлери арасындан абдал бойна къаравулынынъ анасыны сёгмеге башлады.

Рутбеси уйкеннинъ огюнде юзю къызармасын деп, невбетчи чырайларыны сытып, бир шейлер хатырлагъан киби:

– Тарихны хатырлайым... Рядовой олгъанымда сиясет мешгъулиетлеринде Павленко¹ аркъадашнынъ татарлар акъкъында язгъанлары устюнде токъталгъан эдик. Языджы бир ёрукъ язгъан, къандырыджы, – деди о, ве уфакъ тишлери олгъан агъызыны кенъ ачып, татлы-татлы эснеди. Сонъ онынъ юзюнде кене, тамам шу бош, ич бир машина, араба олмагъан, атта кунъделик автобус биле бутюн кунъ ичинде мында тек эки кере токътагъан ёлнынъ умумий джан сыкъысы алына аит лякъайдлыкъ пейда олды.

Автобус, бутюни тютюн ичине комюлип, айланмадан корюнди ве нокътадан он метр авлакъта токътады. Ондан къыркъ-къыркъ беш яшлар къарарында къолунда чанта иле бойлу бир адам чыкъты. Ёлнынъ четине аякъ баскъанынен онынъ джиддий, кенъ ченгели бетинде бир сыра – кедерден башлап, къуванчкъа къадар – дуйгъулар акс олунды. Терен отургъан козьлериндеки кергинлик бир къач кокюс кечирген сонъ сакинлешти. Амма, бесе-белли, мындаки аваны сагъынгъанындан эп кокюни керип нефес ала ве ёлда къыбырдамайып талгъан аякъларыны язarakъ, санки топракънынъ къавийлигини сынап бакъып, бир къач кере отурып турды.

Бу вакъытта лейтенант, кунештен къолуны шапкесининъ кунешлиги* кенарына тиреп, кельмешекке дикъкъатнен бакъа эди. Таныгъан сонъ, домуз аячыкъларыны кетирмеге ишандыргъан къаравул келеджек ёлчыкъ тарафкъа энди теляшнен бакъты. О, шу автобустан тюшкен инсан, онъа къабар кетиргенлерининъ шааты олгъаныны ич де истемез эди.

Адам, нокътада тургъанларгъа къулакъ асмайып, аякълары устюне чёкти, ве узакъ, телюкели ёлдан эвге къайткъан ёлджуларнынъ адетине уйып, седждеге кетти, дуа окъуды:

– Аллахумма, инни би-кя мин васайи-с-сафари²... Сонъра чантасыны ачып, ичинден къырмызы фесни чыкъарды ве тюзетмек ичюн сыйпакълап, энъсесиндеки чал сачларыны къапатаракъ, башына кийди.

– О, не япты? – шашкъын сеснен сорады сержант.

- Дуа окъуды... Джаиль халкъ... - кыйыштырды дудакларыны лейтенант, ве бу акъта даа бир шейлер айтаджакъта, эр киши онынъ тарафына адым аткъаныны коръди.

- О! Сапрыкин Сергей! ³ - сесинде мыскъыл иле селямлашты о лейтенантнен. - Хайырлы олсун! Мен мында олмагъан бир бучукъ йыл ичинде сиз сержанттан лейтенант-къадже котерильгенсиз... Даа не къадар бизимкилерни, кыйрымларны эвлеринден чыкъармакъ кыйсмет олды? - Адам Сапрыкинге якъынлашаракъ, онынъ погонларына бакъкъан вакъытта, джевабыны тапмагъа етиштирди:

- Мен санъа Сергей дегиль, Сергей Васильевичим. Биз сеннен ракъыны брудершафткъа ичмедик... Эбет, базылары тюремелерде юргенде, биз озъ халкъымызгъа садыкълыкъ иле хызмет этик. - Лейтенант невбетчининъ янына, санки онынъ макъуллемесини кыйдырып, турды.

- Эбет, эбет! Багъышланъыз - унуткъаным, биз мында халкъ дегиль, ябанджымыз... Эйиликлерде корюшейик! - Адам, бираз эгилип, фесини тутаракъ теменна этти.

- Сен ким огюнде мыскъыл тешейсинъ? Къанун векили огюндеми? Айды, бакъарыкъ, корюшкендже, - эр сёзюни къоркъузув аэнки иле къайдлагъан Сапрыкин ёлны кечкен адамгъа аркъасыны чевирди.

- Ким бу татар? - меракъланды невбетчи, элиндеки асанен* ойнаракъ.

- Муса Мамутов - деди Сапрыкин, сойадны русчагъа ошатып, - адий бир джинаетчи. Мында къанунсыз яшай, шу себептен биз оны Кременчуг колониясына отурттыкъ, Кыйрымдан алты юз километр узакъкъа ёлладыкъ. Апайына исе эки йыл шартлы муддет бердилер... Лагерьде чюрип кетер, мында ёлуны унутар, деп белледик, - койнинъ ёлгъа япышкъан эвлери таба баш саллады Сапрыкин. - Донскойда⁴ ерлешти, Комсомольская сокъагъы, 136-эв. Акъылынъда тут. Оны незарет эт: къайда ве не себептен кете. Токътат: олсун машинада, олсун арабада, олсун мотоциклда...

- Татарнынъ мотоциклы бармы? - меракъланды невбетчи, аса иле шапкесини тюзетип.

- Динъле! - кести онынъ лафыны Сапрыкин, - Ёлчукътан ашагъы барып кельчи, не о къадар эглендилер, билип къайт... Мен исе невбетчилик япарым... - Сабыры тюкенген лейтенант бутюни илян толу бинанынъ чевресини айланды: «Мазанка, Донское, Дмитрово койлеринде эвлер сатыла. Татарлар раатсызламасын». «Татарлар раатсызламасын», - далгъынлыкъ* иле текрарларды Сапрыкин, узакълашкъан сержанткъа бакъаракъ.

II

«Мына бу бакъий эвдир... Биз оны Ерде юксельмеге истемегенлерге ве исьян даркъатмагъанларгъа багъышлаймыз».

Къуран-и Керим. Муса окъугъан «Аль-Касас» суресинден.

Муса, онынъ эртеден мухалифи* олгъан Сапрыкин артындан бакъып отургъаныны дуяракъ, бир уджу къабурчакъ таш ве агъачтан ясалгъан, ёлгъа чыкъкъан эвине къатты адымларнен кете эди. Озъ азбарына кирмек ичюн узун колхоз къорасы бою кетмек керек эди. Бу ерде танъ аткъанынен бири-биринен ярышлашып, къаргъалар ве гогерджинлер эрзакъ кыйдыра тургъанлар.

Эвдекилернен тездже корюшмеге истеген Муса ёлны кыйскъартып, пайнозю яшагъан къомшусы Афросия Мезенчукнинъ эвине алып баргъан ёлчыкъкъа айланды. Бу къадын, гизли ясакъларгъа бакъмадан, Мусанынъ эв кыйдырып чекишкенини корип, онъа озъ эвининъ ярысыны сатты. Бу вакъиа Мусанынъ якъалангъанындан бир йыл огюне олды.

Мезенчук Къырымда та катырна* куньлеринден яшагъан православ сулялелернинъ аман-аман сонъкиси олып, дженк ве къырымтатарларны сюрюн эткенлерининъ шааты эди. Шу себептен къапу огюнде ошеклешкен къомшу къадынларнен та эвельде даима давалаша тургъан:

- Не керек татарларны акъаретмелеге? Олар фрицлернен биз киби дженклештилер, тертип бозуджы, баскъынджы дегиллер... Сталин эр шейни догъру чезер ве оларны кери къайтарыр... Онынъ ичюн оларнынъ бошагъан эвлерине сакъын кирменъиз. Биревнинъ малына къаст этмек - буюк гунях!

Сонъки вакъытларда, бедени кучьсюзленген Афросия эвден пек сийрек чыкъмагъа башлады. О ипрангъан Тевратны саифелерек, даа корьген сол козю огюне козлюк джамыны къойып, арды-сыра къачкъан сатырларны эки-учь кере окъуй тургъан.

Озь эвчигинден яры-ярыгъа чыкъып афырмагъа башлагъан копекнинъ сесини эшиткенинен, къартий босагъадан зорнен атлап, къамбурайып, таякъкъа тирелип, эвинден чыкъты ве кельген адамда Мусаны танып, къолларыны къакъты эм де озюни хачлады.

- Аман, Яраданым, Миша къайтты! Раббининъ огълу Иса бефтан айтамагъандыр: агълагъанлар бахтиярдыр, чюнки теселли алалар, бахтиярдыр ювашлар, чюнки ернинъ варислеридир. - Онынъ шашкъын сёзлеринен берабер азбар копечиги де, къомшуны танып, къуйругъыны салламагъа башлады.

- Насылсынъыз, баба Фрося? - Муса онынъ омузына токъунды. - Корем, сагъ-селяметсинъиз...

- Э-э, селяметлик къайда я, сагълыгъымнынъ ярысы биле къалмады. Эр шей бу сыджакъ ве къадын къуветинен берабер уфюрилип чыкъты, - айтмагъа башлады о, сёзлерини къашлары ве эллерининъ ишмарларынен тасдикълап. Башындаки гуллю явлукъны гъайрыдын багълап, сесини пыстырып сорады: - Сенкилери билеми? Аман да къуванырлар...

- Бильмейим, - мектюбим кельдими-ёкъмы... - Муса чантасыны къармалап, ичинде лагерь паёгъындан къалгъан тотлу отьмек парчасыны чыкъарды ве копекке узатты. Копек отьмекни шу ань тишлеринен сыкъты.

Сонъра, сюют пытакъларындан орюльген алчакъ къорадан атлап, азбарына кирди. Азбар тоз думанында къалып, сипиртки ишлетильген сес эшитиле эди. Балалыгъындан бабасы Ягъя агъа огреткен тертипке ве низамгъа алышкъан Муса ильк дакъкъасы тааджипленди: топракъны сылатмайып, эвдекилерден къайсы бири азбарны сипире?

Уйкен къызы киймеге севген гуллю баш явлукъны корип, Диляраны таныды.

Джелъп этиджи оксюрикни эшитиркен, Диляра башыны чевирди ве узун шалварларына сюрюне-сюрюне бабасына чапты. Юваш, дуйгъуларыны айдынлатмагъа севмеген бу къызчыкъ, агъыр нефес кечиререк, Мусанынъ коксюне сарылды:

- Баба! Бабам кельди! - Эм, къальбинде къуванчнен къарышкъан бабасы олмагъан вакъыт ичинде топлангъан аджджыны насыл акс этмеге бильмегенинден, зорнен сыкъып чыкъарды:

- Агълайджагъым келе...

- Куледжегим келе! - къызыны башындан сыйпаракъ, эриштирди оны Муса. Диляра бу кечкен бир бучукъ йыл ичинде насыл денъишкенини абайлап: «Етишкен къыз олды...», деп тюшюнди.

- Тоз-думан ичинде мен сени атта танымай къалдым, - девам этти Муса яры шакъанен.

- Сувумызны кестилер, эм ярыкъны. - Диляра санки бунъа къабаатлы олгъан киби, башыны тёбен алды. - Мындан кетинъиз, деп айталар... Кейфинъизни бозмамакъ ичюн сизге буны язмагъан эдик, баба...

Мусанынъ чырайлары агъарды, дудакълары сыкъылды, амма о къолуны къакъып:

- Бу уфакъ-тюфек къарсанбалар... Къалгъанлары къайда?

- Анам чёльге, итбурун* джыймагъа кетти. Сабриенен Юнус чокъракъкъа, сувгъа...

Муса азбарны даа бир кере дикъкъатнен козьден кечирди. Мында о эвни алгъанынен алма ве джеviz тереклерини отурткъан, арасында исе гуллер, лялелер эккен эди. Номай сув корьмеген осюмликлер шимди солукъкъан корюнди.

Бабасы эвге таба адымлагъаныны корьген Диляра огюнден кирмеге ашыкъты ве босагъагъа Муса эв ичинде кийген мест потюклерни итеди. Тек бу дакъкъада, бабасы босагъадан эвге атлагъан аньде, Диляра къальбини чокъ куньлер, айлар эзип тургъан агъырлыкъ ёкъ олгъаныны сезди.

Муса къорантасы ватангъа къайткъан сонъ атта чезмеге пек къыйын олгъан меселелерге расткельгенде биле, бутюн вуджудынен, адымламасынен, сесинен эвдекилерге къорчаланув ве эминлик дуйгъуларыны синъдире тургъан. Бу чокъсу алларда огълу Юнусны ильхамландыра, о яшына бакъмадан бабасына ошамагъа ынтылып, озюни алып барышында онъа такълит эте эди.

Олар сокъакъ бою кеткенде Юнус хаялында озюни бабасынынъ муафизинъ киби коре, огге чапа ве коше артында я да къаранлыкъта телюке бармы-ёкъмы – назар ташлай тургъан. Бу арекетлер бабасыны эм къувандыра, эм ошуна кете эди. Къоранта Къырымгъа авдет олып, мында оларны беклемегенлери четте турсын, кене гъурбетке кетсинлер, деп баскъылар япылмагъа башлагъанда Юнуснынъ бабасы ичюн къасевети дефаларджа артты.

Анасы та сабийлик чагъындан балаларына синъдирген адет ве анъанелерге – узакъ ёлдан кельген инсан озь эвини темиз корьмек керек – бойсунаракъ, Диляра бабасындан бир адым огде кетип, масадан корюмеген тозларны сюртти, тешекни тюзетти. Бу одадан балалар эм ятакъ, эм дерс бакъкъан ода ерине файдалана эдилер.

Муса, таныш къокъуларны ичине чекерекми, балалар яткъан одасындаки тынч ярыкътанмы – эеджанланды ве бираз къыйыш тургъан дивардаки къорантасы иле фотонь тюзетмек ичюн токъталды.

О заман бутюн буюк къорантасы топлангъан эди. Фотограф Узунджь коюндеки баба эвинде яшагъанларнынъ бахтлы юзьлерини эбедийлештирди. Муса вакъыттан къараргъан бу фотогъа бакъкъан сайын, оны чешит дуйгъулар: балалагъы акъкъында айдын, къуванчлы хатырлавлар, эм гъайып эткен догъмушлары ичюн элем – сыкъмагъа башлай эди. Сюргюнлик олмаса эди, олар – отургъычларда ерлешкен бабасы Ягъя, анасы Хатидже шимди итибарлы къартлыкълары чагъында олур, эм де оларнынъ эки тарафында тургъан агъа ве тата-къардашлары – оларны Муса ана-бабасындан сонъ гъурбет топрагъында дефн этти – эписи сагъ къалыр эдилер. Оларнен берабер о, он эки яшлы Муса тура. Козьлери серт, джиддий бакъа, устюнде курктен къыскъа тон, белинде пычакънен чантасы бар – башыбузукънынъ урбасы, vessелям.

Фоторесимни сюргюнликтен бир йыл огюне чектирген эдилер. Бабасы иле Муса Мирзачуль деген шеэрчикнинъ дживарындаки Баяут къабристанында ведалашты. Акъайы артындан даа алтмыш яшыны толдурмагъан анасы да фаний дюньяны терк этти. Заваллылар сюргюнликтинъ ильк йыллары ачыкътан ольген эки огълу ве эки къызындан айырылдылар. Ана-баба озь баласыны комьгенде нелерге даянмакъ меджбур олгъаныны тек Алла биле. Амма Муса ялынъыз Баяутта къыркътан зияде ойле ана-бабаларнен таныш эди...

Фотограф чеккен инсанлардан тек о ве эки огълан къардашы сагъ къалды. Олар да Муса киби ватанына къайтмакъны ант эттилер.

Вокзалда сагълышкъанда къардашлары атта шакъа эте эдилер:

– Санъа Муса пейгъамбернинъ адыны бефтан бермедилер... Фраун Сталиннинъ эсаретинден озь къардашларынынъ чыкъарманъ ичюн... Бизим артымыздан исе, иншалла, бутюн халкъ котерилир...

– Бизге душман олгъан падишаларгъа Алла инсаф берсин, – текрар-текрар айта эди Муса. – Сизге де Ватангъа къайтмакъ къысмет этсин...

Шимди о Зекиенен берабер ятып тургъан оданынъ диварлары ве таванына саип козюнен бакъа эди. Базы ерлерде сывасы* эшилип тюшкен. Пенджерередеки перделерни кунештен къапатып, Муса урбасыны денъиштирди ве азбаргъа чыкъты.

Онынъ Къырымда ерлешмесине кедер этмек ичюн кой шурасында кетирильген делиллерден бири – беш адамгъа эки уфакъ одада яшамакъ санитар талапларына уймагъаны эди.

– Бизим сагълыгъымыз ичюн о къадар къасевет эте экенсиз! – мыскъылламагъа тырышты Муса бу делильни шура реиси Сафроновдан эшитерек. – Амма биз алышкъанмыз. Сюргюнликте баракнынъ бир одасында он адам олып яшадыкъ. Корьгенинъиз киби – сагъ къалдыкъ. Мен алгъан эвге даа учь ода къоша билем. Мейданлыгъымыз етер...

Тек акъшамгъа якъын, Муса азбар ичинде тюшюнджелерге далып кезген, дикъкъатнен топракъны назардан кечирип, чамурны пармакълары арасында эзмелеген вакъытта аркъасы артындан Зекие ве балаларнынъ къуванч толу сеслерини эшитти. Олар бир агъыздан:

– Акъшам шерефлеринъиз хайырлы олсун, – деп, оны къучакълады ве опытилер.

Эеджан атта акъшамлыкъ емекке отургъанда биле савушмады. Муса тюрьмеде башындан кечкен къарсанбалар акъкъында айтмагъа севмегенини билип, Зекие санки бир шейден утангъаны киби:

– Бир сепет итбурун ичюн къазангъан парама текаран иримчик ве бир буханка къара отъмек алып олдым.

– Анам партизан киби. Акъмесджитнинъ базарына гизли ёлларнен насыл барып чыкъылгъаныны биле, – корюшкенлеринден берли бабасындан джошкъун козьлерини алмагъан Юнус онынъ омузына сыйыкъты*. – Эм онъа, шартлы махкъом этильгенге, эвинден чыкъмагъа олмагъаныны кимсенинъ хабер де ёкъ... Эминим, Алиме Абденнанова⁵ биле оны озюнен берабер малюмат топламагъа алыр эди...

«Къарсанбалар балаларны тез буюклештире», – тюшюнди Муса ве даа бир кере дикъкъатнен балаларгъа, сонъ Зекиеге бакъты.

Атта бугуныки корюшювнинъ къуванчлы эеджаны онынъ юзюнден ёрулув чизгилерини сильмеген.

«Алла манъа яхшы апай ве балаларыма мераметли ана берди, – Мусанынъ акъылына бу фикир ильк кере кельмеген эди. – Онынъ акъылы ве эйи табияты олмагъан олса, балалар догъмуш ватанында меним агъа-къардашларым Баяутта ольгени киби, ачтан олер эдилер...».

Субетни бугуныки къасеветлерден насылдыр четлештирмек ичюн Муса:

– Билесизми, балалар, Муса пейгъамбер (а. с.) сахрада ойле бир осюмликлер ашагъан ки, оларны аванчыкъта* эзсенъ, ирмик куръпеси* ола. Мухаммед пейгъамберимиз (с. а. с.) исе кунъде бир къач къабе хурмасыны ашап тоя экен...

Яры геджеге якъын Зекие балаларнынъ одасына кирип бакъты. Тёшекке къайткъан сонъ исе, Мусагъа явашчыкътан фысылдады:

– Адет узъре олар, атта керосин лампатны якъып къалдыргъанымда, баягъы вакъыт юкълап оламай эдилер... Бабасы дивар артында олгъаныны билип, ильк кере къатты юкъладылар. Юнуснынъ юзюнден исе тюшюнде биле бахтлы тебессюм джыйылмай...

III

«Айт: «Мына бу меним ёлум... Биз ёлумызны билемиз – меним изимден баскъанлар – бу меним».

Къуран-и Керим. Муса Мамут окъугъан «Йусуф» суресинден.

Муса исе козь къымгъаны биле ёкъ. Десене, азатлыкъта ильк геджеде огълунъ киби кулюмсиреп юкълап къал. Амма – ёкъ! Тюшюнджелер башыны сарды. Къорантанынъ яшайышыны даянылмайджакъ алгъа кетирмек ичюн Сапрыкин ве о кибилери даа нелер уйдурыр экен, деген фикир мийини ёрды.

Сез сырасы, лейтенант Сапрыкин къанунсызлыкъ алып баргъан ипратыджы* куреште адий пияде*. Базида Муса онынъ юзюнде болдурув дую тургъан: «Манъа эписи бир – татар кельдими, я да мордва», амма ялан, къабар, юзьсюзликте хамыр киби басылгъан вазифе борджу дава чыкъкъан сайын, догъмуш Ватанына авдет олгъанынынъ юзюне, кенди гонъюни котерген: «Акимият векилинен насыл лаф этесинъ?!», – сёзлерини урмагъа меджбур эте эди.

Кременчуг лагерине къапалмаздан къарарнен бир йыл эвель Муса акимиятнинъ чокъ мураккеп олмагъан арекетлерини энди огренген эди – тенбилер*, къоркъузувлар, джёремелер, эки афтагъа якъалав – экинджи кереси апске алмакъ ичюн ёл бу эди.

Муса мында, ватанда да, ана-бабасы ве агъа, тата-къардашлары иле сюрдюникнинъ ильк йыллары яшагъан Баяутта, сонъра Зекиеге эвленген Янъыёлда, Къырымгъа авдет ёлуна тюшкен Чырчыкъта – бу гъурбеттеки бир сыра ерлерде де – ич бир вакъыт, шараит насыл олса да, догъмушлары, достларына телашыны, шашкъынлыгъыны косътермемек адет ерине алды ве тек исрарлыкъ*, макъсаткъарлыгъыны* нумайыш эте тургъан.

Ана шимди де, о олмагъанда акимият даа бир писликке урунгъаны – къорантаны ярыкъсыз ве къыркъ градус араретте сувсыз къалдыргъанына баш эгмейип, эвдекилер гонъюльден тюшмемелери ичюн насылдыр чаре тапмакъ керек эди.

Даа акъшамдан, къаранлыкъ тюшмезден эвель, Муса бутюн азбарны доланып, эр бир кошесине сокъулды. Къую къазыладжакъ ерде хусусий бельгилер ола. Месея, къарынджалар. Къапу огюнде къарынджалар бири-бирине къаршы юрип, джеviz терегининъ кевдеси бою ашагъы-юкъары чапкъалай эдилер. Даа чиркийлер сув ирмагъы якъын олгъан ер устюнде даима айланып отура. Эм де тенбель чёль чибинлери озъ бездиртиджи вызылтысынен къум тюбюнден дымлыкъны чекип чыкъармакъ истеген киби олалар.

Бу бельгилерни Муса, чёльде ве дагъ этеклеринде къой ве атлары ичюн сув къыдырып юрген, эм де къургъакъ йылларда Узунджыда тек озюне дегиль, койдешлерине де къую къазгъан бабасы Ягъя агъадан биле эди.

Бу унер огълуна да керек олды. Сюрдюникте, о киби сюрдюнли Ниязи Меметов иле, озъбек азбарларында къую къазып, акъча къазана тургъан.

Туздан къабукълангъан топракъны къат-къат кесерек, зораки муаджир ябанджы улькенинъ отларында демленген, башта алышылмагъан къокъуларны дую эди. Бу онынъ хатырасыны джанландыра, балалыкъ чагъына къайтара тургъан.

Бабасы янъы къазылгъан къую этрафында йымшакъ топракътан чыкъарылгъан тамырлардан атеш якъа ве, агъач къопкъаны толдуруп, сувукъ сувны ялынлар этрафында сепе эди. Мусанынъ тааджипленип, сув иле къаранлыкъ къуюдан кимни я да нени чыкъарасыз, деген суалине, о, бильмем джиддий, бильмем шакъа иле:

– Учъ башлы девни, – деп джевап бере эди.

Муса мефтюн козьлернен атешке бакъып, ойнагъан ялынлар ичинде сув саибининъ (девнинъми?) юзюни мытлакъ коръмеге тырыша тургъан. Атеш отны якъып, даркъалмагъа башлагъаныны корип исе, тюшюндегеге дала: от янгъаныны сезе экенми? Я къанатларыны тесадуфен якъкъан къуш? Я адам? Я да янгъан инсаннынъ ичинде бир шейлер топлана ве о шей янгъын агърысы эм чекишювлерни тындыра?

Чокъ йыллар сонъра, гъурбетте бу балалыкъ хаяллары апансыздан Чырчыкъ озенининъ кенарында олып кечкен къоркъунчлы вакъиагъа чевирильди.

Къырымгъа къайтмакъ къарарыны алмакътан эки йыл эвель Муса мираб* – арыкълардан памукъ тарлаларына акъызылгъан сувны ачкъан озен ялыларынынъ бакъыджысы оларакъ чалышкъан эди. Сыджакъ айларда сувны тек гедже ача тургъанлар ве, даа пишмеген орькенлер иле тарланы сув баскъаны-басмагъаныны тек ай ярыгъында йылтырагъанындан коръмек эм вакъытында бентни* къапатмакъ мумкюн эди.

Иштеки чапкъалавлардан тек танъда бираз тыныш алмакъ чареси олгъан. Бойле вакъытларда озен кенарында отуруп, сув ташларгъа кунешнинъ ильк къыя шавлелерини къаршылап йырлагъан корюмеген къушнынъ хафиф бир

сызгырувына ошагъан, зорнен эшитильген сеснен ышкылангъаныны динълемек буюк бир енгилликни кетире эди.

Эмиетлидже ишлер ола тургъан. Ерли койлюлер озъ багъча ве бостанларына чокъча сув йибермеге тырышып, онъа ялвара. Мираб ве онынъ ерли сакинлерден олгъан ярдымджысы Мумтазны бир багълам къавун я да бир чувал къартоп къабаргъа сатын алмагъа ынтыла ве Мусанынъ сарсылмаз табиятына чарпынып*, атта джезанен къоркъуза эдилер...

Мераметли, юзюнден тебессюм таймагъан Мумтаз озъ джесюрлигини ве эмиетини косьтермек ичюн даима сюрюнип юрген, яры-ярыгъа тюкю сыдырылгъан бир окчели* деве устюнде юре ве оны:

- Халь! Халь!, - сёзлеринен айдай эди.

Бу маалледе екаяне деве олса керек. Урувсыз о козь огюнде ипрана бере ве Муса Мумтазнынъ огюне окчесине сыйыкып отургъанда, эки адамны зорнен ташый тургъан.

Мумтаз къазах къызына эвленген сонъ мында Бухарадан кочкен эди. О, догъмуш шеэрини ве онен багълы чешит вакъиаларны сыкъ-сыкъ асретнен хатырлай тургъан.

Насылдыр чарпыкъ* Уктам деген къомшусы акъкъында икаяе эте эди. О, маалле ичинде юрип, къайсы эвде мевта чыкъаджагъыны дуямы, шашарсынъ. Амма элем агълавыны эшитир-эшитмез, чарпыкъ шу эвге биринджи чапып кире, якъынларына сабыр тилерек, мевтанынъ козьлерини къапатмагъа ашыкъа, санки бундан ильхамлана экен.

Мумтаз озъ шеэрини олгъан асретини даима Муса иле озен бою деве устюнде кеткенде бильдире, санки айваннынъ тенбель юрюши онынъ хатырасыны къытыкълай эди.

- Халь! Халь! Башкъа ерлерде насыл олгъаныны бильмейим, амма Бухара дженк йыллары башындан акъикъый халкълар кочмесини кечирди... Башта бизге немселерден къачкъан Полония еудилерини кетирдилер. Эр бир эвде бирер, базада эки къоранта ерлештирдилер.

Бизде учъ къачакъ ашагъыдаки бир ханемизде яшады, бир данеси исе оларнынъ молласы - ксендз эди, пек худжур, инсан севмеген бир адам эди. Озюне балаханагъа* котериле, семетдешлеринен корюшмеге севмез эди... Атик халкъ, чокъ тюшюмден ишке кириштилер - кими къуюмджы олды, кими ерли ёлбашчылар ичюн Сталин кийген киби мест чызмалар тикмеге башлады, араларында саат усталары да бар эди...

Менде олар кеткен куню чектирильген фоторесим сакъланды. Бабам - Исхакъ, анам - Ризван, агъа, тата-къардашларым, ве бизнен берабер - адларыны шимди де хатырлайым - София, Давид эм оларнынъ огълу Абрам... Ксендз къачты, фотогъа тюшмеге истемеди. Шуны да айтмам ерли ки, Полониядан кельген чокъсу муаджирлер бизим тарафларымызны ойле бир бегендилер ки, бизде эбедиен къалмагъа истедилер. Эм эр сёзюнде Сталинни макътай, ондан имдат сорай эдилер...

Буларны икаяе этерек, Мумтаз дудакъларынен шапылдай, санки бу хатырлавлардан агъзына татлы келе эди:

- Дженктен бир-эки йылдан сонъ бизге юнанларны кетирдилер. Оларны мемлекетлеринде акимликни къолуна алгъан «къара полковниклер» такъип эте, деген эдилер... Анълагъаныма коре, бу коммунистлер ве оларнынъ къоранталары эди. Булар да, мефкюреджи олгъанларына бакъмадан, бир кереден келирли ишлерге урундылар: эвлерни сатын ала, бираз тюзете-боялай ве гъайрыдан сата эдилер. Сонъра олар Ташкентке кочтилер эм але бу куню ватанларына къайтмагъа козьлери ёкъ. - Мумтаз Мусагъа ийлекарлыкънен бакъты ве бираз сускъан сонъ, бригадирине хош бир шей айтмагъа истеп, девам этти:

- Мен чокъ тюшюндим: не ичюн къырымлар бу къадар йыл ичинде топрагъымызны къальбине якъын алмадылар? Ойле сойлары олды ки, вагондан чыкъмагъа етиштирмейип, кери, Къырымгъа дёнмеге ынтылдылар... Шимди де чагъырамы? Бесе-белли, ялынъыз денъиз, догъмуш дагълар ве чечеклернинъ мис къокъусы

дегильдир... Мына меним кѳазах апайым, чѳельде, чадырда яшады. Анда чокъ километрлер кечсенъ биле, не ѳл, не кой корерсинъ. Ялынъыз девелер. Менимкини, апайымны устюне кѳойып, мында кетирдим. Биринджи вакъытлары икѳлимни денъиштиргенинден чекишти, хаста ятты, амма сонъ алышты... Кимерде, джаныма такъ эткенде, оны, талакъ айтарым, деп, чадыргѳа кѳайтырсынъ деп, кѳоркѳузсам, манѳа джевап ерине учъ пармагъындан ишарет косътере... Адалетсизлик. Сизге нисбетен буюк адалетсизлик япылды... О кѳальбинъизни кѳыра ве Кѳырымгѳа ѳлны бир дакъкѳагѳа биле унутмагѳа бермей.

Мумтаз гонълюни ачкѳаныны динълеген Муса исе тюшуне эди: сонъки отуз йыл ичинде ерли халкънынъ кѳырымларгѳа мунасебети кѳарама-кѳаршы денъишти – душманджа бакъышлардан, ябанджыларны кѳабул этмемезликтен гонъюльдешликке, шефкѳаткѳа чевирильди. Эки халкъ бири-бирине якъынлашты, оларнынъ ойле де дини бир, адетлери ве тиллери ошай эди. Озьбеклерден олар кѳарсанбаларгѳа сабырнен даянмагѳа огрене тургъанлар: «Сабр таги сари олтин». Ерли халкъ да сюргюнлилернинъ чокъ мусбет чизгилерини, оларнынъ макъсаткярлыгъыны ве кѳавий ирадесини кѳайд эте эди.

Мумтаз сув меселесинде мирабнен давалашкѳан ве онынъ инатлыгъы эм де намуслыгъындан кѳанаатленмеген койдешлерине бу меселени анълата тургъан. О, сыкъ-сыкъ, Мусадан бир кунъ эшиткен, «Ташны сыкъса, сувуны чыкѳарыр», деген ибарени текрарлай эди.

Мумтаз озъ икѳесини девам этмеге ниетленгенде, апансыздан деведен секирип тюшип, вайылдады. Енгиллик дуйгъан деве ог аякъларыны кѳатлап, Мусагѳа ерге тюшмеге ярдым этти.

Мумтаз озеннинъ сагъ тарафындан копюрден абына-сюрюне чапкѳан атеш ичиндеки кѳадынгѳа атылды. Кучълю атешнинъ ялынлары ельден даа бетер янып, оны шимди тѳпеге алып кетеджек киби эди.

Муса бекленильмеген бу вакъиадан пек тесирленди, алсызланды ве терекке таянмагѳа меджбур олды.

– Аптечигим! Не яптынъыз сиз?! – Мумтаз санки атешни урып атмакъ истеген киби кѳолларыны саллап, кѳадыннынъ кѳаршысына чапты. Кѳадын, аягъы тайып, сувгѳа йыкълды ве котерильген далгъаларда чапаланмагѳа башлады.

Мумтаз кѳадыннынъ артындан сувгѳа далды ве кѳолундан тутып ялыгѳа таба ялдап, чыкѳарды.

Кѳамышлыкъ ичинде сакъланып, балыкъ туткѳан насылдыр осьмюр онѳа ярдым этмеге тырышты. Кѳолунда ѳргъан туткѳан окюр-окюр агълагъан кѳарт да етишип кельди.

Ялыда кѳадыннынъ устюнден комюрленген урбасы такъым ѳлакъ-ѳлакъ тени айырылып тюше эди.

– Кѳызым, не яптынъ сен?! – Кѳарт, тизлерине чѳкип, кѳадынны ѳргъаннен кѳапатты. Бу Алла огюнде гуняхтыр... Сен балаларынъ, кѳарт ананъ-бабанъ акъкъында тюшюнмединъ... Санѳа эйи ишлер ичюн Алла багъышлагъан джанынѳа кѳаст эттинъ де...

Шу мешъальге чевирильген кѳадын Мусагѳа ойле бир тесир этти ки, биринджи вакъытлары озен ялысына баргъан сайын козю огюне келе эди... Хаялеттен кѳуртулмакъ ичюн вакъианы Зекиеге тариф этмеге тырышты, лякин о бир кереден кестирди:

– Сакъын, айтма! – ве озюне ер тапамайып, оданынъ бир кошесинден бир кошесине юргеге башлады.

О, озъбек кѳадынлары арасында – олсун намусына токъунгъанларындан, олсун ходжасынынъ котегинден, олсун чареси олмагъан фукъареликтен, я да балаларыны бакъып оламагѳаны ичюн озюни кѳабаатлы дуйгъанындан – озъ-озюне бойле сыфатта кѳаст этмек даркѳалгъаныны эшитсе де, бу вакъиа онынъ кѳальбини Мусанкинден эксик кѳырмады...

«Кучьлюни багъламагъандже, кучьлюнинъ эвине кирип, онынъ шейлерини ким чайпай билир?..».

Афросия Мезенчук Тевраттан окъугъан парча.

Азбардаки такъылдавы биринджи олып янъы уянгъан Юнус эшитти. О, абдырап, тѣшек ичинде отурды ве даа бир шей анъламайып, козьлерини сюртмеге башлады. Бу яры-ярыгъа ипрангъан, тешик дамы, къыйышкъан къапу ве пенджерелери олгъан эвде ерлешкенлеринден берли Юнус ве таталарыны диварлар артында эшитильген эр бир давуш къоркъуза эди.

Эр сефер, кене лейтенант Сапрыкин дружинниклернен келип, оларны эвлеринден чыкъарып атмагъа, озьлерини исе конвой иле кери, Озбекистангъа ёллайджакъларынен къоркъузмагъа башлар деп, отьлери патлай эди. Анасы ве бабасыны исе о апсханенен къоркъуза, лякин Мусанынъ чырайы таш кесилип, даима:

– Бир якъкъа кетмейджекмиз, биз озь ватанымыздамыз! – деп, джевап бере тургъан.

Мусанынъ озюнде эмин, къатты давушы лейтенантны даа бетер къызыштыра ве о къанун, тертип акъкъында лаф юргюзсе де, бу лафларгъа илле къоркъузувларны къарыштыра эди.

Пенджеренен бу даваларгъа теляшнен бакъкъан Юнуснынъ акълына кимерде Сапрыкин озь Ана юртуна къайткъанларны дегиль де, Марс я да Айдан кельген скафандрлы насылдыр махлюкълар киби душман ерине тута, деп келе тургъан. Бу бала хаяллары иле о, бабасы ичюн къасеветини тындырмагъа тырыша эди.

Муса Кременчук лагерине сюрюльген сонъки бир бучукъ йыл къоранта ичюн гъает агъыр кечти. Лагерге мектюплер эки айда бир кере бара тургъан. Мектеп татиллери вакътында беяз къуйрукълы савускъанны* озюне алыштыргъан ве эллеринден ашатып, омузында ташыгъан къушкъа бакъып, Юнус бабасындан мектюп кельгендже, бу къуш Ер курресини учь кере айланып чыкъар, деп тюшюне эди.

Сапрыкин иле юрген дружинниклерден къыя козьлю, бети ичкиджиликтен даима шишик Монгол лагъаплы адам Юнускъа энъ къоркъунчлы корюне эди. Сапрыкиннинъ Мусанен тартышкъанда делиллери биткенини дуйып, Монгол огге адымлай ве дудакъларыны къоркъунчлы созып:

– Ишни не эзип ёгъурасыз?! Эли-аягъыны багълайыкъ да – вокзалгъа, мал вагонына, – деп, лаф къыстыра тургъан.

Къоранта сюрюн этильмек телюкесинде 1975 сенеси баарининъ ильк куньлеринден, шимдики къомшулары Мезенчук, къатты ясакъкъа бакъмадан, оларгъа озь эвининъ бир къысмыны саткъандан берли булунып кельди. Невбеттеки баарьде исе Мусаны тюрьмеге быракъкъан эдилер...

Бабасы кичик багъча янында чукъур къазгъаныны корьгенинен, Юнус тѣшектен атылып турды, бошашкъанындан кокюс кечирип, ве не иш япылгъаныны анълап, азбаргъа чапып чыкьты:

– Къую! – къуванды о, ве бабасы оны ана тилине бошуна огретмегенини косьтермек ичюн текрарлады: – Къую! Къую! Не ярдымым керек?

– Шимдилик бир шей керекмей. Чукъургъа омузымдан ашагъы кетсем, къопкъанен топракъны чыкъармагъа ярдым этерсинъ. – Муса курекни аягъынен топракъкъа тиреп, огълуна бакъты ве козьлеринде мазунлыкъ* сизди. О, бала таталарынен чѣльге сувгъа къатнамакътан безгенде безгенини анълай эди. Онынъ ичюн:

– Чокъракътан сув ташымагъа аз къалды... Сѣз берем, – деп къошты.

Гонълю котерильген Юнус эвге таба бир аякъта секиреклеп барды.

Ондан сонъ Мусанынъ ишине бакъмагъа къомшусы да кельди.

– Сен ич де тыныш* бильмейсинъ, Миша... Кереги киби раатланмагъа, нефес кечирмеге етиштирмединъ, кене чалышасынъ...

– Не япайыкъ, баба Фрося... Сув яшайыштыр...

Эр бир, атта эмиетсиз иште биле Тевраттан уйгъун мисаллер къыдырмагъа алышкъан къомшу атта эвден чыкъкъанда биле элинден Китапны тюзюрмей, къуртарыджы бир шей киби коксюне басып юре эди.

– Айды, эр шей яхшы олур – сен киби джесюрлер артындан халкъынъ да кельмеге башласа, ярыкъ да, сув да, софрада отъмек де олур... Мына язылгъан да: «Муса озь акърабасына айтты: Рабби косътерген ерге бараджакъмыз...», о исе джевап берди: «Мен озь топрагъыма, озь ана-ватаныма бараджам...» – къартий къалтырагъан пармакъларынен Тевратнынъ къара джылтыны сыйпады. – Бу сен киби къувгъунлар акъкъында айтылгъан... Айтчы, Миша, бесе-белли сизинъ Къуранынъызда да айны шейлер язылдыр?

Муса бираз тюзюнип, «Аль-Араф» суресини тариф этти:

– Фирауннынъ халкъындан олгъан задекян инсанлар онъа айттылар: «Аджеба, сен Муса ве онынъ халкъына ер юзюнде арамлыкъ даркъатмагъа изин берирсинъми?». О деди: «Биз оларнынъ огъуллаарыны ольдюреджекмиз... Биз олар устюнден буюк укюмдарлыкъкъа маликмиз...». Рабби Мусагъа беян этти: «Гедже меним къулларым иле ёлгъа чыкъ ве олар ичюн денъизде къуру кечит ач...». Фираун ордусы иле оларны такъип этти, амма денъиз оларны бутюнлей батырды, – Муса сусты ве Мезенчуккъа бакъты. Къадын оны къапалы козьлеринен динълей, санки бутюн авдетлилернинъ денъиз кечитини козю огюне кетирген киби эди, ве Муса:

– Фираун арапчасындан Фараон, – деп анълатув бергенде, абдырады.

Эбет, эбет, – фитнеджи киби фысылдады къомшу. – Фараон – бу анда, юкъарыдаки, сизни къувгъан мыйыкълы дагълы*. – О, санки бир шейни айдын анълагъаны киби озюни хачлады.

Вакъыт кечтикче якъында олгъан вакъиалар силинген ве оларнынъ ерини кечмиште башындан кечирген белялар акъкъында ярыкъ хатырлавлар алгъан сайын «мыйыкълы дагълы»гъа онынъ мунасебети денъише берди. Эгер ильк йыллары Афросия ошекчи къомшуларыны Сталиннинъ къырымларны сюрдюн эткенлери акъкъында хабери ёкъ, бильсе, вахшийлик япкъанларны джезалар да, эписини Къырымгъа къайтарып, деп къандыргъан олса, сонъки йыллары о бабасы акъкъында, онынъ кулак оларакъ Сибирге сюрдюн эткенлерини хатырлай тургъан. Тевратта фрауннынъ тарихы – «мыср джезасы» ве Мусанынъ мабюсликте олгъан халкъы акъкъында окъугъан сонъ, Хеопс пирамидасындаки фраун онынъ анъында Кремль дивары артындаки «мыйыкълы»гъа чевирильди...

– Сени бу хаинлер тюрьмеде туткъан вакъытта, – субет мевзусындан апансыздан четлешти къомшу, – къуюмны лай басты...

– Мен дуйдым... Ойле олмаса, менимкилер учь километр узакъта олгъан чокъракъкъа бармаз эдилер... Мында битирейим де, сизинъкини де бакъарым...

Мезенчук къургъакъ яз акъкъында даа бир шей къошмагъа истеди, амма хатырасы оны кене Мукъаддес метинге къайтарды:

– Сен, Миша, кучълюсинъ... Сен кибилер акъкъында Инджильде: «Кучълюни багъламагъандже, кучълюнинъ эвине кирип, онынъ шейлерини ким чайпай билир?», – деп айтылгъан. Бундан сонъ о, Мусаны иштен алмамакъ ичюн яваш мыдырданып, эвине къайтты. – Багъламаз сени Монгол... Олар сахтелик япалар...

Та таныш олгъан кунюнден къомшулар бири-бирине ишанчнен янашмагъа башладылар. Къорантасынен Киевге такъдирини арамагъа кеткен огълу яшагъан эвнинъ къысмыны сатлыкъкъа чыкъаргъанда, Афросия шарт къойгъан эди: «Къомшум ичкиджи, тенбель ве бошбогъаз олмасын». Мусаны корьгенде исе, о шуны бир кереден анълады ки, бир айгъа къадар янаша койлерде бош, сатлыкъкъа чыкъарылгъан, амма, «татарлар раатсызламасын» деген сёзден вазгечмеген саиплернинъ эвлери чокъ олып, къорантасы такъым исрарлыкънен мескен къыдыргъан инсан эссизликкедже ичкен пьянса, эм де бошбогъаз олмаз.

Муса ве Зекие янъгъыз, сыкъ-сыкъ хасталангъан къартанайгъа чаресине коре ходжалыгъында ярдым эте эдилер.

Къарткъа, Муса ве онынъ къорантасы Эски Ахит заманлардан къалгъан инсанлар – такъдир эмиринен иджретке къувулгъан ве къоркъузув эм мешакъатларгъа огъратылгъан авдетлилер киби корюне эдилер.

– Эгер мен бутюн омюр биология оджапчеси чалышмагъан олсам, Мукъаддес китапларнынъ огренмесинен огърашыр эдим. Имансыз атеистлерге Иса хаялий шахыс дегиль де, акъикъатта яшагъан, тени-къаны олгъаныны исбатлар эдим... – айткъан эди о бир кунъ Мусагъа. Эм онынъ, имансызлар анълармы, деген суалине тыпкъы Достоевскийнинъ фикирлерине уйып, джевап берди:

– Я башкъаджа мумкюнми?! Эгер Алланынъ огълу бизим эр бир адымымызны козетмесе, демек – эр шейни япмагъа мумкюнми?! Айдутлыкъ япмакъ, адам ольдюрмек, ороспуланмакъ?..

Зекие акъкъында исе къартанайчыкъ бойле деди:

– Сен, Миша, хаин незаретчилернинъ козетюви астында булунгъанда, мен бир козьнен апайынъны козеттим... Сокъакъ бою кеткенде, къаршысына – урусмы, татармы келе – башыны тѳбен алып, селямыны берир де ёлуна реван... Сенки о акъкъында Сулейманнынъ икметли риваетлеринде* айтылгъан: «Ким фазилетли къары тапар? О инджиден де къыйметлидир. Къоджасынынъ къальби онда эмин, о да келирсиз ич къалмаз... Агъзыны тек икметли, юваш насиат бермек ичюн ачар...».

Афросия къартана къомшусынынъ эвине явашчыкътан киргени киби, ойле де кетти. О, небеттеки сефер Мусанен къонушманы, ондан эшиткенини Тевраттаки вакъиаларнен тенъештирди. Юнуснынъ омузында отургъан савускъан биле онъа Инджильден сѳзлерни хатырлатты:

– «Бакъынъыз коктеки къушларгъа: олар не эке, не оралар, эм де берекетни захире анбарына топламайлар; Танъры оларны ашата. Сиз олардан эйидже дегильсизми?..»

Азбаргъа кирген Ридван ве Айдер эв саибини бельгедже чукъур ичинде коръдилер.

Достлар корюшювден эеджанны чокъ вакъыт ятыштырып оламадылар – къучакълаштылар, бири-бирининъ омузыны таптай бердилер. Сонъ эеджанларыны бираз тынчландырмакъ ичюн сачакъ тюбюнде отурды ве къарыкъ сеслернен йырламагъа башладылар:

*Сюргюн олдым Ватанымдан,
Догъып оськен топрагъымдан.
Юкледилер вагонларгъа,
Айры тюштим тувгъанымдан.
Бир тувгъаным бир областта,
Анем исе – дигеринде.
Корюшмеге чаре ёкътыр,
Асретлилер бир-бирине...⁶*

Белли олмагъан сюргюнли язгъан ве ватанындан къувулгъанларнынъ асрет сеси олгъан бу сатырлар халкъ йыры олып къалды ве йырлагъанларнынъ эр бир такъымы оны озъ, шараитке коре, нагъмесине уйдуруп йырлай тургъан.

Олар да бири-бирине мусафирликке баргъан сайын, бу тюркюни йырлай ве гъурбетликте къалгъан акърабасыны хатырлай, асретлик чеке эдилер. Мусанынъ Озьбекистанда эки огълан къардашы, Ридванда – къыз къардашы ве эмджеси, Айдерде исе – сексен яшындаки къайнатасы ве эки догъмуш къардашы къалды...

Ридван, санки биревлерни беклегени киби, азбарны козьден кечиргенини коръген Муса:

– Менкилери иште. Зекие чѳльге итбурун джыймагъа кетти, балалар исе чокъракъкъа, сувгъа... – деди ве эвден алчакъ, озю ясагъан къонаны чыкъарып, къакъра* тюбюнде къойды.

Ридван чантасындан отъмек, армут чыкъарды, тепсиге джеviz емиши ве юзюм къурусыны септи. Ашны башламаздан эвель лакнен тегизленген масачыкъны къолунен сыйпады, оймалы аячыкъларыны козетти. О, Мусанынъ атта сатын

алынган эвде биле Узунджыдаки сюляле эвининъ шараитни джанландырмагъа тырышканына шаша эди.

Къакъра янында фурун ясады – балалары эр шейде: маишетте, урбада, ашта, алып барышында озюни миллий муитте сезгенлерини ве бу оларгъа ана тилини мукеммель огренмеге ярдым этеджегине ишана эди. Озбекистанда олар озбек ве рус тилинде тасиль берген мектепте окъумагъа меджбур олып, йыллар девамында «къырымтатар» сёзюни, онда догъмуш Ватан ады олгъаны себебинден газетлерде ве китап, дерсликлерде анъмагъа биле ясакъ эди.

Дуа окъугъан сонъ наджиз* емекке таттылар. Мусанынъки киби, Ридван ве Айдер къоранталарынен яры ач яшай эдилер. Тиш экими ве авиация заводынынъ сабыкъ ишчисини мында къанунсыз яшайлар, деп оларны ишке алмай эдилер. Ридван ве Айдер тесадуфий ишнен огърашып, эски «Москвич»те адам, эшья ташып, кечине эдилер.

Табиатлары къарама-къаршы олгъанынданмы, амма олар бири-биринен пек муаббет эдилер. Ридван толу черели, арекетлери кескин, юрюши къатты, табиаттан джуръатлы эди. Айдер исе азгъын, юксек бойлу, озюни даима незарет астында туткъан, сакин лаф эткен ве сийрек йылмайган* бир адам эди.

Араба къапу апансыздан ачылганда, достлар къавени даа ичип битирмеген эдилер. Азбаргъа, чырайларыны сытып, терден пишкен лейтенант Сапрыкин келип кирди. Онынъ иле бир къач дружинник, шу джумледен ягълы, кирли тобан шляпалы Монгол да бар эди.

Къакъра тюбюнде отургъанларны корьмегенинден этип, лейтенант сыджакътан когерген козьлеринен азбарны дикъкъатнен акътарып чыкъты, пенджерелерге бакъты, санки насылдыр ясакъ этильген шейлерни къыдыра эди. Онынъ фикриндже, авдет олгъанлар самогон сатып кечине ве оларда мытлакъа аппаратлары сакълы турмакъ керек эди.

– О! Бу садыкъ ортакъларны чокътан корьмеген эдим, – деди Сапрыкин, отургъанларнынъ бетлеринден олар ичкенини-ичмегенини анъламагъа тырышып.

Ёлбашчысына эр вакъыт хызмет этмеге азыр олган Монгол, тыпкъы украин аталар сёзюнде киби, бабасындан эвель атешке озюни сокъып, къакъра янына якъынлашты ве бурнунынъ тешиклерини къысыкъ козьлеринден кенъ ачып, къокъланмагъа башлады.

Учу де айныкъ олгъанына къанган сонъ, Сапрыкин къаттылыкънен:

– Лютфен, дженабы-аркъадашлар, сизинъ паспортларынынъызны!

Дружинниклер сыджакътан агъыр нефес аларакъ, эки тарафтан турдылар.

– Сергей, сен бу афта Ридваннен паспортларымызны ДАИ нокътасы янында энди бакъкъан эдинъ де, – хатырлатты Айдер, паспортыны джебинден истемейип чыкъараракъ.

– Мен санъа Сергей дегиль, Сергей Васильевичим, – текрарлады Сапрыкин озь севген ве гъает зариф сайган ибаресини, – биз сеннен ракъыны брудершафтка ичмедик. Демек, акъылдане Джемалетдинов Айдер... мууръ ёкъ. Донскойда къанунсыз яшайсынъ... Чарухов Ридван – айны, – паспортларны саифелеп, не ичюндир пек сакин, амма къоркъутыджы сеснен айтты о. Онынъ фикриндже, айны ойле давуш керекли тесир эте эди. – Сен исе, Мамутов, узакъ олмагъан ерлерден къайттынъ, кой шурасына даа барып етиштирмединъ. Ойлеми, етиштирмединъ де?! Сиз экинъизни исе, Чарухов ве Джемалетдинов, шимдичик тахкъикъатчыгъа* алып бармагъа чарем бар. О исе къарар чыкъарып: сизге невбеттки джёреме тайинлемек я да джинай иш ачмакъ. Мамутовнен бир сене эвель олгъаны киби... Аджеба, дженабы-аркъадашлар, сизге не, паспорт идаресине кельмек къыйынмы? – Авдетлилернинъ бойле барып-кельмелеринден ич файда олмайджагъыны биле-тура къылынмакъны девам этти Сапрыкин. – Паспортчы къадын озю сизге келип тиз чёксинми: «Лютфен, Донскойда яшагъанынынъызны эписи къанунгъа бойсунган граждандар киби ресмийлештиринъ», – деп ялварсынмы?..

Онынъ сахте мизахына тек лейтенантнынъ эр бир сёзюнден сонъ хихылдагъан Монгол къыймет кесе бильди. Сапрыкин исе, къарарыны къачыргъаныны анълап, къую къазылгъан тарафкъа ишмар этти:

– Санъа, Мамутов, къанун боюнджа сенинъки сайылмагъан топракъта арыкъ, я да ер асты ёл къазмагъа ким рухсет берди... ха! ха! – ёл догърудан-догъру Озбекистангъа олса керек...

Давушларны эшитип, къора артындан бакъмагъа чыкъкъан Мезенчук яваштан мырылдады ве не акъта лаф кеткенини анълагъан сонъ:

– Миша къуюны озъ топрагъында къаза. Мен оны къанун боюнджа саттым. Даа бир кере кельсенъ, копегимнинъ зынджырыны чезерим... Бу къорантаны къыйнагъанынъыз етер энди, хаинлер... Санъа эждатларынъ Тевратта васиет къалдырмадылармы: «Кельгенни сыкъыштырма ве эзиетлеме, чюнки сиз озюнъиз де кельмешек эдинъиз...». Сен озюнъ я Уралдан, я Урал артындан кельмешек дегильсинъми? Бу балалар исе догъмуш топрагъындадыр, – деди къартанай.

Сапрыкин ачувланып, Мусанынъ къомшусы тарафкъа къолуны къакъты:

– Манъа сенинъ Тевратынъ бир капик, джаиль къартий... Сен исе Теврат огюнде дегиль, совет къануны огюнде, койде бойле муштерилерни эр кес къувгъаныны биле-тура, татаргъа эвнинъ бир къысмыны саткъанынъ ичюн даа джевап бередженъ, – сонъ шарт, этип айланды ве кетмезден эвель сорады:

– Къапу огюнде кимнинъ джарты арабасы тура?

Ридван, синъирленсе де, догъру джевап бермеге сакъынып:

– Истесенъиз, машинаны акътарынъ... Сизге даима биз, къырымтатарлар, я патлатыджы, я сатлыкъкъа сахте ракъы ташыгъанымыз киби корюне...

Араба къапу артындан Сапрыкин мотоциклы дырылдысы узакълашкъаны эшитильген сонъ, агъыр сукюнетни Ридван больди:

– Эрмени радиосы⁷ айткъанына коре, райоinda насылдыр Клавдия Ивановна Колос чалыша... Белли бир къабар берсенъ, паспорт болюгинде ве нотариуста бизим меселелеримизни чезе эмиш... Онъа ёл тапып бармагъа ким тарафдар?

Айдер ве Муса бири-бирине бакъып, индемедилер.

– Манъа бу акъта даа лагерьде айткъан эдилер, – озюни зорлап, деди Муса. – Эрмени радиосындан эвель... эртеми кечми – гизли шейлер ашкяр олуна...

– Сонъ, не олгъан? – агъыр фикирлерден санки янъы айынгъан киби, сесленди Айдер. – Мемурны озюнкилери сатмаз...

Муса азбарны козьден кечирди ве агъыр кокюс чекти. Мусафирлернинъ тюшкюн кейфинден онъа азбар тарлашкъан киби корюнди.

– Сиз дегенинъизни япынъыз... Мен исе акимиеет огюнде къабаатымны одедим – ватаныма къайткъан сонъ лагерьде отурып чыкътым... Кимсеге ич бир вакъыт мында яшамакъ ве ольмек акъкъы ичюн къабар бермем...

– Айды, бу мевзу кунъ тертибинден алынды, – Ридван турды ве араба къапу янына кельгенде Мусаны кене къучакълады...

V

«Иса исе, оларнынъ ынтылышларыны корип, айтты: неге сиз къальплеринъизде яманлыкъны тюшюнесиз?».

Афросия Мезенчук Тевраттан окъугъанларындан.

Сапрыкин мотоциклны кой шурасы – узун, бир къатлы боз (серый) тюсте бина къаршысында токътатты. Мында реиснинъ кабинетинден гъайры милисинъ таяма нокътасы ве «паспорт маса»сы, окъув одасы, клуб, эм де тиббият нокътасы иле берберхане ерлештирилъген эди.

Клубнынъ кутъле эглендириджиси* гитараджы Петро фокусчы зарифлигинен* фырчысыны урып, кириште асылы тургъан буюк тахтадаки агъаргъан арифлерни тазерте эди.

Къач йылдан берли асылы тургъан, вакъыттан ве сыджакъ-сувукъ тесириден себеп ярашыкълыгъыны джойгъан мураджаат кочебе – «переселенец»лерге (озь ватанына авдет олгъанларгъа дегиль, эбет), кунешли Къырымгъа, сюрюн этильген кырымтатарларнынъ эвлерине кирип яшамагъа истегенлерге япылгъан эди.

«Колхозджы аркъадашлар! – тантаналы давет этиле эди тахтада – Зенгин ве берекетли Къырым виляетине кочюнъиз!». – Иште, эглендириджи шимди тамам бу языны боянен янъарта эди: «1951 сенесинден башлап Къырым виляетине колхозджыларнынъ кочъмеси тешкиятландырылгъан. Кочювге ишке ярагъан ве инсафлы, къорантасында энъ аздан эки ишке ярагъан азасы олгъан гражданлар ярай. Къырым виляетине кочкен колхозджыларгъа ССДж Бирлигининъ укюмети мезкюр имтиязлар ве устюнликни теминлей».

Бундан сонъ имтиязлар джедвели берилле. Олар сырасында: бедава ёл, эв эшьялары ве малнынъ бедава кетирильмеси, 800 рубле микъдарында аиле башы ве 300 рубледен эр бир аиле азасына бир керелик ярдым, азбардаки ахырлар ве арсасы такъым бош «къалдырылгъан» эвлерге кирип яшамакъ имкяны... Фырчысынен бу сатырларны боялап кельген эглендириджи-гитараджынынъ кескин боя къокъусындан башы айланды ве о салланып скемлеге отура къойды.

Онъа якъынлашкъан Сапрыкин оксюрге башлады ве эглендириджиге къаба сеснен:

– Сачмаларнен огърашмакъны не заман токътаджанъ шу? – деди.

– Джан-юрекнен, Сергей Васильевич, – сычрап турды еринден фырчиджы. – Амма дюльберлик такъыштырмагъа эмир бердилер... Аким Антонович айттылар: бу плакат – кой шурамызнынъ юзю. Эр даим ярыкъ, ярашыкълы, бина тургъан топракънынъ саиби – колхоз-миллионерге лайыкъ олмалы...

– Козъбояма булар эписи, – мыдырданды Сапрыкин богъуджы къокъудан эп оксюре берип.

Сёз сырасы, къорантасы такъым бутюниттифакъ чагъырувына сесленген Сергей Васильевичнинъ керим* ава ве шифалы денъиз суву саесинде хызмет ве шахсий яшайышы тез тюзелип кетти. О, дженк вакътында биревлернинъ балаларыны къуюларда тындыргъан кырымтатарлар акъкъында фитне эмиш-демишлерге къанып, озь тамырлары къайдан чыкъкъаныны унутаракъ, «татарщина»ны эр ерден сувурyp чыкъармакъны макъсат къойды. Тек Афросия Мезенчук, Мусаны къорчаламагъа тырышып, Сапрыкинге, о озю Воронеж дживарындаки сагъыр*, дженктен тар-мар этильген койден олгъаныны хатырлаткъан эди.

Отуз еди яшына келип, догъру-къыя хызмет этерек, Сапрыкин, не исе де, уйкен лейтенант унванына наиль олды ве ондан пек гъурурлана эди. Озь догъмуш коюнде о, энъ чокъу домуз бакъыджысы я да язда батакъ чамурыны ёгъургъан*, къышта исе тизинедже къаргъа кирип кеткен поштаджы олур эди.

«Зенгин ве берекетли Къырым виляетине» кочкенлерге ваде берильгени киби, Сапрыкинлер, саиплери сюрюн этильгенинден берли бош тургъан, буюк эвде ерлештилер.

Орталыкътаки эшьялар дагъыныкъ олгъанындан, аркъаларындан тюфек къундагъынен итекленген эвельки саиплери эвни ашыкъып, богъчаларына ве агъач джемиданларына тек энъ керекли шейлерни алып етиштиргенлери белли ола эди. Энъ кыйметли шейлери исе – табандаки* килимлер, сандыкълар устюнде ве дивар ичине батырылгъан долапларда дестенен тургъан ёргъанлар ве ястыкълар, рафларда тизильген джез ве керамет савут бус-бутюн орюмчек йиплеринен ве къалын тоз къатынен орьтюли... Диварларда сыра-сыра асылы дюльбер къол нагъышынен яраштырылгъан юзьбезлерни къуртлар кемирип, чиль-парча эткенлер.

Ильк кунълерден Сапрыкин бу «ябанджы татар-мусульман» эвинде озюне ер тапамай эди. Атта кой шурасына барып, бу эвни рус собасы олгъан эвге денъиштирге чареси олмаз экенми, деп сорады.

Аким Антонович Сафронов – эбедий реис, къарандашнынъ уджуны тишлерек, койлюернинъ джедвелини баягъы вакъыт огренип, аз къалды Сапрыкинни къувандырмагъа: «Идрис Какуранынъ къарышыкъ къорантасы бар – рус апайына бола сюрдюн этмедилер. Оларнен эвлеринъизни денъиштире билесиз, амма бу денъишме оладжагъында эмин дегилим...

Сапрыкинлер къорантасынынъ башы эвден «шаман рух»ны къувмакъ ичюн, оны озю алышкъан орман койлердеки эвге бенъзетмек къарарына келип, баягъы денъишмелер кирсетти: баджасы* ве зынджыргъа асылгъан къазаны олгъан дивар собаны толанен къапатты. Бу ишни япаракъ о: «Не, татарлар камин ичинде балыкъ тютеттилер, ёкъса?», «Зынджыргъа асылы «чугунок»та исе эт пиширгендирлер...», – деп сомурдана берди.

Сонъ сув долабына – ятакъ одасына кшошулгъан ве ювунмакъ ичюн ишлетильтген кучюк ханеге небет кельди. Ондан янъы саип айван ахыры ясамагъа ниетленди. Бу вакъытта исе апайы ве он эки яшлы огълу, Сергей азбарда туташтырылгъан атешке, сюме ашагъан кшой ве деве юнюднен ёргъанларны ве диварлардан сыдырылгъан орьнекли юзбезлерни чыкъарып аттылар. Ятакъ одасындан кетирильтген сюсю бешикни алев ялынлары иштаанен ашагъан киби корюне эди.

Башкъа халкъларнынъ майшети ве яшайышынен таныш олмагъан ве кшырымтатарларнынъ бу дженкте тек хаинлиги акъкъында эшиткен, оладжакъ лейтенантнынъ акълына биле кельмеди: якъында бу бешикте сабий яткъан, оны анасы ашыкъчанлыкънен кшучагъына алып, койдешлерини вокзалгъа, андан исе агъыр, эзиетли ёлнен Озбекистангъа алып кеткен машинагъа чапкъан...

Кочъкен эвини Сапрыкинлер юксек кшоранен кшораладылар. Бу Сергейнинъ къальбинде саип дуйгъусыны кшозгъатты: «меним эвим – меним къалем», къана, энди кельчи, сокшулчы, татар. Деръал кери, сюрдюн олунгъан тарафларыньа ёлларыкъ...

Эглендириджи Петро, тылсымджы усталыгъынен фырчыны ойнатып, боялагъан чагырув плакат Сапрыкиннинъ гоншлюнде бир сыра дуйгъуларны кшозгъатты ве шу себептен о реиснинъ кабинетине киргенинен, онъа суаль берди:

– Аким Антонович, не анасын кшрюне эр сезон шу плакатны бояламакъ керек? Зенгин ве берекетлиге хош сефа келинъиз, деп...

– Я не, о сенинъ козюнье чыбан чыкъарамы? – маса башындаки кшолтугъында* онъайтлыджа ерлешмек ичюн бургъаланды* реис. – Анъла, Сергей, бу плакат – кой шурамызнынъ девлет программасыны эда этмемиз боюнджа юзю, косьтергичидир. – Кенъ омузлы, кшыскъа боюнлы ве тазбаш Сафронов Сапрыкиннинъ серт юзюне бакъып, сорады:

– Милис джебесинде насыл янъылыкълар бар?

– Мамутов Муса кшайтты, – истемейип джевапланды лейтенант.

Хаберни сонъунадже зорнен динълеп даянгъан Сафронов масада яткъан юмрукъларыны сыкъты:

– Якъында Колос Клавдия Ивановна бир аякъ кирип чыкъты... Ишимизден мемнюн дегиль... Опыкеледи. Татарларны Кшырымдан чыкъармасыны не созгъалай бересиз, деди...

Сапрыкин шашкъынлыкънен омузларыны сыкъты:

– Алла кельсин акъкъындан... Бизни опыкелемек гуняхтыр... Тек кечкен айда вокзалгъа етиштирип, ёлгъа реван эттик! Мамет Кайбуллаевнинъ кшорантасы – дёрт джан, Сейран Идрисовнынъ – беш джан...

Сафронов бесе-белли лейтенантнынъ джевабындан мемнюн олмады ве шу себептен бираз эришитирип:

– Сен эп – Алла, гунях... Сени не, Мезенчук битай озь диний батагъына батырдымы?

– Амма бир кереден йымшап, лафны бурды:

– Мамутов кшайтты, дейсинъми? Не япа?

– Кшюю къаза... Сизинъ эмиринъизнен, Аким Антонович, оларны сув ве ярыкътан кестилер.

Сафронов тюшюнджеге далып, агъыр ченгесини авучына алды.

– Я ким сёз берген: Мамутовны колониягъа отурткъанларынен онынъ алы белли олур, эм ойле де олур ки, о андан сагъ-селямет къайтмаз, деген эди? Клавдия Ивановна онынъ эвини чокътан назарда тута, атта муштери биле тапты... Энди исе не? Не оладжакъ?

Сапрыкин тырнагъынен масаны тырнап бакъты.

– Фурсат тапмакъ къолай олмады... Мамутовнынъ ватандашлары бизимкилерге лагерьде запарта чектилер...

Эзиджи сукюнеттен сонъ Сафронов кене ченгесини эллеринен сыкъты:

– Э-э, колонияларда шимди асла да эвельки халкъ ёкъ – начарлар, сифилисли, къоразлар⁸. Акъылынъда турсын: амамда аркъасында йылан алкъагъа алгъан чыпмакъ къадыннынъ ресими олгъан эркекни корьсенъ – анда къораз эди... Мени, яш къызыласкерлини, къызынен айырылышкъанымдан сонъ, сабыкъ къайнатамнынъ сахте фитнесине бола троцкистлер иле алякъада къабаатлап отурткъанларында – акъикъий къанунлы хырсызлар* эди, шимдикилер киби дегиль – дегерли корюнмекчюн нуфузлы намны акъчагъа сатын алалар... Билесинъми не, бельки, колхоздан Мамутовнынъ эвине экскаваторны кетиртип, дамыны сюрип ташлайыкъ, бабамсен?! Якъында о киби татар – Сейтмемет Сейтвелининъ Горлинка коюндеки эвининъ диварыны йыкъкъанлары киби...

Ленин районы Калиновка коюнде де татар къорантасынен тамам ойле меселе чезильди...

– Бильмейим, – Сапрыкин тюшюнджели алда омузларыны сыкъты. – Мамутов ерлешкенинен Москва, Киев, Симферопольге шикъетлерни бири-бири артыдан язмагъа башлады...

Сафронов гурюльтюли туруп, долафкъа адым атты, ичинден джюзданны* чыкъарып, ойле шамарлады ки, устюндеки тоз Сапрыкиннинъ бурнуна урды:

– Мына олар, акъикъат къыдыргъан языджынынъ шикъетлери – Ха! – Ха! – олар эписи, энъ юксек Москва ве Киев кабинетлеринден бизге кери къайтты. Не дерсинъ – алтын къаиде: кимге шикъет этильсе, онъа да чарелер корьмек ичюн шикъети къайтарыла... Социалистик къанунджылыгъынынъ пек эйи принципи...

Болдургъанындан, Сафроновнынъ айткъанларына чокъ къулакъ асмагъан, Сапрыкин манълайыны сыйпакълады:

– Э-э, Мамутов тыныш бильмез... Онынъ эки досту исе – Чарухов Ридван ве Джамалетдинов Айдер – сеслерини пек чыкъармайлар, ишнен огърашалар, машинанен мал, адам ташыйлар... Кременчуг колониясындан якъын арада сюрдюникке даа бир намзет – Меметов Ниязи къайтаджакъ... Донскойда энди дёрт татар эви незарет астында... Буны Клавдия Ивановнагъа айтынъ. Оны тынчландырынъ... Амма о джумертлик япсын да, бизнен болюшмеге унутмасын. Буны да хатырлатынъ...

Сапрыкинни къапугъа озгъараракъ, Сафронов апансыздан:

– Э-э, акълыма тюшти. – Донскойнынъ сакинлери мураджаатынен ДАИ нокътасы къаршысында, яни кой четинде, отьмек тюкянчыгъы къояджакъмыз, – деди.

VI

«Эгер сиз ананъыз, я мен акъкъымда хатыра сакъламагъа истесенъиз, догъмуш Къырымынъызгъа къайтынъ. Анда, денъиз ялысындаки тик къаягъа, искеденинъ янында, юксекликте, мен бир авуч топракъ къойдым. Бир вакъытлары оны багъчалар ве багълар оссин деп, ташлар устюнде яйдыра эдик...».

«Бабанынъ васиети»нден.

Сонъки узун ве кергин айлар ичинде ильк кере Мусанынъ балалары къуванып, азбарда чапкъалай, бири-бирине къую сувуны шыпырта эдилер. Оюнгъа далып, олар аз да олса, акъаретленмек, сыджакъ я да сувукъ куню, Рустем Къарабашнынъ къорантасы киби, эвден къувулмакъ къоркъусыны вакътынджа унуттылар. Рустем агъа о заман эвсиз къалгъан сонъ балалары ве шейлери такъым Акъмесджитнинъ истираат багъчасына, ачыкъ кок тюбюне кочъти, чюнки сюрдюнлик ерлерине къайтмагъа ич де истемей эди.

Диляранен Юнус окъугъан мектепте джогърафия оджапчеси къырымтатарларнынъ сюрдюн этильген ерлерини эзберден биле ве харитада оларны косътеререк, сесини арттыра берип:

- Къырымда къанунсыз яшагъан татарлар кене сюрдюн этиледжеклер, - дей тургъан.

Зекие, балаларнынъ къуванчларыны больмеге истемейип, бугунъ чёльге итбурун джыймагъа бармады. О, Мусанен берабер къакъра тюбюнде отура ве балалар бири-бирини къалайлардан, къазанлардан суварып ойнагъанына бахтлы тебессюм иле бакъа эди. Эр заман джиддий ве озюни тутмагъа бильген Диляра, балалыкъкъа урунып, Сабрие ве Юнус артындан, сув толу агъач къубуны котерип чапкъалай эди. Онынъ узун енъли чечекли антери - бу антерни онъа Зекие озю тиккен эди - бус-бутюн сыланды ве тенине япышты. Сылакъ безден кокюслери корюнгенини абайлап, о утанды ве эвге чапып кирди. Онынъ артындан баштан аякъларынадже сылангъан Сабрие ве Юнус да кирип кеттилер.

Муса лагерьге быракъылмаздан эвель бутюн йыл энъ аз айлыкъкъа чалышмагъа азыр олса да, иш тапамагъына себеп, бутюн вакъыт эв ишлеринен огъраша тургъан. О кираметнен къапатылгъан эки тарафлы дамнынъ ярысы дельме тешик олгъаныны корип, оны тюзетмеге истеген эди.

Кираметни Муса Узунджыдан⁹ кетирди. Къырымгъа авдетининъ ильк кунълери Ватан чагъырувыны тутып оламай, баба эвини барып бакъты. Бу эвден оны, он эки яшлы баланы, ана-бабасынен берабер къувып, Озьбекистангъа сюрдюнликке алып кеттилер.

Узунджыгъа бармакъ ниети Мусада Мезенчукнынъ яры эвини алгъан сонъ кой шурасына баргъанда къозгъады. О заман конторагъа кириште онынъ козьлери колхозджыларны зенгин ве берекетли топракъкъа кочъмеге чагъыргъан плакаткъа тюшкен эди.

Койге алып баргъан ёлны о къысмен джаяв, къысмен автобуста, къалгъаныны исе - кой арабасында, къыбырданмайып яткъан, сыджакътан бонъайгъан домуз баласынен берабер кечирди. Араба саиби ёл бою кетер экен, озю уйдургъан нагъме иле, яралы аювнынъ сесине ошагъан давушнен: «Ще не вмерла України, ні слава, ні воля», деп йырлап кетти. О, йырлагъанда, онынъ Тарас Бульбанынъкине ошагъан мыйыкълары ве перчеми макъамгъа уйып, саллана эдилер.

Муса о адамнынъ макъамына: «Ще не вмер Крым», деп йырлайджакъ олды амма, бильмеген адамны арабасына миндирген арабаджынынъ джаны агъыраджагъындан сакъынды.

Узунджыгъа манзара ачылгъан таз байыр янында Муса арабадан энди ве, ве тар ёлчукънен тёпеге котерильмеге башлагъанда - я оны саргъан хатырлавлардан, я да тик котерилишнинъ агъырлыгъынданмы - богъазы сыкъылып, нефеси етмегенини сезди.

Байырчыкънынъ тёпесинде Мусанынъ башы айланып, кунештен янгъан от устюне отурды - балалыкътан таныш койден кельген тютюн къокъусы, денъизден котерильген серин ава оны пек эеджанландырдылар.

Мындан Узунджынынъ умумий манзарасы толусынен ачыла эди. Узакътан эр шей отуз йыл эвельси киби - кенъ, лякин къыйыш сокъакъларны къапаткъан, къаверенки чамурнен сылангъан, агъач ве толадан ясалгъан, дагъыныкъ къурулгъан эвлер обасы корюне эди.

Сонъки эвлер сырасы биткен ерден сагъда, тёпеликте – мезарлыкъ. Мусанынъ учъ яшында олгъан ве, умумен, яшайышыны анълы суретте къабул этмеге башлагъан ильк бала хатырлавлары: ашханеде агълагъан анасы ве арабакъапу огюнде ташта отургъан ве бирер, я да топнен янындан кечип, Эмиралла айткъан койдешлерининъ тазиеине джевап берген бабасы...

Муса байырнынъ тик этегинден ашагъы, аман-аман бир кунъде ольген къартбабасынен къартанасы комюльген мезарлыкъ тарафкъа энмеге башлады.

Амма бир кереден олар дефн этильген, ярылгъан къая янында, топракъ кенъ ёлакънен тапталгъаныны коръди. Ёлны кенълештиргенде мезарлыкънынъ бир къысмы – кириш къапусы иле къорасы – ернен ексан этильген экен.

Къырымгъа къайтмагъа арекет эткен ве сюрдюнюликке конвойнен озгъарылып кетирилген семетдешлеринден Муса къальбине агъры къошкъан хаберлерни эшите тургъан: эждатларнынъ къабристанлары бакъымсыз къалып, чокъсу алларда бозулгъан, къабир ташлары бутюниттифакъ чагъырувына сесленгенлер тарафындан эв тамирине алынгъан, джамилер ве медреселернинъ ичи колхоз малы: кубре, туз ве иляхрелернен толдурылгъан...

Амма эшитмек башкъа, озъ козюнюнен догъмушларыннынъ къабирлери арамлангъаныны коръмек башкъа. Мусаны бу вазият пек чорландырды. О, ёл четине отуруп, башыны къолларынен сыкъты, санки апансыздан кёр ве сагъыр олды.

«Бу левха не къадар къоркъуч олмасын, сюлялемизнинъ алякъасы ич узюльмейджек, – тюшюнди Муса. – Догъмуш адамларнынъ мезарындан рух манъа ве балаларыма кече – эм сюляле яшагъандже ойле оладжакъ...

Мусанынъ фикирлери Озбекистангъа, анасы ве бабасынынъ мезарларына къайтты. Олар къабир ташларында Ватанына асрет кеткенлерини тасдикълагъан сатырларны язмакъны васиет эттилер:

*«Догъгъан ерим Узунджы кою,
Ешилъ Къырым адасында.
Ватан, дедим къайта-къайта,
Асрет кеттим айта-айта»...¹⁰*

Эм де анасынынъ башташында язылгъан васиети:

*«Агълашманъыз, эвлятларым,
Ананъызнынъ алына.*

Мен къалсам да – сиз къайтырсыз,

Ана-Ветан багърына...»¹¹

Муса, арабанынъ гудюрдисини эшиткенинен, озюне кельди. Къая артындан мезарлыкънынъ тегизленген къысмына болдургъан атыны айдап, мезкюр перчемли йырджы чыкъты. О, Мусанынъ тарафына козь ташлады ве ёлдашыны танымагъанындан япып, атыны къуббеси яры-ярыгъа эшилген, ойма ташлы диварлары тешиклеринден чильтер киби олгъан ве къапусы эм де сачагъыны насыл туткъанына айретте къалдыргъан бина янына бурды.

Насыл этип сакъланып къалгъаны озю бир сыр киби, бу бина эски ерли сакинлернинъ айткъанына коре, Узунджы коюнунъ пири олгъан софу шейх Ибраим бин Акъмехметнинъ¹² дюрбеси эди. Бабасы Ягъя агъанынъ сёзлерине коре, Узунджыда асырнынъ башында беш бинъ инсан яшагъан экен.

Арабадан тюшкен перчемли, не исе, сагъ экенини бильдирмеге башлагъан домуз баласыны къапкъачлап алып, дюрбенинъ къапусыны тюртти. Бираз вакъыттан о, аркъасына мермер ташны юклеп чыкъты ве арабагъа таба адымлады. О, юрген вакъытта Муса башташта, мевтанынъ сойлары риджасынен оюп чыкъарылгъан языларны окъумагъа етиштирди: «Аллахумма аыз-ху мин азабиль-кабри...»¹³.

Араба къая артына айлангъан сонъ, эм чорлангъаны эм де мерагъына кеткенинен, Муса дюрбе янына барды. Яры йыкъылгъан дюрбенинъ ичини къуруджылыкъ-алмашув нокътасына чевиргенлерини ве истегенлер мында акъчагъа

я да малгъа мал берип, эвними, ахырнымы тамирлемек ичюн мермер башташны алмагъа имкяны олгъаныны анъламакъ ичюн бир бакъыш етти.

Денъиштириджи-къыймет кесиджининъ миллетини танымакънынъ чареси ёкъ, чюнки о бем-безд сачлы альбинос эди. Белине клёнкалы оглюк багълангъан бу инсан Муса диварларгъа таяндырылгъан башташларны козьден кечиргенине бакъып турды. О, «ерли» сакин олмагъаныны анълап, къолунен ишмар этти:

– Кет, сеннен алыш-вериш олмаз...

Муса, бу худжур сергиде догъмушларынынъ адларыны тапмагъан сонъ, сусып чыкып кетти. Илк кере онынъ акълына налет* фикир кельди: «Ватангъа буларны коръмек ичюн къайтмакъ керек эдими асла?». О, кой тарафкъа ёл алды ве къальбинде онынъ козюни къайтараджакъ даа бир адджы беклегенине азырланды.

Гъамлы тюшюнджелерни къувмакъ ичюн Муса, Амет Моллаевнинъ васиетинден сёзлерни ичинде текрарлай эди: «Сизнен кетмеге истегенлерни эписини къайтарыңыз, къартларны ташламаныз: олар сизге къадимий кечмишнинъ ерлерини косьтерирлер... бизим генчлигимиз акъкъында айтырлар, эждатларнынъ балалыгъы, халкъымызнынъ тарихыны тарифлерлер...». Бир дакъкъалыкъ тюшкюнлик кечкенинен, Муса озь-озюнден утанды.

Янъы саиплери денъиштирген диварларнынъ ве эв дамларынынъ юксеклигини, агъачлардан ве фанер тахтасындан япыштырып такъыштырылгъан алчакъ ходжалыкъ иншаатларны козьде тутмасанъ, отуз йыл ичинде Узунджынынъ умумий корюниши денъишмеди десенъ, олур эди. Чюнки бинъйыллыкъ койнинъ темели заманнынъ денъишмелерине бойсунмайып къалды.

Бир къач сокъакъны кечип, Муса догъмуш эвини тапты. Бу эвде гъает диндар бабасы онъа: «Къуран-и Керимнинъ негизи», – деп огреткен «Фатиха» суресини илк кере макъамнен айткъан ве ондан сонъ эр кунъ бир къач аетнинъ манасыны сакин сеснен анълатып, эзберлете тургъан.

Муса ойле эеджанланды ки, атта арабакъапу артындан афыргъан овчарканынъ къарыкъ сесинде онынъ къулагъына ахырдан чыккъан севгили Вефа адлы атынынъ кишневи* кельди.

– Ким о? – эшитильди азбардан.

Назлангъан аэнкнен айтылгъан бу сёзлерни эшиткен сонъ Мусанынъ арабакъапугъа къакъмакъ истеги гъайып олды. Затен, о къапу шимди ябанджы корюне, чюнки къанатларынынъ ойма орьнеклери ешилъ къалын боя къаты астында чиркин эди.

Муса къора таба адым атты ве козьме-козь копекнинъ авылдавына чыккъан къаба козьлюкли адамгъа расткельди.

Апансыздан о, чапа-чапа, эвге кирди ве бир дакъкъа кечмеден, аскер гимнастёркасыны кийген алда, къолунда тюфек иле чыкты. Мусагъа тюфегини козьлейджек олды, амма сонъ мусафирге бакъып ве козьлеринде мераметлик ве шашкъынлыкъ сезип, варилны* ашагъы эндирди:

– Сиз къырымтатарсыз, гъалиба? – Енгильден баш къакъылгъаныны корип, лафны бурды... – Мен муневвер инсаным, чешит эмиш-демиш, хурафатларгъа* къулакъ асмайым. Инсангъа къаршы тюфекни илк кере догърултам... Бизге, мында къайткъан татарлар акъкъында о къадар шейлер айттылар... Олар, озь эвлерини, къоркъузып, атта ольдюрп къайтармагъа истегенлерини... Меним апайым эр шейден къоркъа. Эшитесизми? – о пенджереге айланды. Андан къадын сеси: «Аркаша, сен анда кимнен лаф этесинъ?», – деп сорады. Аркаша исе джевабыны уйдурып:

– Раатсызланма... Хастанен..., – ве Мусагъа айланып: – Текрарлайым: мен зиялы, эким-уролог олам. – Сонъ даа бир кере мусафирни баштан-аякъ бакъып чыкып:

– Мен анъладым... Сиз мында бир вакъытлары яшадыңыз. Мында, бесе-белли, экскурсиягъа кельдинъиз...

Тек шимди Муса кельмешек не ичюн фысылдап лаф эткенини аңлады – онынъ янагъындаки берч* лакъырды вакътында дудакъларыны тарта эди.

Кельмешекнинъ сёзлери Мусаны гъадапландырды, амма о озюни тутып, ялынъыз истизанен*:

– Насыл экскурсия? Мында бакъмагъа шей ёкъ – не юзюм багъы, не инджир бар, не де чечеклер, – деди.

Эркек Мусанынъ опъкесини эшитмегенинден этти ве бу корюшювден эеджанланувларына къайтты.

– Мен сизге къаршы тюфегимни тиклегенде, козьлевинден* сиз теджавузджы* олмагъанынъызны коръдим. Акълыма: татар эв алмагъа истей, деп кельди... Сюрдюнлилерге эв сатмакъны бизге кесен-кес ясакъ эттилер... Билесизми, Америкада эр бир граждaн озь омюри ве малыны къолунда сиянен къорчаламагъа акъкъы бар – бу оларнынъ Анаясасында язылгъан...

Санки тек шимди Мусанынъ опъкесини эшиткени киби, лафны бурды:

– Багъ, инджир... Биз мында кельгенде эр шей бербат эди, сувсызлыкътанмы, бакъымсыз къалгъанынданмы... Аслыда, бизге инджир неге керек? Биз Красноярсктенмиз... Омюримизде о насыл оськенини коръмедик... Мен кой экими чалыштым, – ха! – ха! – тамам Антон Павлович Чехов киби, – Бизим колхоз къара богъдай осьтюрип, шан къазанды.

Онынъ монологыны динълерек, Муса бу адам чокътан бир кимсенен лаф этмегенини сезди. Лафлар коксюнде санки тыкъылып туруп, шимди акъып кетти. Красноярсклы апансыздан бир шейлер эслеген киби, тербиели олгъаныны косътермеге истеди:

– Багъышланъыз, мен сизни эвге давет этер эдим, лякин апайым хаста, ерли икълимге ич де алышып оламай... Инанмазсынъыз, биз мында кельгенде санки къабристангъа кирдик – орталыкъ къой, ат кемиклери толу эди – аранда да кемиклер, къошта да... Худжур шей. Не ичюн сиз Орта Асиягъа кеткенде озюнъизнен айванларынъызны алып кетмединъиз де, мында сувсыз, ашсыз олюмге быракъып кеттинъиз?..

«Муневер инсансыз, амма ойле суаллер бересиз», – демек истеди Муса, амма къальбинде нахош дуйгъуларны бастырып, индемени.

«Аркаша!», деп багъыргъан хаста апайыннынъ янына къайтмагъа истемеген эким Мусанынъ юзю денъишкенини абайламады биле.

– Мында эв къыдырып кельген татаргъа да мен ойле суаль бердим. О исе, кинаели джевапланды. Бизни озюмизни мал киби тувар вагонларына юклеп де, бизге мал неге керек эди, деп айтты... Мен сизге айтайым – ильк йыллары биз мында ваде этильген дженнетке дегиль де, акъикъий джеэннемге тюшкен киби олдыкъ. Бизге айырылгъан эвлер яры йыкъыкъ, къырыкъ пенджерелерде ель ойнай, не сув бар, не ярыкъ...

Уролог Аркаша гонълюнде толушкъанларны айтып битирмегендже, Муса эвни тыштан олса да, бакъмагъа ашыкъты. Эр шей денъишкен эди, тёпесинден темельгедже гъайрыдан ясалгъан. Арандан Мусанынъ бурнуна кубре къокъусы урды. Хош хатырлавларны къозгъамакъчюн умумен ич бир шей къалмагъан... Мамут адлы еди несиль яшагъан инсанларнынъ эви сарсылмаз киби эди де!

– Гъалиба, сиз мерагъынъызны ятыштырдынъыз, – деди Аркаша. – Биз, красноярсклылар, ачыкъ къальпли инсанлармыз, таныш олмагъан инсангъа биле гонълюмизни ачамыз. Кибирли москвалылар бизге «бошбогъазлар», деп айталар...

Эвине, апайы янына къайтмагъа вакъыт кельгенини дуйдуруп, Мусадан:

– Бельки сизге хатыра оларакъ насылдыр сувенир багъышлайым? – деди ве арангъа атылып кирип, ичинде муреккеп орьнекли, бакъыр дёгмелернен яраштырылгъан ат югенини алып чыкъты. Оны корьген Мусанынъ юреги сыкъылды – бу югенни Вефанынъ башына кийдирип, къойларны яйлагъа айдай тургъан...

– Сагъ олунъ! – титреген давушнен айтты Муса. Бираз сускъан сонъ: – Мумкюн олса, эв кошесинде тизильген кираметни алайым. О сизге керек дегильми?

- Алынъ, алынъ... Сизден даа гонъ* джылтлы китап къалды. Ичинде иероглифлер – я къытай, я япон... – О кене ахыргъа кирип, китапнен къайтты. Муса бабасы оны аетлер огреткен Къуран-и Керимни таныды.

Мусагъа китапны тантананен узатаракъ, кельмешек анълата берди:

- Онынъ кенарлары кенъ, язычюн келише... Онъа рецептлер язмагъа истедим, амма сонъ фикримни денъиштирдим... Мындаки сув чокъсуна келишмей, гъалиба – бири буюрек санчысынен чапып келе, дигерининъ сийдик пускасы таш толугъа... Амма китап сизни беклейджегини къальбим сезди, бесе-белли...

Муса япракълары серс авадан япышкъан Къуранны саифеледи. Козю «Аль-Фуркъан» суресине тюшти. О, бабасы окъумакътан эвель япкъаны киби, мукъаддес китапны дудакъларына, сонъ манълайына тийдирди.

Кеткенде о:

- Аркаша, сен кимнен о къадар девамлы лаф эттинъ..? – сёзлерини ве:

- Иште, бир хассас* адамнен... Къайтарып оламайджакъ яшайышына асрет, – джевабыны эшитти.

VII

«Олар алевни узакътан корьгенде, онынъ шытыртысы ве увултысыны эшиткенде... О, эляк оладжагъында эмин олгъан сонъ, насыл фигъан къопарырлар...».

Муса «Аль-Фуркъан» суресинде окъугъанларындан.

Гонъюлли кельмешек Аркаша джумертлик косътерип, багъышлагъан ве Беш-Терекке кетирильген кираметни сайлап отургъанда, Мусанынъ акълына балалыкътаки бир вакъиа тюшти. Ильк сабий тиши тюшкенде бабасы оны дам тёпесине котерип атып: «Мына санъа кемик тиш, бер манъа алтын тиш», деп айткъан эди.

О, бу тиш, бельки, але даа насылдыр арагъа сыкъылып къалып, сют къардашы ватангъа къайткъаныны беклейдир, деп къолунен кираметни сыйпады.

Мусанынъ хатырлавларыны ёлдан эшитильген мотоцикл гурюльтиси больди.

Тёпеден о, Мусанынъ эвинден отуз метр авлакъта, даа якъында къоюлгъан отъмек тюкянчыгъы янында Сапрыкин токътагъаныны корьди.

Муса эр сефер, онъа бу раатсызланув къайдан кельгенини озюне анълатып оламагъаны киби, шимди де, такъипчиси Сапрыкинни корьгенде, не ичюн эеджанланмагъа башлагъанына шашты.

Лейтенант йигитлигини корьсетмеге тырышып, мотоциклдан «акъайджа»сына атылып тюшкенде, ачыкъ къапудан сайгъылы мусафирни корьген тюкянджы Антонина Турчинова къаршысына чыкъты.

- Сонъ, алыш-вериш яхшы кетем, Тонечка? – Сапрыкин тюкянчыкънынъ босагъасындан атлагъанда, фуражкасыны чыкъараракъ, мот «кирпи» шекилинде къырккъылгъан башыны нумайыш этти. – Бу чилле не заман битеджек экен?

Антонина диварда асылгъан кузьгюге бир козьнен бакъып, башындаки безз къалпачыкъны тюзетти.

- Ярамагъан дегиль, Сергей Васильевич... Отъмекни эки кере кетирелер... Чавдар отъмегини бир кереден он-он беш буханка алалар.

- Шубесиз – домуз беслемекчюн...- Сапрыкин аягъынен гъыйкъылдавукъ отургъычны озюне чекти ве отурды. – Татарлар исе самогонгъа...

- Ёкъ, татарлар озълери пиширелер: «отъмек» ве «къатлама», – гъалиба ойле эди ады.

Къырмызы янакълы мазаллы тюкянджы къадыннен даа не лаф этеджегини бильмейип, Сапрыкин къайгъынен ах чекти:

- Бездирдилер мени татарлар... Шикяет этелер, эр ерге язалар – Москва оларгъа эр кеснен айны акълар берген эмиш – сеннен, меннен... Иште, шу эС- эС- эС- эР Анаясасыны мен милис мектебинде эзберлеген эдим... Къыркъ дёртунджи маддеси шимди киби акъылымда, эС- эС- эС- эР гражданлары мескенге, эмекке, тасильге ве иляхре раатланувгъа мусавий акъларгъа малик... – Онынъ окъумышлыгъы тюкянджыда насыл теэссурат къалдыргъаныны бильмек ичюн лейтенант Антонинаны баштан аягъынадже сюзип чыкъты. – Ойле амма... Вилаетте якъында эмир чыкъты – оларны кери, сюргюнлик ерлерине къайтармакъ ичюн бутюн чарелерни коръмек, атта ракъамларны биле сеслендирдилер – шимди Къырымда озь кучюнен къайткъанларнынъ сайысы къарарнен еди юз адам... Мындан, дегиль татар маишети ве адетлери, оларнынъ саткъын рухундан биле из къалмасын, деп авале этильди...

- Манъа десенъ, татарлар тынч, достанелер, – джуръатсызлыкънен айтты Антонина. – Къайтсалар биле... Койлерде бош эвлер чокъ, амма оларны татарларгъа сатмагъа истемейлер... Олардан къоркъмагъа, мен беллесем, аджет ёкъ. Биз, рус ве украинлер, олардан дефаларджа зиядемиз. Тюрклеשמек хавфында дегильмиз...

Сапрыкин джевап ерине башыны саллады ве къолларынен сылакъ сачларыны сыйпады.

- Сен, Тонечка, кениш микъяста тюшюнмейсинъ, девлет сиясетинде зайыфсынъ... Къалабалыкъ башлайджагъындан хаберинъ ёкъ... Олар озь эвлерини талап этмеге истерлер. Бизге меркезде малюмат бергенлерине коре, «узун пычакълар геджеси»ни¹⁴ япмакъ ниетинделер... Мына сенинъ ана-бабанъ, Тоня, кочебелер киби мескен алдылар, менкилери де. Ерлештик, абаданлаштырдыкъ, не къадар кучъ ве парамыз бунъа кетти. Бала асрадыкъ, торун... Догърусыны айткъанда, бу ясакъта айры адамлар пара къазаналар. Биз гедже-кундюз чалыша, къан-теримизнен татарларны Къырымдан къувамыз. Оларнынъ эвлери сонъ керекли адамларгъа сатыла. Бизге исе, «корюнген джебенинъ эмекарларына»¹⁵, бу алыш-вериштен тек пычталар* тюше...

Антонина, койде энди ошек даркъалгъанына коре, насылдыр мемур къадын Колос акъкъында лаф кеткенини анълады, лякин индемедиди.

Сапрыкин исе энди эр шейни ачыкътан-ачыкъ айткъанына языкъсынып, субет мевзусыны денъиштирди:

- Сёз келими, Антонина, акъайынъ къайда?

Келип токътагъан машинанынъ дырылдысындан тюкянчыкъ бутюнлей сарсылды.

- Мына о! Борюни анъгъандже! – Антонина къапугъа ашыкъты.

Келип токътагъан отъмек машинасыны къаршылап, Сапрыкин де чыкъты.

- А, Володя Субботин, – деди о окюнчнен, машинадан секирип тюшкен сарышын, кенъ омузлы айдавджыгъа бакъып. – О сенинъ акъайынъ олгъаныны бильмей эдим...

- Экинджиси, – гъурурыны гизлемейип айтты Антонина. – О бириси шишкендже иче тургъан... Володя исе тырач*, даима айныкъ, эвде отурмагъа севе...

Лейтенанткъа агъыр-сабырнен баш къакъып, Субботин машинадан отъмекнен даблаларны* тюшюрмеге башлады ве къадынына:

- Рефакъат* варакъаларны тешкер эм аякъларым тюбюнде къарышма... – деди.

Сапрыкин, аркъасыны чевирип, къасеветнен чевре-четке, сонъ саатына бакъты. Бойна тарафындан тар ёлчыкънен кеткен аякъмашнаджыларны абайлап, сомурданды:

- Низам ёкъ! – о ГАИ нокътасы таба оларны къаршыламагъа барды.

Антонина, акъайына отъмекни тюшюрмеге ярдым этерек, аякъмашнаджыларнынъ бетлерине дикъкъатлыджа бакъты. Койнинъ сокъакъларындан къач керелер мешъаллернен юрюш япып, татарларны къоркъузгъан олар дегильми экен? Сапрыкиннинъ элини-къолуны ойнаткъанына коре, лейтенант озь дружинниклерининъ энъ фааль союна – Монголгъа насылдыр косътергичлер бергенини анълады.

Озюни Къырымнынъ ватанпервери, деп косътерген Монгол озь такъымына Владимирни де джелъп этмеге тырышты. Монгол макътангъанына коре, онда тек

милисте дегиль, райондаки итибарлы инсанларнен алякъасы бар экен. О, авдетлининъ эви сатылып, тюшкен паранен болюшмеге ваде берсе де, Антонина акъайыны бу адымдан вазгечтирди.

«Инсанларнынъ олмаса, Алланынъ хышымы олур», – сонъки делиль киби кетире эди Антонина къомшулары Мезенчукнынъ насиатыны.

Аякъмашнаджылар ве Сапрыкин тезден айырылыштылар. Монгол ГАИ бинасында эвельден сакълангъан мешъаллерден бирини озю якъып, сыраны етекледди. Он-он беш яш невбетнен, башы тѣпесинде тютеген мешъаллерни тутып, къарыкъ, санки богъазыны темизлеген киби сеслернен: «Та-тар-лар – Къырымдан деф олунъ!», «Саткъынларгъа мында ер ёкъ!», «Къырым – бизимдир, ватанперверлернинъки!» – къычырып, ёл бою адымладылар.

– Тюкянчыкъта ол! – эмир берди Антонина акъайына ве Мусанынъ эвине чапты. Оны дам тѣпесинде корип, къычырды:

– Миша! Арабакъыпуны килитле!

Нумайышчылар тютюн ичинде бонъайып, энди онынъ эвине якъынлашкъан эди. Муса ашагъы секирип тюшти ве, арабакъапугъа адымлап, Антонинанынъ айткъанларына джевап бергени киби:

– Не килитлейджек экеним? Мен озь эвимдем... – амма балалар абдырайджагъыны козь огюне алып, эм де къоркъузувларны эшитип, къоранта кене сыкълетке къаладжагъыны хатырлап, арабакъапуны мандаллады. Эм де шу арада эшитти:

– Эй, татар, озюнкилерни ал да, къайдан кельген олсанъ, анда кет! – Айкъырмалар* арабакъапу къанатларына дарбе* иле озгъарылды.

Отю патлагъан Зекие азбаргъа чапып чыкъты ве Муса мандалны арткъа чеккенини корип, къолларыны ялварув шекилинде коксюне басты.

– Чыкъма! Балаларны аджы!

Амма Муса оны энди эшитмей эди. О, арабакъапуны артынадже ачып, къатийликнен* ёлгъа чыкъты.

Спорт урбасында, башына къаверенки фесчик кийген Монгол Мусаны корип, шашмалады, арткъа чекильди ве онынъ юзю огюнде мешъальни ойнатып, озь такъымына ишмар этти. Олар топнен къычырдылар:

– Эй, татар, халкъ сесини эшиттинъми?! Къырым – бизимки! – Амма Монгол башкъа бир шей айтмагъа етиштирмеден, Муса онынъ къолундан мешъальни чекип алып, ёлнынъ ортасына атты.

– Котер! Эгер сен мында саип олсанъ – якъ мени! Биз мындан бир якъкъа кетмейджекмиз! Сен, сойлугъынъны унуткъан къоркъакъ олмасанъ, туташтыр мени... Мен мына бу мешъаль киби янып кетейим, сиз исе кийик атешке табынгъан путперестлер киби атеш этрафында ойнарсыз!

Бойле къаршылыкъны беклемеген Монгол шашкъынлыкънен фысылдап сѣнеяткъан мешъальге бакъты.

– Биль, татар, бу сонъки тенби... Эгер акъылынъны топламасанъ, хатырынъда турсын – биз апайынъ итбурун джыйгъан ерлерни билемиз, эм балаларынъ кузьде мектепке бараджакъ ёлны да билемиз... Анъладынъмы? – къарыкъ сеснен мыдырдады Монгол ве эмир ишмарнен озюнкилерини аякъмашналар къалдырылгъан ГАИ нокътасына алып кетти.

– Сен – къоркъакъсынъ, – нефретнен къычырды онынъ артындан Муса ве агълагъан Юнусны омузындан къучакълап, арабакъапуны бар кучюнен урып, къапатты...

VIII

«Бу мукъаддес топракъны унутманъыз. Бу топракъ, абиде киби, эбедий абиде киби бизим ишкир, магърур халкъымызнынъ адыны ташысын...».

«Бабанынъ васиети»нден.

Чагъырылмагъан мусафирлернинъ къоркъузувларындан агъыр тюшюнджелер ойле де ятышмады. Атта къаранлыкъ тюшкен ве ачыкъ пенджерелерге салкъын кирген сонъ биле телюке санки авада асылы турды. Эвдекилер яры геджегедже юкъламадылар – балалар ятакъханеде, акъайы янында яткъан ве тосат-тосат кокюс кечирген Зекие – кимсе.

Муса сёзнен, яхут озюни алып бармасынен эеджаныны бильдирмесе де, Зекие акъайы бойле вакъытларда оны ве балаларны насыл къайгъыргъаныны, тесирленгенини косътермемек ичюн серт, атта сытыкъ чырай, я, аксине, вазиятни ятыштырмакъ макъсадынен шакъалашкъаныны биле эди.

Балалардан бири къапуны тырмалады, бесе-белли ана-бабасынынъ юкълагъаны-юкъламагъаныны бильмеге истеди...

Бу Юнус эди. Онынъ юкъусызлыкътан къызаргъан козьлери къабаатлы-къабаатлы бакъа эдилер.

– Баба, олар къайтырмы? – фысылдады о.

– Къоркъакълар къайтмайлар. – Муса огълуны къолуна алды ве балаларнынъ одасына кирип, явашчыкътан: – Сени энди котермеге де чаре ёкъ... Акъай олдынъ... Олмайджакъ шейлерчюн къасевет чекесинъ, – деди ве Юнусны яткъызгъан сонъ, Диляра ве Сабрие къыбырдамайып ятсалар да, юкъламагъанларыны билип, къошты: – Сен киби олгъанда, Юнус, мен баягъы енгиль, дран тахтасы дайын арыкъ эдим. Чюнки бутюн кунъ къойлар артындан чапып юре тургъаным...

Кимерде агъыр таш алып, сюрюни излеген къашкъыргъа атмакъ керек ола эди... Майыста исе, бизни эпимизни – къартбабанъны, битанъны, алаларынъ ве эмджелеринъни Къырымдан сюрююн эттилер. Бу олмагъан олса, мен дёртюнджи сыныфны битирип, бешинджи сыныфкъа кечкенимден гъурурланыр эдим...

О заман сонъки эдебият дерслеринден биринде огренгенимиз икяени мен омюрлик хатырамда къалдырдым. «Данко акъкъында эфсане» – мени эеджанландыргъан эсернинъ серлевасы ойле эди. Але даа оны хатырлайым... Бир халкъ душмандан къачып, орман ичине чекиле, чевре-чети исе батакъ... – Муса бираз токъталды, чюнки къызлар динъленип, башларыны котергенини эшитти. – Адамлар сазлыкъта баталар, къоркъкъанларындан шашмалайлар, сасыкътан бонъаялар, окюр-окюр агълайлар, базылары исе акъылдан таялар...

Бу адамлардан бири – онынъ ады Данко, къалгъанларны ярыкъкъа чыкъараджагъында къандырмагъа тырыша. Къуртуладжагъына уютини джойгъан адамлар исе онъа ишанмай, яланджы, деп айталар. Мына шу вакъытта Данко коксюни ярып, юрегини чыкъара. Юреги атеш киби орталыкъны ярыкълата ве бу мешъаль адамлар ормандан чыкъмагъандже, къуртулышкъа ёл тапмагъандже яна...

– Аджайип! – къыскъа сукюнеттен сонъ деди Юнус. – Я Данкогъа не олды? Орман ичинде олюси къалдымы?

– Озюнь тюшюн, – бираз къалтырагъан давушнен айтты Муса. – Эгер башкъаларына ёлны ярыкълатмакъчюн омюрини аямагъан инсан мектеп дерслигине тюссе, онынъ акъкъында оджалар айтса, биз исе, къыркъ талебе, бизден эвель де бинълернен дёртюнджи сыныф талебелери онынъ тарихыны эзберлесек, олерми о? Эльбет де, ёкъ. О бизим Кесикбашымыз киби. Кесильген башыны къолтугъы тюбюнде тутып, адалет ичюн дженклешкенине биз ишанамыз да...

– Я сонъ? – сес чыкъарды Сабрие.

– Сонъ? – Муса Сабриенинъ тёшеги четине отурды ве, эвель де балаларнен лаф эткенде олгъаны киби, хатырлавларгъа далды: – Бизни, сюрюнлилерни, чёллер кечип, Озбекистангъа алып кеткенде, мен, бала акъылымнен, иште, ачыкъ ве хасталыкълардан ёлда олеяткъан койдешлериме Данконынъ къараманлыгъы акъкъында икяе эте эдим. Эм оларны насылдыр худжур, адалетсиз хата юзь бергенинде къандырмагъа тырыша эдим. Мен, Сталин биз акъкъымызда бильген олса, о, бизни сюрююн эткен инсанларны джезалар да, бизни Къырымгъа къайтарып, деп тюшюне эдим...

Мектепте бизге о, адалетли, инсафлы, озю де яшлыгында халкъ ичюн тюрьмелерде ве Сибирия сюржунлигинде азап чеккени акъкъында икяе эте тургъанлар. Оджапчемиз Сталиннинъ зулум иле курешкенини атта Данконынъ къараманлыгынынъ тенъештирген эди...

Амма – языкълар олсун! Мен, ондан яхшылыкъ беклегенлернинъ чокъсу киби, ильк бир-эки йыл девамында атта янъы ерде ерлешмеге биле истемей эдим. Башым тѣпесинде таван олмаса да, эп эмир бекледим: эр кесни ватангъа къайтараджакълар деп! Генералиссимуснынъ алий эмиридир...Эм, билесинъизми, – кулип йиберди Муса, – трен ичинде бу икяени кимге айтсам, манъа Муса Данков, деген лагъап койдылар.

Бабанынъ кульмеси ятакъ одасында олгъан кергинликни ятыштырды. Сонъки сѣзлерни айтмагъа даа етиштирмесе де, Юнуснынъ юкъу нефесини эшитти...

Муса исе, тѣшегине къайтып яткъан сонъ биле, юкълап оламады: козю огюнде Монголнынъ къолундан урып аттыргъан мешъальнинъ шытырдынен янгъаны джанлана эди. Юкъумсырагъан анъында бу левхагъа анъынынъ теренлигинден атылып чыкъкъан къадын къошула: Чырчыкъ озени бою атеш ичинде чапкъаны, йыкъылгъаны, устюнде эгилип окюр-окюр агълагъан къарт, яры-ярыгъа куйген джесеттен бираз четте исе башыны къолларынен къапаткъан ярыдмджысы Мумтаз шимди киби тура эди.

«Озь омюринъни эвдеки тазыйыкъкъа къаршы я да намусынъа токъунгъанларындан себеп бересинъми, я да наразылыкъ мешъальге айлангъанынынъ себеби – этрафтакилер тюшюнмеге башласынлар депми, сербестликсиз яшамакънынъ башкъа чареси ёкъ, депми, эмиетли дегиль!».

Къара фикирлерни къувмакъ ичюн Муса «Аль-Анам» суресини окъумагъа башлады...

IX

«... Бойлеликнен биз эр бир койде баш гуняхкярларны яраттыкъ, олар анда фитне даркъатсынлар деп. Амма олар шу фитнелерни тек озюне къаршы даркъаткъаныны дуймайлар...».

Къуран-и Керим, Муса окъугъан «Аль-Анам» суреси.

Муса явашчыкътан тѣшектен турды ве Зекие, Монголнынъ дружинниклери кене кельгени киби олса, пенджере тѣбюнде якъып къалдыргъан керосин лампатны сѣндюрди. Тѣшек гъыйчылдагъанындан Зекие тюшюнде агъыр кокюс кечирди ве башкъа тарафына чеврилип ятты. Джамдан кечмеге башлагъан танъ ярыгында Муса онынъ юзюнде, я мутхиш тюштен асыл олгъан я да кунъдюз олып кечкен вакъиаларнынъ аджджысындан акъып, даа къурумагъан козьяшларны коръди.

Эвленгенлерининъ ильк йылы Муса Зекиенинъ эр шейни къальптен кечиргенини сѣзди – олсун айтылгъан къаба лафтан, олсун акъайынынъ мувафакъиетсиз арекетлеринден азап чеке тургъан. Оны сыкъ-сыкъ янъгъызлыкъта агълап отургъаныны корип, Муса апайынынъ бу арткъач тесирленгени акъкъында бабасынен болюшти. Ягъя агъа исе насиат берди:

– Сени къайгъырып, тюшюнип агълагъан къадынны сакъла. Ярадан сени онынъ козьяшы ичюн къорчалай...

Муса, бабасынынъ бу сѣзлерини хатырлар экен, къомшунынъ копеги хырылдагъаныны динълеп, азбаргъа чыкъты, доланып, къуюнынъ чевресини айланды ве ахыр-сонъу къакъра астында отурды.

Уфукънынъ ашагъы ёлагъы энди агъарып, яваш-яваш алланмагъа башлады ве къою къаранлыкътан эп юкъары котерильмекте олып, янъы кунъ кене гъает сыджакъ оладжагъыны белли этти.

Уфукътаки ярыкънен кольге ярышлашкъанына бакъаракъ, Муса акъылына Ниязини тюшюрди. Пармакъларыны букип, кунълерни саймагъа башлады. Кременчуг лагерининъ даа бир мабюси бугунъ дегиль, ярын, джума намазы куню азатлыкъкъа чыкъаджакъ. Эбет, лагерь ёлбашчылары бирде-бир шейге илишип, эки йыллыкъ муддетке бир-эки ай даа къошмасалар...

Мусанынъ мийиндеки раатсыз фикирлер эп тынчланмакъ себеби тапмагъа тырышып, кечмиштеки хош вакъиаларны къыдырды. Апансыздан озъ ярдымджысы – мираб ве деве бакъыджысы Мумтазны хатырлады. О бой-постунен, кенъ ченъгели, юзюнде даима олгъан тебессюминен Ниязиге ошай эди.

Чырчыкънынъ ялысында отурып ве онынъ тюбюнде къаверенки, буланчыкъ сув ири ташларны чевиргенини бакъып, олар адлар манасы акъкъында субетлеше эдилер – яхшы ки, сюргюнлилернинъ ве ерли халкъ векиллерининъ адлары теляффузы эм де изааты айны.

Мумтаз не акъта сёз юрютсе, яваш-яваш фикирлери Бухарагъа айланып кете тургъан. Эм де буны айтаракъ, мытлакъ тили тюбюне бир чимтим насвай* (тютюн ерине къулланылгъан ве тендюристлик ичюн эмильген тютюн тозу) ташлай тургъан. Бундан онынъ сеси карнай¹⁶ сесине ошап къала эди.

– Къомшумыз аякъкъапчы Къуркъмас Меджитов бар эди... Тетиклигини* джойып, бир кере муштерисине: «Биз Туркестанда беяз чарнынъ астында яшагъанымызда шимди, Сталин заманындаки киби, вахшийликлерни коръмеген эдик...», – деп къыстыргъан. Эртеси куню о гъайып олды. Начар, чырайлары ап-акъ бир инсан эди – верем хастасы, амма чокъсундан къавий экен – Сибирьяда он беш йыл ятып чыкъты – бакъсакъ, кене озъ аякъкъапчылыкъ ишине къайтты... Бельки, онъа Къуркъмас – къоркъмагъан, джесюр – адыны бергенлери ичюн сагъ къалды... Инсаннынъ ады такъдирине тесир эткенине ишанасынъмы, Муса? Мен ишанам... Сенинъ адынъ да, Муса (с.а) пейгъамберден кельме – бирде-бир макъсаткъа илле уймалы...

Муса индемейджек олды, амма онынъ даима йылмайып юрген ашнасы* оны макъуллегенини корип, айтты:

– Пейгъамбернинъ адыны озюмнен багъламам, чюнки бу имансызлыкътыр... Амма базыда меним козюм огюнде биз, сюргюнлилер, бир куню эпимиз вагонларгъа толушып, ватангъа къайткъанымыз тасвирлене...

– Иншалла! – къолтутты онъа Мумтаз, агъызындан насвайны шыбыртып. – Мен мытлакъа сени озгъармагъа чыкъарым, эм шейлеринъни де тренге юклемеге ярдым этерим.

Къайтты, амма хаялындаки киби дегиль, апайы ве учъ баласынен. Сюргюнлик ерлерине гъайрыдан сюргюн этип, къайтарылгъанлардан вазиятни эшитмекче бильсе де, эписи бир къайтты. Къырымдаки яшайыш асыл халкъ ичюн атта Озъбекистаннынъ ильк йыллары олгъан эсирликтен бетер эди – башынъ тёпесинде къанунлы дам ёкъ, энъ агъыр иш биле бермейлер, эр ерде: «Татарларны ишке алмаймыз!», деген ред джевабы... Бу да аз олгъаны киби, къоркъузувлар, мемурларнынъ къылынувлары, джёремелер, тюрьме...

Ниязи апстен къайтса, Муса да, о але даа джеэннем джезасыны чеккен киби, ватанда чекишкенини корип, ич бир шей яхшылыкъ тарафкъа бурулмагъаныны, шейтан копчегине бир тюшип, эп айлангъаныны, санки пармакълары копчек кегейине* къысылып, чыкъармакънынъ чареси олмагъыныны анълар...

Авдет ёлуна тюшкен кунюнден Муса эр кунъ, бабасы оларгъа эр адымда таянч олгъанына сабийлик чагъындан алышкъан балаларынынъ козьлерине бакъкъанда, анда суаль коръгенде озюни къолайсыз дуя эди.

Амма насыл агъыр олмасын, Муса Мумтаздан бир кере эшиткен сёзлерни эп текрарлай тургъан: «Ватаннингъ вайронаси – умрнингъ гамхонаси...»¹⁷.

Эбет, Муса догъулгъан Къырым – харабеде. Бунда о авдетининъ ильк кунълеринден, Кременчуг колониясына алып кеткенлеринде ярымаданынъ аман-аман бутюнлей кечип, башкъа тарафыны исе догъмуш эвине, Узунджыгъа барып, озъ козюнен коръди.

Къырымгъа акимият чагъырувынен кельгенлер ичюн Къырым, эбет, озъ ешиллиги, денъиз авасы, токълукъ, чечекленмесинен хош корюне. Мында эки – асыл халкънынъ ве кельмешеклернинъ бакъышы чатышты...

Насыл агъыр олса да – къайтмакъ ве, сенинъ бильгинъ, энъ муреккеп машиналарны – озъбек къасабасы Баяутта менимсельген экскаватор, трактор, памукъ джыйгъан машина тамирлемеге алышкъанлыкъларынъ мында кимсеге керекмегени себебинден, энъ агъыр ве эйилик кетирмеген ишке янашмакъ керек эди.

Фурсат тюшсе, Мусаны азбарларда къуюлар темизлемек, атхане, къошларда чалышмакъ киби ишлерге джелъп эте эдилер. Эм гъурурыны бастырмакъчюн дегиль де, вазиет огюнде мазлумлыкъ косътерип, о, генчлик заманында Узунджыдаки къомшусы юнан Ангелис бабасына къара иштен къачкъанлар акъкъында фикир болюшип айткъанларыны хатырлай тургъан: олар, юнанлар, къараманлары Гераклнынъ джесаретликлери сырасына кубре ичинде баткъан атханелернинъ темизлевини къошкъанлар...

Бу афта Муса сатыджы Тоня ве онынъ акъайы Володя Субботиннинъ азбарындаки лай баскъан къуюсына тюшип, эв сабысына лайны къат-къат алмакъны, чокъракъ козюни ачмакъны огретти ве лаф-лафтан онен достлашты.

Антонина Мусаны вишнели вареник, озю айткъаны киби, онынъ «шах ашыны»* ашамагъа чагъырды ве фильджанларгъа от демлемесини тѳкерек:

– Сиз, мусульманлар, ракъы ичмегенинъиз пек яхшы, – деди ве акъайына ифадели бакъты. О, исе софрада ички олмагъанына языкъсынаракъ, тек агъыр кокюс кечирди:

– Амма дѳрт апай алмакъ акълары бар...

– Бельки бир ерлерде аладырлар, амма мында акъыз-укъукъсыз яшагъан Мишаны ойле бир чекиштирелер ки, Зекиени ве балаларны бакъмакъ Алла озю ярдымджи олсун... – Мусаны озгъаргъанда къолуна эки буханка отъмек къыстырды, Володя исе акъча алмакъны ред эткен къомшугъа, «эв кереклерине», деп бир канистра бензин тѳкип берди.

Х

«Эгер сен озюнъни инсан сайсанъ, этрафынъда сен киби инсанлар олгъаныны унутма... Оларгъа бар ве агъыр дакъкъаларында ярдым къолунъны узат. Биль ки, олар сени, адынъны ве къыйметли чизгинъни унутмазлар...».

«Бабанынъ васиети», Амет Моллаев (Къырымлы Амет).

Ниязи Меметов Муса эвининъ босагъасындан топаллап атлады:

– Ойле бир ашыкътым ки, ёлда ташны коръмегеним, – анълатты о, Мусаны багърына басып. – Чѳплюкчилер Беш-Терекнинъ сокъакъларына къулакъ асмайлар. Эбет, бу ер Самаркъанд дегиль де, бутюн ерни туристлер ичюн ялап къоймакъ...

Къакъра астында ерлешип, санки юз йыл корюшмеген киби, бири-бирининъ юзюне бакъып къалдылар. Акъикъатта Муса колониядан Ниязиден эвель бир ай огюне чыкъты.

– Ташларгъа сюрюне-сюрюне кельдим де, бу бизим частсыз вакътымыз йылларджа девам этеджек олса, халкъымыз Къырымгъа къайтып олмаз ве бизни, эм де даа эки-учъ авдетлини туристлерге асыл халкънынъ тансыкъ* нумюнелери киби, тамам Америка резервациясындаки индейцлерни косътергенлери киби нумайыш этеджеклерини тюшюндим...

Ниязи саатларнен айтып, шакъа-къората фышкъыртып, эр кес, атта озю устюнден истиза* къурмагъа азыр эди. Озъ кичкене боюны о, анасы оны яшлыкъта сипирткинен ургъаны себеп этип косътере тургъан.

- Баланы сипирткинен урмагъа олмай, осьмез, деген хурафаткъа* къулакъ асмады, - шакъа эте эди о.

Ниязиге гонълюнде топлангъанларны чыкъармагъа бермек керек, сёз сырасы о, кимерде пек меракълы шейлер де айта.

- Биз туристлер ичюн тансыкъ экспонат олагъандан шубеленем, - деди Ниязининъ шакъасына къошулып Муса. - Бизим халкъ о къадарлыкъ хатырасыны сакълагъандыр. Акимет эм де бизим чанакъяларларымыз не къадар бир ерлерини йыртса да, Къырымны Мубарекке денъиштирмез...

Ниязи даа бир шейлер айтмакъ ичюн къуругъан дудакъларыны ойнатты. Мусанынъ эр бир сёзю о, ичюн та Узунджыдаки берабер къатнагъан мектеп чагъындан шубесиз акъикъат эди. О вакъытлардан берли Мусада сагълам рух ве къавий ирадеси олгъаныны дуяракъ, олар яшдаш олгъанына бакъмадан, Ниязи достуны озю ичюн ибрет сая ве эр иште онъа ошамагъа тырыша тургъан.

- Яхшысы, бизим ярдым джемиетимизни кимге теслим эткенинъни айт, - гъайретнен меракъланды Муса.

- Сейтумер Пинкагъа... О, тек ярым йылдан чыкъаджакъ. - Ниязи Мусанынъ козьлери йылтырагъаныны абайлады. - Я Пинка бу вазифени беджерип оладжагъында шубелене, я да лагернинъ агъыр шараитини хатырлады. Незаретчилернинъ сёгюнчлери, котеги, карцерге къапав - къырым авдетлилернинъ ирадесини букмек ичюн бойле «имтиязлар» къулланыла эди.

Чырчыкъта яшагъанда Муса ана-бабасы комюльген мезарлыкъкъа баргъан сайын Къырымгъа авдет ичюн биринджилер сырасында курешни башлагъан, ольмезден эвель исе къолдан къолгъа юрген ве авдетлилер ичюн дерслик, насиат олгъан белли «Бабанынъ васиети»ни къалдыргъан Амет Моллаевнинъ къабринде де дуа окъуй тургъан.

Кременчуггъа тюшкен ве авдетлилерден, энъ аздан, он адамнен танышкъан Муса фикирдешлерини топлады ве Амет Моллаев адына озъара ярдым джемиетини яратмагъа теклиф этти. Бойле къурум ве бу инсан акъкъында хатыра тюрьмедеки къаза-беляларгъа, «пахан»лар ве «къануний хырсызлар» тарафындан кирсетилген къаиделерге къаршылыкъ косътермеге ярдым эте эди.

- Мында бизчюн бир шейлер денъиштимиз? - бираз сускъан сонъ сорады Ниязи, аягъыны сыйпакълап.

- Бу ер ят-ябан толып къалгъан, - деди Муса омузларыны кысып. - Къайсы муэссисеге сокъулмасанъ - нетиджеси айны... Милислер ве тахкъикъатчылар бизимкилерге къаршы джинаий ишлерни бир къалыптан чыкъаргъан киби шыпырта берелер. - Муса еринден туруп, арткъа-огге адымламагъа башлады. Онынъ юрюшини, къолларынынъ арекетлерини козеткен Ниязиге достунынъ ичини якъкъан чорланув алеви ана-мына афакъанлы* нутукъ шекилинде фышкъырып, деп корюнди.

- Биз къапалгъан вакъытта Беш-Теректен Джемиль Къуртсеитовны конвой незаретинен сюрдюн эттилер - сен оны билесинъ, фурунджы - къадыны ве балалары иле. Бизим экимимиз Эсмер Мазиновны, учъ яш баласынен. Бир баласыны къоркъудан къоянчыкъ* тутты ... Фатиме Губанованы балаларынен конвой незарети астында... Акъайы Усеин, сен билесинъ, але даа Кременчугда, бизге таныш мадде боюнджа... Оджа Рустем Къарабашнынъ эв дамыны экскаваторнен йыккып ташладылар... - Муса эр янъы адым сайын бетер чорланды:

- Ёкъ, достум, къанунсызларнынъ мераметлигине умют багъламакъ сыра кельмей! Биз Москва, Киевге мураджаат этемиз, дигер инсанларнен мусавий акъларымыз олгъаныны исбатламагъа тырышамыз. Нетиджеде, бизим мектюплеримиз, телеграммаларымыз мындакилер киби къанунсызларнынъ, энъ ашагъыдаки бугъум* мемуларнынъ къолларына тюше. Олар исе, шу мектюплерни кери къайтара. Бутюн язгъанларымыз Сафронов Аким Антоновичке, сельсоветке, тахкъикъатчы Пономарёвгъа къайтып келе...

Шу себептен эр шей насылдыр шейтан дегирменинде айлангъан киби айлана. Бизим къанун ве адалетке садедиль ишанчымыз биз, къырымлар эр меселени тынч

чезмеге тырышкѡанымыздан чыкѡа... Айтчы манѡа сен, насылдыр акѡылы-фикири пишмеген бир осьмюр оларнынѡ дамыны йыкѡѡанда, я да умюдини узыген эсли кѡадын, Монголнынѡ дружинниклери кѡарт бабасынынѡ эллерины бурып, вокзалѡа алып кеткенлеринде... Сен бир кѡаршылыкѡ косѡтерюв вакѡианы хатырлап оласынѡмы, бирев таш котерип шу сельсоветнинѡ, я да милисининѡ пенджересини бир кере кѡырдымы?

Такѡипчилеримиз бизим сабырымыздан файдаланалар... Куреш усулларыны денѡиштирмек керекмиз... Бир шейлер япмалымыз... насылдыр аэнкли арекет – бизни кѡыйнаѡганлар сескенсинлер* ...

Мусанынѡ айтѡанлары тыпкѡы Ниязининѡ фикирлерине уя эди, амма о да адалетсизликнен насыл курешмек керек олѡаныны бильмегенинден, тюшюнджели бир сеснен айтты:

– Биз даа насыл тактиканы сечейик, бильмейим, – онынѡ сѡзлерини табакѡ устюнде чайник, чырлама* ве татлынен кельген Дияранынѡ пейда олмасы больди.

Селям берип, Дияра табакѡны кѡакѡра тюбюндеки маса устюне кѡойды ве Ниязи, кергинликни ятыштырмакѡ ичюн, кѡызгѡа сѡз кѡатты:

– О! Сен Хыдырлез лялеси кибисинѡ... Тоюмнда не заман ойнайджакѡмыз?

Кѡыяслама юрегине ятса да, Дияра пек утанып козѡлерини ашагѡы эндирди ве токътап:

– Манѡа, Ниязи агѡа, паспорт бермедилер... Эписи сыныфдашларыма мезунлар акѡшамында туттырдылар, манѡа исе мудире: Кѡырымда кѡанунсыз яшаѡганларѡа паспорт берильмез, деп айтты.

Муса кѡызынынѡ дудакѡлары джаны агѡыргѡанындан кѡалтырамагѡа башлагѡаныны абайлап, кѡолуны омузына кѡойды да, тынчландырып:

– Сабыр эт, кѡызым, эр шей яхшы олур, – деди ве лафны шакѡагѡа чевирип, – Эбет, кѡайсы бир келин весикѡасыз эвлене? Киев огѡлан сонѡ шубеленир, – деп кѡошты.

Ниязи исе, мевзуны девамларакѡ:

– Ляйыкѡ бир киев тапылса, джамиде никях кѡыйдырмакѡ мумкюн... Бу ичюн паспортта муурѡ керек олмаз, кѡартана-кѡартбабаларымыздаки киби... Анджа бираз беклемек керек оладжакѡ... Джамии ве медреселеримизден колхоз анбарлары ясадылар...

Рухтан тюшкен Дияраны кѡапугѡа козѡнен озѡаргѡан акѡайлар сусып кѡалдылар. Муса айтѡан лафларындан Ниязи, достунынѡ сабыры тюкенгенини, о, озю ве семетдешлери ватанѡа кѡайтѡан ве чешит маниалар кѡурулгѡан ашалавлар алкѡасыны узѡмек ичюн, умютсиз, мушкюль бир шей япмакѡ азыр олѡаныны анѡлады.

Лякин, арабакѡапугѡа доѡрулгѡанда, Муса акѡлына не алѡаныны, насыл арекетлерге азыр олѡаныны Ниязи сорамакѡтан сакѡынды, достунынѡ кѡальбини бетер ипратмакѡ истемеди.

Арабакѡапудан чыкѡѡанынен Муса юзѡме-юзѡ Сапрыкинге расткельди. О, озь мотоциклы устюнде раат-раат, аягѡыны дюменине узатып отура эди.

«Монгол тешкилятландыргѡан мешѡаллернен юрюш манѡа насыл тесир эткенини корѡмеге кельди, – деп тюшюнди Муса, – даа зияде баскѡы япаджакѡ* ола...»

Бу сефер лейтенант эр вакѡыттаки киби эвге сорамаздан кирмеди де, достлар ѡлгѡа чыкѡаджакѡларыны беклеп отурды. Бесе-белли, апстен янѡы чыкѡѡан Ниязи кѡайда кеткенини незарет этип, онѡа, шу джумледен, севген «чагѡырылмагѡан мусафир татардан бетер», деген рус айтымыны хатырламагѡа истегендир.

Сапрыкин, бетинде ич бир адалесини ойнатмадан, Мусагѡа кягѡытны узатты:

– Санѡа – хабернаме*... Алѡанынѡ ичюн кѡол кѡой...

Мусанынѡ ильки истеги, арабакѡапуны лейтенантнынѡ бурну огюнде кѡапатмакѡ олса да, о озюни кѡолгѡа алды. Ниязи оны тынчландыраarakѡ, омузына кѡолуны кѡойды, эгилип, кягѡыткѡа козѡ атты, сонѡ гѡайрыдан дудакѡларыны ойнатып окѡуды, санки Мусагѡа устюнде язылгѡанларны анѡламагѡа ярдым этеджек олды.

«Симферополь район махкемеси Донское кой шурасынынъ реиси А. Сафроновнынъ мезкур кой шурасынынъ территориясында, Комсомольская сокъагы, 186 санлы эвде Муса Мамутов ве къоранта азалары къанунсыз яшагъанлары акъкъында аризасыны гъайрыдан бакъты. Мамутов Муса ве онынъ къадыны Абдуллаева Зекиеге къаршы мемурий ве джинаий тедбирлер ишлетильгенине бакъмадан, къоранта Къырым виляетинде къанунсыз яшамакъны девам эте. Юкъарыда айтылгъанына бинаен, махкеме къарар чыкъарды: юкъарыда анъылгъан эвнинъ сакинлери 24 саат ичинде Къырым виляетининъ сынъырларыны терк этмелилер. Махкеме къарары ерине кетирилмеген такъдирде, 186-эв къанун боюнджа ресмийлештирилмеген къуруджылыкъ сыфатта йыкътырыладжакъ...».

- Мераметлик теракъкъияты*, - ачувыны зорнен тутып, дудакъларыны ясама тебессюмде созды Муса ве Ниязи онынъ вуджуды къалтырагъаныны дуйды. - Сюрдюнликке, къыркъ дёрт сенеси майысында киби, он беш дакъкъа дегиль, етмиш секиз сенесининъ июнинде бутюн бир сутка берильди...

- Инсанны неге къыйнайсыз?! - Ниязи къашларыны чатып, Сапрыкин тарафына адым атты. - Безмединъизми?!

- Яваш, яваш! - котерди къолларыны ве арткъа чекильди лейтенант, амма не Муса, не де Ниязи теджавуз* косътермегенини корип, кене давушына эмир аэнки берип, сёйлемеге девам этти:

- Санъа да, гражданин Меметов, бираз тюшюнмек ве кене лагерьге тюшмемек ичюн Къырымда озъ дурумынъны къанун боюнджа ресмийлештирмек керек... - бираз йымшакъча сеснен Мусагъа хитап этерек, - имза къой, Миша, хабернамени алгъанынъны тасдикъла. - Сонъ: Асла да сен озъ ач балаларынъны аджымайсынъмы? Татарлар озъ балаларыны пек севе, деп нафиле айта экенлер... Бельки, Ташкент - «отъмек шеэрин» - къайтсанъыз олмазмы? Бакъ, янъы муддетни къазанмакъ бир шей дегиль... Кременчуг лагери... о резна киби созула, эр кесни сыгъдырыр, - деп къошты.

Ниязиге Мусанынъ козьлери атеш пускюрген киби корюнди:

- Озъ махкеменъе айт - мени енгилликнен алмазсынъыз!

- Сен эминсинъми? - ырджайды Сапрыкин, мотоциклда уйгъунджа ерлешерек.

- Эбет, эминим! Насыл олса да - сагъмы, олюми, мен Къырымда къаладжам. - Апансыздан, сагълыкълашаракъ, Ниязини къучакълап, Муса эвининъ арабакъапусына чевирилип кетеджек олды, амма Ниязи оны къолундан тутты:

- Олар садедже къоркъузмакъ истейлер... Олюм акъкъында айтма сакъын... Бизим чекиштириджилеримизге къуванмакъ ичюн себеп берме... Мен, эбет, анълайым, айткъанынъ керчектен дегиль...

Муса тынчланып, башыны эгди:

- Эбет, эбет, керчектен дегиль, - зорнен йылмайып айтты о, ве къошты: - Бу ойле бир ал ки, олюм де, аят да айры бир эмиетке малик ола...

Достунен сагълыкълашув агъыр кельмесин деп, Ниязи кететкъан лейтенантнынъ артындан:

- Эки козюнънинъ бирини чапчып* алыр..., - деп ташлады.

XI

«Догъру ёлда къавий ол, сеннен берабер ант эткенлерге авале этильген киби».

Къуран-и Керим, бу куннинъ танъында Муса окъугъан «Худ» суреси.

Лейтенант Сапрыкин Беш-Терекке хызмет борджунен кельген сайын, Антонинанынъ отъмек тюкянчыгъына кирмек адет этти.

«Отъмек ве тёмке ягъ» язысы олгъан агъач биначыкъ Мезенчукнинъ эви кошесине япышытырылгъан эди. Афросиянынъ артынадже ачыкъ пенджересинден тышкъа онынъ макъамнен дуа окъугъан фысылдавукъ сеси эшитильди.

- Имансызларнынъ шурасына бармагъан ве гуняхкярларнен турмагъан эм бозукъларнынъ топлашувунда отурмагъан инсан бахтлыдыр... Амин...

Сапрыкин мотоциклдан тюшмейип, къолуны узатты ве пенджере къанатларыны къапатты. Онынъ фикриндже, отъмек тюкянынынъ муштерилери «бу къартийнинъ сачмаларыны» эшитмесе де олур эди.

Къапу артындан мотор сеси эшитилгенинен Антонина кузьгюге чапып барып, дудакъларына боя сильмеге башлады.

Антонинанынъ сыкъ-сыкъ кельген мусафирге аджети бар эди. Табийй къадын джилъвесини ишлетип, ревизорлар онынъ бухгалтериясында дебетнен кредит бири-бирине уймагъан киби олса, Сапрыкинни къорчалайыджы еринде коръди. Сатыджы ве онынъ акъайы, отъмек ташыгъан Сергей, намуслы чалышсалар да, кассада эр шей ола биле, деп тюшюне эди къадын.

Лейтенант онен лаф эткенде - керек олса да, керек олмаса да - озъ алякъаларынен макътана ве райиджракомдан Клавдия Ивановна Колос, прокурор Зубарев, тахкъикъатчы Пономарёвнынъ адларыны сыкъ-сыкъ анъа тургъан. Озь милис ёлбашчысы Денисов иле исе о пек якъын, атта брудершафткъа иче ве шень компанияда авджылыккъа бара, анда исе хызмет копеги Зевснен берабер айдагъан егеръ вазифесини эда эте эм сыгъынларнен кийик домузларны атыладжакъ тарафкъа айдай экен...

Антонина, эбет, бу макътанувлар къабартма олгъаныны дуя эди, лякин эписи бир мусафирни кулерюзьнен къаршылай тургъан:

- Хайырлы кунълер, Сергей Васильевич!

- Чокъ хайырлы дегиль, - мыдырданды Сапрыкин фуражкасыны чыкъарып ве сатыджынынъ бурну огюнде оны саллап. - Сенде, джаным, ичмеге сувукъ бир шей бармы?

Антонина буздолапкъа ашыкъты.

- «Ситро» лимонады, - о газлы ичимлик шишесини чевиликлен ачты. Эр бир ютумдан сонъ Сапрыкин кейфленип охылдады ве шишени бутюнлей бошаткъан сонъ, эр вакъыттаки киби сесли тюшюнге башлады:

- Бабамны мында не чекти? «Кочюньиз зенгин ве берекетли...», - дедилер. Биз де дженнетке кетемиз, деп белледик, бутюн кунъ ситронен къарышкъан ракъы ичеджекмиз, деп белледик... Амма акъикъатта мында озъ коюмизде чалышкъанымыздан зияде чалышмакъ керек олды... Икълими де сагълам дегиль - йылнынъ беш-алты айыны атеш ичинде яшаймыз... Бу аз олгъаны киби - авдет эткен татарларгъа къаршы турмакъ керек. Оларгъа исе къанун да, къалабалыкъ да - эписи бир... - Лейтенант джебинден устюнде бурка кийген атлы сызылгъан «Казбек» папирос къутусыны чыкъарды.

- Багъышларсынъ, ичейим, пек эеджанландым... О куню онунджымы, юзюнджими кере Мамутов Мусагъа онынъ эви йыкътырыладжакъ акъкъында хабернаме алып бардым... О исе манъа: «Мен мында къаладжам - сагъ я да олю!», - дей. Ана шай!..

Сапрыкин къараргъан дудакълары арасында папиросны тутып, тютюнни терен ичти ве тавангъа таба алкъа уфюрип чыкъарды.

- Сонъ, бойлелернен насыл ишлемек мумкюн, озюнь айт, Тоня?! Санки татарларнынъ озъ къанунлары бар, совет сою - инсан инсангъа дост ве къардаш дегиль. Аксине, эски, орта асырдаки: къашкъырнен яшасанъ, къашкъыр киби улу! Амма мен къашкъырджасына улуп оламайым, мен - мераметли адамым... Амма хызметте чокъсу алларда къашкъыр киби улумагъа керек ола...

Сапрыкин лаф эткен вакъытта Антонина бир козьнен бештахта* къалдырылгъан Мусанынъ эви йыкътырыладжакъ акъкъында хабернамени окъуды. Кягъытчыкъны джебине сокъаракъ, Сапрыкин чыкъышкъа айланды ве йымшакъ сеснен сорады:

- Акъайынъ Володя насыл? Ичмейми, къутурмаймы?

- Не заман къутурсын, Сергей Васильевич?! О учъ койге отъмек ташый. Келе де юкъламагъа ята, олю киби къатып къала...

Сапрыкиннинъ козьлери джилъвели йылтырады.

- Демек, о сени кѳучакѳламай, опымейми?
- Айды шуны, Сергей Васильевич! - кѳолуны кѳакѳты сатыджы ве утанчакѳлыкѳнен козѳлерини ашагѳы эндирди.

Сапрыкин кеткенинен Антонина тюкянчыкѳтан корюнген ѳлдан тар сокѳачыкѳ айырылгѳан тарафкѳа кѳасеветнен назар атмагѳа башлады. Бу сокѳачыкѳнен элинде итбуруннен сепет я да чѳль чечеклери дестеси иле эр кунѳ эвге Зекие кѳайта тургѳан.

Муса, Субботинлернинѳ азбарындаки кѳуюны темизлегенде, Зекие ве Антонина таныш олды ве озѳ дертлеринен болюштилер, балалар акѳкѳында лаф этти, аш пиширмек инджеликлерини музакере эттилер. Зекие кѳомшусына сюзме бакѳла ве кѳабакѳлы тѳй пастасы азырламагѳа огретти. Эр шейнен меракѳлангѳан Тоня бир сыра кѳырымтатар сѳзюни де огренди.

Антонина, Зекие чѳльден кѳаранлыкѳ чѳккенде кѳайткѳаныны бильсе де, даа бир-эки кере кѳапугѳа чыкѳып бакѳты.

Кунѳ кѳавушмагѳа башлагѳанда Зекие отѳмек тюкянына озѳ кирди. Тоня бу вакѳытта адашмагѳа кѳоркѳып, бештахтагѳа чавдар отѳмегини сыранен тизе эди. Ерли койлю исе оларны чувал ичине домузларына ем олур, деп толдура берди.

Саймакѳны токѳтатмайып, Антонина бир кѳач кере кѳасеветнен Зекиеге бакѳты, онынѳ бугуныки кейфини сезмеге тырышты. Муштерини озгѳаргѳан сонѳ биле кѳомшунен лафны насыл башлайджагѳыны бильмейип, агѳырдан кокѳус кечирди.

- Не олды? - Зекие сепетни ерге кѳойды. - Не, Тонечка, мени танымадынѳмы?

Антонина апансыздан Зекиенинѳ кѳолуны сыкѳты ве фысылдап:

- Зина, джаным... Олар бир шей япмазлар, тек кѳоркѳузалар, сиз кеткенинѳизни истейлер... Амма, бир шей олгѳан киби олса, балаларнен бизге келинѳиз, бир шейлер уйдурырмыз...

Зекиенинѳ кѳоркѳунчлы фикирлерден юреги сыкѳылды ве кѳадын аякѳтан кесилип, салланды.

- Сен не айтасынѳ? - Онынѳ агѳаргѳан, шашмалагѳан юзюне бакѳаракѳ, Тоня Зекие оларнынѳ эвини йыкѳтырмагѳа истегенлери акѳкѳында бир шей бильмегенини анѳлады.

- Эбет, анѳлайым... Миша санѳа айтмады, сени ве балаларны зияде кѳоркѳузмагѳа истемеди. - Антонина Зекиеге бу акѳта сѳз кѳаткѳанына пешман олса да, лячаре, сѳзлерни кѳарыштырып, тез-тез анѳлатмагѳа башлады. - Санѳа буны бильмек керек. Алла косѳтермесин, бир шей олур...

Шашмалагѳан Зекиени янына отуртып ве омузларындан кѳучакѳлап, кѳадын Сапрыкинден эшиткенлерни айтып берди...

Зекие эеджандан не япаджагѳыны бильмегенини корип, Антонина тюкянынѳ кѳапусына тез-тез килип асты ве оны кѳолундан тутып, эвине озгѳарды. Ёлда о, эп тынчландырмагѳа тырышты:

- Кѳасеветленме... Кѳорантанѳизны садедже кѳоркѳузмагѳа истейлер... Амма сенинѳ Мишанѳны кѳоркѳузаджакѳ инсан даа догѳмады... Ондан гѳайры, бизим эвимизнинѳ кѳапулары сизчюн даима ачыкѳ олгѳаныны акѳылынѳда тут... - Сонѳ кѳошты: - Миша кѳую темизлегени ичюн акѳча алмагѳа истемеди. Сонѳ Сергей онѳа бир канистра бензин тѳкип берди, ходжалыкѳта керек олур, деди. Сен о бензинни узакѳча сакѳла... Эки арада учкѳун тюшер...

XII

«Я рабби! Душманларым не кѳадар чокѳлашты! Чокѳлары манѳа кѳаршы исьян кѳопаралар. Чокѳлары гонѳлюме хитап этелер: «Ярадандан онѳа кѳуртулыш ѳкѳ». Амма Сен, Раббим, меним огѳюмде кѳалкѳансынѳ, шанымсынѳ, Сен башымны котересинѳ...».

Мезенчук Муса ве онынѳ кѳорантасындан беляны аткѳармагѳа тырышып, окѳугѳан иляийси.

Зекие, Антонинанен сагълыкълашып, арабакъапу янында токъталды. «Къомшу не себептен бензин канистрасы акъкъында хатырлады?», – деп тюшюнди, амма эвни тыштан козьден кечирип: диварлары, дамы олгъаны киби, бир шей денъишмегенини корьди ве тынчланды. Батайткъан кунешнинъ нурлары къаверенки къабурчакъ ташкъа ойле бир тюше эдилер ки, эв санки ичтен ярыкълангъан киби корюнди. Зекиеге ачыкъ авалыкътан балаларнынъ сеслери биле эшитильген киби олды...

Вакътыны джоймайым деп, Зекие эвге кирмезден, къомшу къапулары янында кечип ве Беш-Терекнинъ сонъки эвини артта къалдырып, ирмакъ бою ташлы ёлчукътан бир саатлик месафеде ерлешкен Мазанка коюне ашыкъты.

Къасевет Зекиенинъ юрюшини тезлештирмеге меджбур эте ве къадын аякъкъаплары астында кескин ташларны, аякъларыны тырнагъан тикенлерни дуймай, эп юре берди.

Антонинанынъ тюкянчыгъында олгъанда Зекие не ичюндир янъы тайинленген ве олар Мусанен онынъ къабулына язылгъан район иджра комитетининъ реиси Артур Цехланен гъает муреккеп, котеринки давуш иле кечкен субетини хатырлады.

Зекиенинъ ильк сёзлери, олар ишсиз къалып, балалары яры ач яшагъанлары акъкъында анъгъаны Цехланы чорландырды. Отургъан еринден сычрап турып ве къолларыны аркъасы артына кечирип, о, озь кабинетинде чар юрюшинен арткъа-огге юререк, къатийликнен ве къыскадан – субет олмайджагъыны косьтерип:

– Сизни яздырмакъ четте турсын, яз биткендже Къырымдан узакъча сюрюгю этеджекмиз. Дёрт тарафынъыз къыбла! Весселям!

Мусса, асабийленип, Цехла тарафына, оны диваргъа къысмакъ истеген киби, адым атты:

– Сиз! Ташюрекли мемурсыз, мени къатий арекетлерге меджбур этесиз! Билинъ ки – буны ильк кере айтмайым: озюмни ольдюририм, амма ватанымны терк эттем! Мен ольгеним ичюн къабаат сиз кибилернинъ намусына леке оладжакъ! Затен, намус деген шейден хаберинъиз олмагъаныны корем!

Цехла пысып, масасы таба къачаракъ, бир къолунен телефонгъа япышты, дигеринен, санки башына ураджакъларындан къоркъып, тазыны къапатты ве:

– Акимьетни шантаж этмек керекмей, гражданин!.. Озь Озьбекистанынъызгъа къайтынъ, анда исе озюнъизге не истесенъиз, япарсыз... Сербестке сербестлик, дегени киби...

Телефон вастасынен чагъырылгъан милис келип, Мусаны чыкъышкъа итемеге башлады.

Зекие акъайынен автобус дурагъына кеткенде исе Муса, санки Цехла иле нахош субетини девам эте, бир шейлер фысылдагъаныны эшитти.

Тезден Муса тынчланды ве Цехла акъкъында нефретнен:

– Чар генералы киби,.. – деди.

Шимди исе Мазанка тарафына ашыкъкъан Зекиенинъ юрегини Мусанынъ озь-озюне къаст этмеге азыр олгъаны акъкъында дешетли сёзлер, теляш ве умютсизлик далгъалары киби котерилип, сыкъмагъа башлады. Тез юргенинден бойле де зорнен нефес алгъан къадын адымларыны даа да тезлештирди. Эвдекилер къасеветленип, оны къыдырмагъа чыкъмасын деп, мытлакъа къаранлыкъ чёккендже Беш-Терекке къайтмакъ керек эди.

Эвни йыкъмакъ небеттеки къоркъузув Муса ичюн насылдыр мутхиш арекетке сильтем ола биле эди.

Муса тюрьмеден къайткъан сонъ балалары я да апайыны акъаретлеген сёзлер эшиткенде, ачувангъаны, эр бир ойле вакъианы юрегине пек якъын алгъаны, эвеллерде къулакъ асмагъан шейлерден шимди пек тесирленгени Зекиенинъ дикъкъатындан къачмады.

Акъайынынъ къальбинде нелердир олгъаны, нелердир онъа тынчлыкъ бермегенини, о геджелернен юкъламагъаныны да Зекие сыкъ-сыкъ сезе тургъан.

Онынъ акълына янаша койлерде бильген адамлардан сорапшырып бакъмакъ кельди: бир ерде бозувдан сакъланган азиз бар экенми? Мусаны къандырып, азизге бармакъ, къальбини бошаштырмакъ мумкюн олур эди. Догъмуш койлеринде дертлерге шифа берген Мелек Гейдар азизи бар эди. Беш яшында Зекиени богъмаджа* туткъанда, анасы оны о ерге алып баргъаны хатырында къалды.

Мазанканынъ башындаки эвлерде копеклер ургенини эшитип, Зекие, устунден юк тюшкен киби, кокюс кечирди.

Эвлери ве сокъакълары джеэттен Мазанканынъ Беш-Теректен ич айрылыгъы ёкъ эди, онынъ ичюн къыйыш сокъакъларда тертипсиз ерлешкен эвлер ве алчакъ къоралы бош азбарлар арасында керек арабакъапуны Зекие бир кереден тапты.

Ниязи кеч вакъыткъа бакъмадан азбарда къуюдан сув ала эди. Зекиени корьгенинен акълына биринджи кельген фикир – Мусанынъ эвини йыкътыргъанлар. Лякин о, бир кереден озюни тынчландырды, чюнки Муса эвини чайпамагъа ве бозмагъа енгилликнен бермейджегини биле эди.

Кеч олгъаныны себеп косьтерип, Зекие эвге кирмектен ред этти. Босагъада туруп, зияретининъ макъсадыны – эвлерини йыкъмагъа хавф олгъаныны айтты.

– Билем, – тынчландырыджы сеснен джевапланды Ниязи. – Сапрыкин меним огюмде бу акъта хабер этти... Мен беллесем, бойле джанаварлыкъкъа олар джесарет этмезлер...

– Мен къоркъам... – Зекиенинъ сеси кесильди ве о, агълап йибермемек ичюн къалтырагъан дудакъларыны къолунен къапатты. Агъыр сукюнеттен сонъ, кокюс кечирди:

– Насыл анълатаджагъымны озюм де бильмейим... Бойле шейлерни сеслендирмей тургъанлар... Багъышланъыз, энди къаранлыкълаша, эвдекилер мени джойгъандырлар.

Ниязи Зекие бир шейлерни гизлегенини анълады ве:

– Ханым, мен сизни озгъарырым, – деп теклиф этти.

Зекиени корьген сайын Ниязи узакъ кечмишни хатырлай тургъан. Муса чекинчек эйбетлейиджи* оларакъ, озю корюшювге чагъырмагъа утанып, къызгъа къыскъа тезкерени* досту вастасынен ёллагъан эди. Къадынлар ятакъханесининъ мензилини* айтып, къызны адаштырмасын, деп онынъ чизгилерини къайд эткенде:

– Чифте-чифте бенълери бар, – деген эди.

Шимди эвге адымлагъан Зекие, бираз тынчангъан сонъ, оны сонъки вакъытта раатсызлагъан шейлер акъкъында тариф этти. Цехла иле кескин субет, Муса олюмни ватандан айырылмакътан устун корьгенини...

Итбурун толу сепет къалдырылгъан ерде – босагъа янында ойле де тура эди. Пенджерере, арабакъапу ачылгъаны эшитилиркен, Юнус ве Сабриенинъ юзьлери корюнди. Юнус, анасы къайткъанына къуванып, джамны такъылдатты.

Зекие башта ахыр тарафкъа барды. Къаранлыкъта бензин къокъусына эсасланып, канистраны тапты ве оны сабадан Мезенчук къартананынъ къамересинде* сакъламагъа къарар алды.

Ичинде акъайынен лаф эткендай:

– Алла мени алсын да, сени къалдырсын... – деп фысылдады.

XIII

**«...Оджагъымызгъа, халкъымызнынъ арзусына
севгинъизни джойманъыз, бизим тилимизни –
ананъызнынъ догъмуш тилини унутманъыз...».**

Амет Моллаевнинъ (Амет Къырымлы) «Баба васиети»нден».

Ниязи яры ачыкъ арабакъапугъа бакъаракъ, Мусанынъ сесини эшиткенинен адымларыны бираз сакинлештирди. Къакъра астындаки севген еринде къынтавлы ерлешип, о, мезекли* аэнкнен Юнускъа мектеп дерслигини окъуп отура, бала исе, бабасына омузынен сыйыкъып, дикъкъатнен динълей эди.

Мазанкадан кельген ёл бою Ниязи Мусанен субетлешеджек мевзу боюнджа озъ ичинден чешит делилдер кетирип, азырланды, лякин эв саибининъ йымшакъ, атта шакъаджы аэнк иле лафыны эшитерек, ичиндеки кергинлик бошашты. Мусанынъ корюнишинде, маналы козьлерининъ йылтырамасында Зекиенинъ теляшыны тасдикълагъан ич бир шей коръмеди. Эр алда, Ниязи, чокъ сене танышлыкътан сонъ, Муса эр агъыр вазиятке бакъмадан, дуйгъуларыны сакъламагъа беджерген, агъыр-сабырлы инсан олгъаныны биле эди.

- Бир керменчикли хоразларыны арабасына юклеген ве геджелейин Багъчасарай базарына ёл алгъан. Гедженинъ бир вакътында козю юкъугъа кеткен. Бир даа хоразнынъ сесинден уянгъан. Бакъса, Багъчасарайны кечип кеткен. Къапкъачлап ала хоразны да: «Танъ аткъаныны бильдинъ де, Багъчасарайны кечип кеткенимизни бильмединъми, олмайджакъ хораз?» - деп оны...

Муса дерсликнинъ саифесини чевирди, шимдигедже оны дикъкъатнен динълеген Юнус исе апансыздан озъ тизлерини шамарлап, хахылдап кульди.

Оларгъа якъынлашаракъ, умумий шеньликке къошулып, Ниязи де кульди.

- Юнусны мектепке азырлайсынъмы? - сорады о Мусадан. - Эрте дегильми? Даа ильки яз битмеди, чилле чыкъмады...

- Язлыкъ вазифелерини япмай... - бабасынынъ опыкесини эшиткен Юнус, утанып, дерсликни къапкъачлады да, эвге чапып кирди. Онынъ артындан:

- Невбеттеки саифени огрен: «Мен къырымтатарым... Меним Ватаным Къырымдыр. Мен озъ топрагъымны, догъмуш халкъымны ве озъ тилимни джандан севем...».

- Биз сеннен чокътан озенде ювунмадыкъ... Беш-Терекке барайыкъмы?

Ниязи уфукъта топлангъан думангъа козь ташлады. - Кунъ атеш пускюреджегине ошай...

Сокъакъкъа чыкъкъанынен Муса чевре-четке бакъынды, санки ярамай хабер кетиреджек чапарны* беклей эди. Онынъ козьлери муим бир къарар алгъан инсандаки киби, челик парылдавы олгъан боз тюске боянды.

Та озъбек «Баяут»тан берли дост олгъан ве мунасебетлерининъ якъынлыгъыны косьтергичи - бири-биринден кучюк-буюк меселелерни гизлемеген, музакере эткенлерине бакъмадан, онынъле шимди ян-янаша юрген Ниязи керекли сёзлерни тапамайып сусмагъа меджбур эди.

О заманлар хатырада джанланды. Уйле вакътында памукъ хирманы¹⁸ янында отурып, бири-бири устюнде шакъа эте тугъанлар. Ниязи биринджи башлап:

- Сиз узунджылылар акъкъында айтмайлармы: «Косьтекли* сааты олмаса да, зынджырыны такъып юргенлер, а, Муса? Сен де къызлар огюнде тешик чызмаларынъны ягълап, янъы косьтермейсинъми?..

Джевап оларакъ интиза эшитти:

- Я, сиз, арпатлылар, акъкъында Къырымда айтмагъанлармы: «Гемиге пичен веренлер».¹⁹

Достлар сюрюнликтен Къырымгъа къайтмакъ арзуларынен болюше, кимерде исе музакерелери гъает къызгъын кече эди. Ниязи даима чешит гъаелер толу ола, атта насылдыр фантастик теклифлер япа тургъан. Месея, ватандашларгъа, ким не берсе, буюк, эки-учь миллион рублелик къабар топлап, Москвада нуфузлы мемургъа берип, бизим меселемизнинъ чезильмеси ичюн керекли ерде лаф эттиртмек ве халкъны ватангъа къайтармакъ...

- Айталар да, Американынъ банкчылары - чешит Ротшильдлер, Морганлар, Дюпонлар бир къач миллион доллар берип, Сталинни оларгъа Къырымны сатмагъа къандыраджакъ олгъанлар, амма иш уймагъан... Сен исе акъчанен эр шей чезильгенине ишанмайсынъ...

Ниязи къатий гъаени де сеслендире эди: бир къач достунен Ташкент ава лиманында учакъны запт этип, учуджыларны Тюркиеге ёл алмагъа меджбур этмек

ве анда кырымтатарларнын акъикый вазieti, олар азат яшамагъанлары акъкъында бутюн дюнъягъа хабер яйратмакъ. Муса бунъа:

- Ойле япылса, бизни экинджи кере сюргюн этерлер – Мубарекке.²⁰ Ватангъа къайтмакъ арзумизны исе тек биз дегиль, торунларымыз, торун балалары биле унутырлар... – деп джевап бере эди.

Шимди исе ДАИ нокътасыны кечип, достлар бойна янындан бурулгъан ве чёльге чыкъкъан ёлдан адымлай эдилер.

Къыскъа, танъдан эвель ягъгъан ве, аз да олса, салкъын кетирген ярмурчыкътан сонъ, бундан эвель къургъакълыкътан къаврап къалгъан чёль, бааръде къар тюбюнден чыкъкъан киби тирильди. Къуру, сувсызлыкътан патлакълагъан топракъта, тансыкъ сувгъа алданып, анда-мында къалгъан патлакъ чанакълар* башыны котерди. Тоздан шишкен отлар ювунып, ер тюсни ешилге денъиштирдилер.

Тартынчакъ бояларны сейир этерек, Мусанынъ козьлеринде челик йылтырамасы чекильди, бакъышы йымшады. Ниязи исе: «Мусанынъ кейфини сынап бакъмагъа тамам вакъты кельди, узакъттан лафны башламалы», – деп тюшюнди.

- Эр шей яшайышкъа ынтыла... Бизим чёлюмизни бойле алда мен эки йыл апстен сонъ корем. Шимди исе – кенишлик, азатлыкъ! Чёлюмизге ярым саат ягъмур ете. Къургъакълыкъны башындан кечирген тарла кене ешерди. – Эм де эвель айткъанынен ич бир алякъасы олмагъан мевзугъа кечти. – Сен район ёлбашчысына киргенсинъ... О сени насыл къаршылады? Манъа да кирип чыкъмакъ керек оладжакъ...

Мусанынъ чырайлары бозулды ве о Зекиеге айткъаныны текрарлап:

- Чар генералы киби,- деди.

Ниязи ойле откъюр къыясламагъа тааджипленип, чегернинъ* ерге басылгъан пытагъыны тюзетмек ичюн эгильди.

- Демек, генерал манъа да Къырымны терк этмеге теклиф этер... Сен онъа насыл джевап бердинъ? Я да онъа ич бир шей тесир этмей – не ялварув, не мусавийлигимизни* тасдикълагъан къанунлар... – бираз ийлекарлыкъ косьтермеге истеп, айтты Ниязи. Эбет, о достундан башкъа джевап бекледи.

Муса джевабыны тюшюнген киби бираз сусты, сонъ Ниязиге джиддий бакъты ве:

- Билесинъми, эр кесте озъ джевабы ола... Мен исе онъа Къырымда къаладжам дедим... Сагъ я да олю...

- Отурайыкъ да. Аягъым кене агъырмагъа башлады... – деди Ниязи Мусаны омузларындан къучакълап. – Отуз йыллыкъ достлугъымыз манъа изин бергени ичюн айтам: сенинъ фикирлеринъни бегенмейим... Сапрыкинге де ойле дединъ... Достум, бойле шейлерни дава вакътындамы, музакереде къызышыпмы, океленипми айткъанынъ ве сонъ къайткъанынъ – бу башкъа шей... Сен такъипчилеринъе къуванмакъ себеп бергенинъни анълайсынъмы? Олар, бизге не къадар зияде баскъы япсалар, биз сюргюнлик ерлеримизге о къадар тез къайтырмыз, деп беллейлер...

Муса Ниязининъ козьлерине дикъкатнен, санки огренген киби бакъты, сонъ еринден туруп, таш этрафында анда-мында юрмеге башлады.

- Такъипчилеримизнинъ* фикри мени чокътан меракъландырмай – неге къуваналар, неге къаарълелелер... Эписи бир. Къайткъанымдан сонъ башыма тюшкени къальбимде яра ачты, о олип-ольгендже савушмаз... Меним эждатларым яткъан топракъта меним оджагъымны сёндюрмек къоркъузувлары исе – бу сонъки... Чырчыкъ озени боюнда янгъан къадынны киби, булар джанымны якъты...

Муса кене таш устюне, Ниязининъ янына отурды. Санки бир анъ эвель окели сёзлерден сеси къалтырагъан инсан Муса дегиль эди – о кене тынч ве ичинде эминлик олгъан инсан киби озюни алып барды.

- Олар тезден кене мени алмагъа келеджеклер, кене, насылдыр джинаетчини киби лагерьге быракъаджакълар... Амма бу сефер мен, бойнагъа кеткен къой киби, оларгъа озюмни бермем... Акълынъдамы, мени Кременчугде урып, зайыфламагъа

истедилер... Семетдешлерим буны япмагъа бермедилер... Эписи анълай эди: бугунь мен, ярын исе, кене шу Сафронов я да Сапрыкиннинъ авалесинен – небеттеки олар оладжакълар!

Джинаетчилер арасында, оларнынъ къолундан ольмек – бундан да арам шей бармы экен? Олюмнен азат оларакъ козьме-козь корюшмек – башкъа лаф... Къысметинъ ойле олса... – деди Муса къарыкъ сеснен, амма фикрини екюнлемезден, лафны кести.

Ниязи кене къаршылыкъ косътерип, бир шейлер айтмагъа истеди, лякин лаф тапамады.

– Сен билесинъ де, бабам пек диндар адам эди... Эр вакъыт айта тургъан: инсаннынъ омюри де, олюми де алий маналы олмалы... Бу саде бир шей киби корюне, лякин оны такъдиринъде насыл эда этмели? Олюм, инсан о акъкъында эр дакъкъа, эр саат – даима хатырласын, деп берильген. Чюнки омюр – бир анъ, анда исе – эбедийлик...

Мен яшагъан йылларымны чокъ кере тюшюнджелеримде инджеледим, талиль эттим. Гъурбетте кечкен йылларым ич бир вакъыт айры бир мана иле толу дегиль эди... Тек Узунджыдаки балалыгъым, осьмюрлик чагъым – хатрымда омюрлик къалды. Сюрюнликте яшайышымда яхшы кунълер чокъ олмады. Бельки – Зекиенен таныш олгъаным, онъа къуда ёллагъаным... Бу сенсиз олмады, эбет, – Мусанынъ дудакъларыны тебессюм яраштырды. – Эм, эльбетте, бу балаларым... Амма умумен бакъкъанда – яхшылыкъ чокъ коръмедим... Онынъ ичюн, бельки, олюм, кечмишиме нур сачып, омюримни алий мана иле толдурыр?

Ниязи таш устюнде сабырсызлыкънен къыбырдана берип, агъыр-агъыр кокюс кечире берди. Достунынъ бу нуткъуна айтаджагъы тек:

– Ан-на-на – къоранта... Балаларынъ яры ач яшагъанлары сен ичюн джан азабы эди. Оларнынъ келеджегини тюшюнесинъми? – олды.

– Балалар... Мен лагерьде олгъанда къорантама Ридваннен Айдер... Къомшумыз Мезенчук – православ мумин* ... ярдым эттилер. Билесинъми бизни не ичюн къувалар? – Муса лафны кене озъ джеллятларына кечирди: – Олар, биз ватангъа къайткъан сонъ, эвлеримизни, багъчаларымызны къайтармагъа истермиз, чайпангъан* мал-мулькюмизчюн олардан эсабат сорармыз, деп къоркъалар...

Къырымда, биз къайтмасакъ да, ер етишмей, дейлер... Акъикъатта исе юзлернен километр юрсенъ – эр ерде быракъылгъан, сокъакъларында къашкъырлар улугъан бизим койлерни корерсинъ.

Эминим, олю авдетли олар ичюн сагъ союздан къоркъунчлыдыр... Ольген сонъ о, башлары тёпесиндеки мешъаль кибидир – бу атеште олар эписи янып кете билелер, – къошты Муса. Онынъ козьлери огюнде кене айны левха: Чырчыкъ озени бою атеш ичинде чапкъан озъбек къадыны джанланды...

– Аякъкъа турмаздан эвель Ниязи сонъки делиль оларакъ:

– Иманы олгъангъа интихар²¹ акъкъында фикир биле гуняхтыр... Юр, озенде бироз сувайыкъ, – деди. Амма Мусаны энди ич бир шей сувутмайджагъында эмин эди. – Сен оларнен къолтугъы астында башыны туткъан Кесикбаш киби курешмек истейсинъ, ёкъса?..

– Насыл олса да, мен оларнынъ къолуна озюмни тирилейин бермем! – Инатлыкънен къакъты башыны Муса. Онынъ энди чал тюшмеге башлагъан сачлары ельпазе киби яйылды.

XIV

«Олар сени топрагъындан сыкъыштырып чыкъып, аз къалдылар къувмагъа, амма сени къувгъан сонъ, олар озълери де анда чокъкъа къалмаз эдилер...».

«Къуран-и Керим. Сонъки куню танъ атмаздан эвель Муса окъугъан «Аль-Исра» суресинден.

Сабадан Муса кѳуюгѳа кѳапакѳ ясады. Кѳуюдан серс, сувдан исе салкѳын чеке эди. Алышкѳан арекетлернен, эки ярымы бири-бирине догѳру кельсин деп, агѳачларны ёнды, келиштирди.

Юнус кѳакѳра астында отурып, бабасынынѳ чевик эллери ойнагѳаныны сейир эте ве тосат-тосат, китапкѳа бакѳып, авале этильген метнини эзберлей эди: «Мен кѳырымтатарым... Меним Ватаным – Кѳырымдыр...».

Уйлеге якѳын, кунеш пиширге башлагѳада, Муса, озѳ усталыгѳына кѳуванып, шакѳа эткени киби, «апханедеки догѳрулыкѳнен» кѳуюнынѳ агѳзыны кѳапатты ве эвге таба адымлап, огѳлуна:

– Сен эзберлей бер, мен исе бир чырым этип* алайым. Сорасалар, эвде ёкѳ, деп айтырсынѳ, – деди.

Юнус бабасына тааджипнен бакѳты. Чюнки о, озюни бильгенинден берли, бабасы кунѳюз юкѳлагѳаныны ич де хатырлап оламай эди. Сыджакѳтан пишкендир, деп тюшюнди бала.

Зекие исе, аксине, енгилликнен кокюс кечирди. О, акѳайы бу кунѳлердеки кергинликтен бошашты, деген нетидже чыкѳарды. Афѳа девамында эвден чыкѳмайып, Мусанынѳ эр адымыны незарет эткен кѳадын кѳызларыны янына алып, сепетнен екяне кѳазанчы олгѳан ишке бармакѳ кѳарар этти.

– Мен озѳ топрагѳымны, догѳмуш халкѳымны ве озѳ тилимни джандан севем... Мен – ватанперверим..., – деди Юнус, дерсликке бакѳаракѳ ве арабакѳапунынѳ кѳанатлары ачылгѳаныны корип, сескенди*.

Азбаргѳа кѳатты адымларнен лейтенант Сапрыкин кирди ве этрафкѳа раатсызланып бакѳынды.

– Бабанѳ кѳайда? Ананѳ? – хитап этти о шашмалап, еринден сычрап тургѳан Юнускѳа.

Баланынѳ богѳазыны теляш сыкѳкѳанындан о зорнен:

– Олар эвде ёкѳлар. – деди. Онынѳ, Сапрыкин эвге сюрип киргени ве ятакѳханенинѳ кѳапуларыны ачкѳаныны корип, кѳоркѳусындан бети агѳарды.

Лейтенант киришни кѳапаткѳан пердени четке чекти: Муса кѳолларыны кенѳ яйып, аркѳасында яѳа, юкѳуда онынѳ юзю тынч ве раат эди. Бираз ачыкѳ дудакѳларында тебессюм, тыпкѳы о, Кременчуг лагеринден кѳайткѳан куню ильк кере кѳатты юкѳлап кѳалгѳан Юнуснынѳ чересинде киби...

– Уят оны! – эмир берди Юнускѳа Сапрыкин ве кѳошты, – Алдатмакѳ ярамай, татар баласы...

Юнус, вуджуды кѳалтырап, аяткѳа* атылып чыкѳты.

– Бабам оны уянтмамакѳ авале этти...

Муса, юкѳусы ичинде лафлар эшитип, козѳлерини ачты. Айланып, шарт этип тѳшек ичинде отурды ве санки джам кесильген козѳлеринен чагѳырылмагѳан мусафирге бакѳты: ятакѳ одасынынѳ кѳаранлыгѳында апансыздан козѳни чарпкѳан ярыкѳ пейда олды. Ярыкѳ озен бою чапкѳан атеш ичиндеки кѳадындан мешѳальге чеврильди...

Мусанынѳ худжур бакѳышындан Сапрыкин арт-артына кетип, аяткѳа чекильди, амма сонѳ башыны кѳапу аралыгѳына сокѳып, яваштан сомурданды:

– Сени кой шурасында прокурор беклей...

Муса кѳолунен козѳлерини сюртти, санки атеш левхасыны кѳувмагѳа истеди. Омузларына халат атып, Сапрыкиннинѳ кѳаршында турды:

– Сен изинсиз эвге кирмек не акѳкѳынѳ бар эди?! – Лейтенант анѳлашылмагѳан бир лафлар айткѳаныны эшитип, башыны силькти, – мен бир якѳкѳа бармайджам, меним прокуроргѳа айтаджакѳ лафым ёкѳ...

– Факѳат прокурорнынѳ санѳа айтаджакѳ лафы бар. – Сапрыкин, синѳирленип, белиндеки пышѳав кѳынынынѳ* ильмегини де ача, де кене иликлей эди. – Бармасанѳ, дружинниклерни чагѳыарым. Сени багѳлар да, зораки алып барырмаз.

Муса бир кѳач анѳ башыны тѳбен алып, тюшюнди ве кѳарыкѳ сеснен:

– Бар сокѳакѳкѳа, Монголны чагѳыр... Мен кийинир де, чыкѳарым...

Сапрыкин истемейип чыкышкыа догърулды, Юнус исе, ханеде кыалып, бабасы долаптан темиз урбаны – бeяз кольмегини ве кишилик* штанларыны чыкыарганыны корды. О, огълуна бир кыач кере маналы бакъты. Сонъ онъа да чыкымагъа авале этти.

Урбасыны денъиштирген сонъ, Муса тахарат* япты ве намазлыкъ устюне турып, дуа окъуды...

Мусанынъ эви янындан кечкен Ридваннен Айдер, мотоцикл устюнде отургъан Сапрыкинни корип, машинасыны токътатылар ве кыасеветленип, лейтенанткыа хитап эттилер:

– Кимни беклейсинъиз, Сергей Васильевич? Бизни дегильми? – сорады мезекнен Ридван, башындаки фесни тюзетерек.

– Мамутовны алмагъа кельдим. Прокуроргъа чагырталар, – отурышыны денъиштимеден, истемейип джевап берди Сапрыкин. – Сизни эндеки сефер, – хихылдап кыошты о.

Чокъсу алларда сесини чыкыармагъан Айдер, бу сефер сорамай кыалмады:

– Я, прокурор олса, сизинъ бунъа не алякыанъыз бар?.. Муса джинаетчи дегиль... Кой шурасына озю, гонъюлли бара биле...

– Меселе шунда ки, оны кыач керелер энди чагырттылар, о исе соргъугъа бармады. – Сапрыкин не ичюндир синъирленмеге башлады, мотоциклны кочюрди, сонъ токътатты. – Милис озгъармасынен кетирмек кыарар алынды...

Ридван окенен кыолуны силькитти:

– Бельки, инсанны кыыйнагъанынъыз етер?! Онынъ сизинъки киби акъкыы бар, ойле дегильми, Сергей Васильевич?..

– Меним акъкыым зияде – мен хызметтем... Сизге, гражданлар, муддет бергенлери ичюн манъа миннетдарлыкъ илян этерлер... – Сапрыкин башындаки фуражкасыны тюзетти...

Ридваннен Айдер Мусанынъ эвине таба адымлагъанларыны корип, кыошты:

– Достунъызны тенбилень, акълыны башына топласын да, прокуроргъа урмет косьтерсин.

Муса отю патлагъан Юнуснынъ:

– Бармайджагъыны кесен-кес айтты, – деп, анълаткыаныны эшитип, азбаргъа чыкыты.

Кельгенлернинъ дикъкыатыны бир кереден Мусанынъ юзюнде, бутюн вуджудында эминлик джелъп этти.

– Кене кыапамагъа истейлер...– кыараргъан дудакъларыны зорнен ачты Муса.

– Я, не себептен кыапайджакълар? – анъламагъан киби омузларыны сыкыты Ридван. – Энъ чокъу – джёреме тайинлерлер... Бир шей дегиль, бир-эки пара кыошулышыр да, кечкен сефер киби тёлерик. Энъ эсасы прокурорда олгъанда кыызматабанлыкъ япма, юзюнджи кере акъларынынъ тасдикъламакъ файдасыз... Алла оларгъа инсаф берсин...

– Бойле вазияте не айтаджагъынъны да бильмейсинъ, – деди Ридван Айдерге айланып. Кыапудан чыкыкыанда о, кене Сапрыкинге хитап этти:

– Сергей Васильевич, бу не заман битеджек? Муса энди бир кере отурып чыкыты...

– Беллейсиз, мен сизнен огърашмакытан безмедимми?.. Мен сербест инсан дегилим... Капитан Пономарёвнинъ эмирине бойсунмай, кыайда барайым?

Муса, не ичюндир, Сапрыкинге кыаршы озъ арабакыапусындан дегиль де, кыомшусы Мезенчукнинъ азбарындан кечип, эвинъ кошеси артындан чыкыты.

– Кыана-а, деф ол мындан! – джекирди Муса лейтенантнынъ устюне. – Джоюл! – Онынъ кольмеги шыркыма-сув сылакъ олып, шеффаф* безден тени корюне эди. Ридвангъа, бир ерден енгильден бензин кыокъусы сезильсе де, Муса зияде эеджанлангъанындан пек терлеген киби корюнди.

– Сакъын, акимиет векилинен ойле лаф этме! – озюни кене косьтереджек олды Сапрыкин.

Муса арабакыапугъа чекильди. Ридван онынъ кыолунда бир шей олгъаныны корип, лейтенанткыа атмакъ ичюн таш белледи ве:

– Муса, япма! – деп кычырды.

Шаматагъа топаллап Афросия Мезенчук чыкты ве Муса ичюн вазиятнинъ яман тарафына кыймет кесерек, озюни хачлады да Тевраттан сёзлерни окъуды:

– «Менден узакъча кетинъиз – эпинъиз, къанунсызлыкъ япкъанлар, чюнки Ярадан меним агълагъанымны эшитти... Утандырылсын эм де къатты джезалансын меним душманларым, къайтсынлар да утансылар шу аныде...»

Онынъ артындан, отъмек тюкянчыгъындан чапып чыккъан Антонина ве Владимир къошулдылар, амма кимсе бир шей аныламагъа етиштирмезден, Муса озъ азбарына сокъулды. Бир аныден о, буны козеткенлернинъ дешетине, атеш ичинде чапып чыкты.

Эр кес онынъ сёзлерини эшитти:

– Не?! Алдынъызмы?! – эм сонъки кучюни топлап, Сапрыкинге къаршы къучагъыны ачып, бир къач адым япты.

Лейтенант, къоркъкъанындан мотоциклны ашыкып кочюрди ве газгъа басып, олюм мешъали онынъ артындан етмейми, деп артына бакъаракъ, кетти...

Ильк шашмалавдан озюне кельген Ридван Мусанынъ артындан чапты, Айдер исе бу вакытта эвден яйманы чыкъармагъа етиштирди.

Володя, кеткен еринде халатны чыкъарып, янгъын ичинде олгъан къомшусы артындан етти ве чевиклик иле онъа аякъ чалды. Инсан вуджуды шекильде туташып янгъан мешъаль ёлнынъ кенарыны ялап алды.

Антонина, коръгенинден шашып, ёл бою, кенардан-кенаргъа бургъучланып*, кеткен мотоциклджыгъа:

– Къоркъакъ! – деп кычырды ве якъында яшагъан эмишенинъ эвине ашыкты.

– Я Рабби, хаинлер! Гуняхсыз джанны гъайып эттилер. – Мезенчук эм кычырды эм озюни хачлай берди.

Азбаргъа окюр-окюр агълагъан Юнускъа сыныфдашы Дилявер барды: – Агълама! Бабанъ яшайджакъ! – деди о.

Агъламакътан нефеси тутулгъан Юнус, ватандашларыны орман чытырманлыгъындан чыкъаргъан къараманны хатырларакъ, сакин сеснен джевап берди:

– Бу онынъ янгъан юрегининъ атеши. Бабам бизге къайтар...

Акъмесджит хастаханесинедже бутюн ёл бою Айдер Мусаны омузындан тутты ве о, алсыланып, башы коксюне тюшмегендже, дудакъларындаки къанны сюртти.

– Ридван, Айдер, – эшитилир-эшитильмез фысылдады Муса, – мен япкъаным семетдешлирмизчюн бошуна олмаз – мында да, сюргюнликте де... – эсини джоймаздан эвель сонъки хатырлавы азбарда агълагъан Юнуснен багълы эди:

– Балаларымны ташламанъыз... Эльвида, достлар...

Санитарлар хастаханеден арабачыкъны чыкъаргъаныны корип, Муса эр кесни итеген киби ишмар япты ве къапугъа салланып ве агъырдан эсини джояракъ, амма озъ аягъынен кирди.

... Шу 1978 сенеси июнь кунюнинъ акъшамына прокурор Пономарёв экимлерден сорап бильди: озюни якъкъан инсан яшамайджакъ. Мундирининъ якъасыны чезип, бир дакъкъа къадар тюшюнди ве экимнен хастаханенинъ къапусында турып, эмир берди: эписи тедавийлев одаларында карантин илян этмек. Авдетли кыырымлар джан береджек ватандашыны ёкъламасын, эм де, Алла косътермесин, чаресизликлеринден афакъанланып, къаршылыкъ косътермеге акъылларына кельмесин, онынъ япкъанларыны текрарламасынлар. Сапрыкинге исе, Муса Мамутнынъ дженазеси вакътында ватандашлары арасында наразылыкъ даркъалмасын деп, Дмитрово ве Мазанка тарафындан Беш-Терекке алып баргъан ёлларны къапатмакъ ве кимсени йибермемек эмир берди.

– Донскойдан тышкъа бир шей чыкъмасын, – нетидже чекти прокурор. – Суаллер олур: Насыл? Не себептен?

Беш-Теректе прокурор биринджи небетте Мезенчукнынъ эвине барды. Къапу къакъылгъанына чыкъкъан, козьаштан козьлери шишкен къартанайгъа кесен-кес эмир этти:

- Ошекчилеринъе анълат: акъылдан тайгъан татар Мамутов достлары Чарухов Ридван, Джемалетдинов Айдер, Меметов Ниязининъ сыттырмасынен бойле арекетке джесарет этти. Оларгъа буны якъанлары ичюн къанун маддеси тамам уя - адам озь-озюне къаст этсин, деп махсус сыттыргъанлар... Бу омюрлик апс муддети я да алий джеза...

- Олурмы бойле шей?! - къалтырагъан къолларынен хачлады озюни Мезенчук. - Мишанынъ достлары бойле япмаз эдилер... О, гъарип, лагерде олгъанда, олар къорантасына ярдым эттилер, балаларына ачтан ольмеге бермедилер... Ёкъ, ёкъ, мени арам гунахынъызгъа къошманъыз...

- Яхшы тюшюн! - синъирленип айтты прокурор ве айланып кеткенде, къоркъузды: - Биз сени де, къартий, ясакъкъа бакъмадан, татаргъа эвинининъ бир къысмыны саткъанынъ ичюн, джезагъа чекерик...

Сапрыкинни исе о Антонинагъа анълатувлар бермеге ёллады.

- Сен койде, татарлардан гъайры, эписининъ мийине синъдир ки, оны, акъылдан тайгъаныны корип, озь-озюне къаст этмеге озь татарлары къандырдылар...

- Багъышланъыз, Сергей Васильевич. - афакъаныны зорнен тутты тюкянджы. - Меним ишим бойле де чокъ, сизинъ оюнларынынъызгъа ойнамагъа вакътым олмаз, - деди ве тюкянынъ къамересине* кирип, лейтенантнынъ бурну огюнде къапуны, шарт этип, къапатты.

XV

**«Эгер сен олюмнинъ ильк анъдеки Ярыкъны корип,
адыны айтып ве оны къабул этип олсанъ... айт:
«Яраданым! Сенмисинъ?!»**

Бадро Тёдол. Тибеттеки Мевталар китабы.

Эр шей бир кереден къапалды, санки иритильген къуршун тёктилер - козьлер, дудакъларда къаткъан къан дады, хастахане одасынынъ къокъусы... Къолларда ве аякъларда сувукъ сезильди ве, амелият масасында яткъан Муса узакъкъа, къаранлыкъкъа чёккен сёзлерни эшитти:

- Нефеси токътады...

Атешли аванен толдурылгъан вуджут озь мучелерини бошатты ве юрегини къан акъымындан айырып, юкъарыгъа котерильди, сербест учушкъа ёл алды. Анда... Ярыкъ олгъан ерге...

Ярыкъ экимлернинъ эндалларыны айырды, сонъ эр шей къаранлыкъкъа батты.

Ашагъыда къоюрып тургъан къаранлыкътан айырылгъан сонъ, Ярыкъ эп ачылды, амма о сувукъ олгъанындан козьлерни кесмеди, къулакъларны раатсызламады, нефесни къозгъатмады, тек бар олгъаныны сездиртти...

Мусанынъ хаялына о, енгильчик, вуджутсыз олып, насылдыр къоба ичинден, эр тарафтан къысылып учкъаны кельди. Къобаны боялагъан ярыкънынъ тарафлары олмаса да, о насылдыр узун, четлери томалакъ фезаны къапата эди.

Руху буюк Ярыкъкъа ынтыла ве ёлда таныш черелерни - фаний дюньяны терк эткен бабасыны, анасыны, таталарыны ве агъаларыны ярыкълата эди.

Учар экен, Муса оларнынъ юзьлерине тиймек ичюн къолуны узатты, лякин оларны яраткъан ярыкъ пармакълары арасындан акъып кеткенини дуйды.

Огде онъа фес кийген къызчыкъ корюнди. Феснинъ мавы ренки ярыкъкъа тюз къоша эди. Къызчыкъ Мусагъа элини узатты, о да чаписине тийди, амма ярыкъ яраткъан шекильде бир шей дуймады - не джыллылыкъ, не де къыз пармакъларынынъ назиклигини.

Кене огде, кызычык Мусаны чагырып кеткен тарафта ярык, кюбадан чыкышы косьтерген окчыкларга ошаган кыска ёлакларны бояды.

Фезага чыккан ярык, оны бутюнлей каплады ве эндамы шекиллendirди.

Насылдыр дуйгунен Муса бу Мухаммед (с.а.с.) олганыны анлады.

Муса тиз чекип, яккан интихары ичюн рахим сорамак истеди, лякин кызычык онын колуну йибермеди ве эгилмеге бермеди.

Пейгамбер Мусанын теббе этмеге истегине тебесюм иле джевапланды. Мусанын рахметли руху бильди ки, Пейгамбер онын фани вуджуды устюнде Беш-Терекнин кабристанында дженазе окумакны авале этти.

Ярык косьтегичлери оларны уфуктан уфуккадже ачык фезага* алып чыктылар ве Муса, бу олар Ниязинен барабер озенге кеткенде кечкен чель олганыны анлады.

Ашагыда каверенки, кырмызы ве ешил саплары, эм де кок кушагы тюслеринен йылтыраган айдын кырмызы япраклары олган чечеклер ве отлардан орюлген ренкли килим олып, бунин асыл нухасы – Узунджадаки баба эвинде, мусafirлер одасында диварга асылган колнен орюлген килим эди.

Сабий Муса бу дюнга кельгени аккында кычырып дуйдурган эвинин софасындаки каранлык ачылды: сонсуз бир аят яратылды, онын эки тарафундан кулюмсиреген ватандашлары тура эди... Юз бинлернен – ватанга гурбеттен кайткан бутюн бир халк олып тура эдилер. Эр шей Муса ярдымджысына хаялларынен болушкенде киби эди. Мумтаз сезюни туткан ве Кермене станциясындан Кырымга кеткен тренни озгармага чыккан...

Авдетлилер арасында бабасы, анасы, таталары, агалары, еди тизинедже бутюн акрабасыны тапкан кызычык Мусанын колуну быракты... Эр кес – яшыкарты онга, яларында ер берип, сыра ачтылар. Муса, онын единджи дуйгусы кескинлешкенде сонки эшиткен сезлер, ерине ве вактына айтылганга ошамаса да, айтылды: «Эвеллери караман аскерлернин мезарларыны докуз кере айлана эдилер...».²²

2016 с.

²²Эски тюрк адетине коре, караман аскерге урмет косьтерип, кабрини докуз кере айлана экенлер.

Иляве

Бабанын васиети

Ватан ичюн, адалетчюн юреги янганларга багышлана

«Халкым, сенин дердинни, оны башундан кечирмегенлер, айрылыкка кыймет кесмегенлер, кабаатланган, акаретленген, джаны агырганнын адджы яшайшынен яшамаганлар анларлармы?..

Эгер сен озюни инсан сайсан, этрафында сен киби инсанлар олганыны унутма. Оз енгиль ве кыйметли яхшылыгын иле оларнын яшайшыларыны енгиллештир. Оларга бар ве агыр даккяларында ярдым колунуны узат. Биль ки, олар сени, адынны ве кыйметли чизгинни унутмазлар.

Балаларым, джан бермезден эвель васиетимни динлен:

Унутманыз – халкымызнын Ватаны бар. О анда, Кара денъиз ялысында – эждатларымызнын аягы баскан, тарихында козяшы, аизары калган сизин Кырымыңыздыр...

Бу топрактан бир сюргюн этилип, олар бутюн адджы омюри бою догмуш оджагына, онын сыджагына – ана сыджагына кайтмага арзуладылар. Балаларым, эгер сиз мен, ананыз, сулялемиз, сизни яраткан халк аккында хатыра сакламага

истесенъиз, догъмуш оджагъымызгъа, халкъымызнынъ арзусына севгинъизни джойманъыз, бизим тилимизни – догъмуш ананъызнынъ тилини унутманъыз.

Онъа хаинлик япкъанны, о, сени догъургъан ана, мезарындан турып, лянет этер...

Мен бизим магърур Аю-Дагъымызгъа, догъмуш денъизимизге, токъ сюрюлеримиз отлагъан чёллеримизге къайтып оламадым. Олар сизни беклейлер. Буны сиз, огъул ве къызларым, япынъыз. Сизнен кетмеге истегенлерни эписини къайтарынъыз, къартларны ташламанъыз: олар сизге къадимий, бельки де, шимдигедже сакъланмагъан кечмишнинъ ерлерини косътерирлер. Олар бизим генчлигимиз акъкъында айтырлар, эждатларнынъ балалыгъы, халкъымызнынъ тарихыны тарифлерлер. Мен сизге дюньяны ве ярыкъны, эм де Ватаным акъкъында арзумны къалдырам.

Эгер сиз ананъыз, я мен акъкъымда хатыра сакъламагъа истесенъиз, догъмуш Къырымынъызгъа къайтынъ. Анда, денъиз ялысындаки тик къаягъа, искеленинъ янында, юксекликте, мен бир авуч топракъ къойдым. Бир вакъытлары оны багъчалар ве багълар оссин деп, ташлар устюнде яйдыра эдик...

Бу мукъаддес топракъны унутманъыз. Бу топракъ, абиде киби, эбедий абиде киби бизим ишкир, магърур халкъымызнынъ адыны ташысын...

Ёлунъыз ачыкъ олсун, сайгъылы балаларым!

Амет Моллаев (Къырымлы Амет)»

1972 с. Чырчыкъ ш.

Лугъат

акъчилъ – белёсий
къыскъа татилъ – отгул
пельвазе – холодец
кунешлик – козырек
аса – жезл
далгъынлыкъ – рассеянность

мухалиф – оппонент
катырна – екатерининский
итбурун – шиповник
муафиз – телохранитель
сыва – штукатурка
сыйыкъмакъ – прильнуть
аванчыкъ – ступка
ирмик куръпеси – манная крупа

ипратыджы – изнуоряющий
пияде – пешка
тенби – предупреждение
исрарлыкъ – упорство
макъсаткъярлыкъ – целеустремленность
мираб – сув такъсимлейиджиси
бент – запруда
чарпынмакъ – натолкнуться
чарпыкъ – кособокий
бир окчели – одногорбый
балахана – мансарда (в Средней Азии)

савускъан – сорока

мазунлыкъ – уныние, печаль
тыныш – передышка
дагълы – горец
ривает – притча
къакъра – навес
наджиз – скромный
йылмаймакъ (кулюмсиремек) – улыбнуться
тахкъикъатчы – следователь

кутьле эглендириджиси – массовик-затейник
зарифлик – изящество
керим – благодатный
джюздан – папка
сагъыр – глухой
чамурны ёгъурмакъ – месить грязь
табан – пол
баджа – труба
къолтукъ – кресло
бургъаланмакъ – ёрзать
къанунлы хырсыз – вор в законе

налет (от лянет) – проклятая
вефа (садыкъ) – верный
кишнев – ржание
варил – дуло
хурафатлар – предрассудки
берч – шрам, рубец
истиза – ирония
козьлев – прицел
теджавузджы – агрессор
гонь – кожа; кожаный
хассас – сентиментальный

тырач – аккуратный
дабла – поддон
рефакъат – сопроводительный
айкъырма – вопль
дарбе – удар
къатийликнен – решительно

тетиклик – бдительность
ашнасы (озьбекче) – **досту, эши**, – друг
кегей – спица
пычта – здесь: крохи
«шах ашы» (шах эсер киби) – коронное блюдо

тансыкъ – редкий
истиза – ирония
хурафат – поверье, предрассудок
афакъан – гнев
къоянчыкъ – эпилепсия
бугъум – звено
сескенмек – взрогнуть, встрепенуться
чырлама – оладьи
хабернаме – уведомление
теракъкыят – прогресс
теджавуз – агрессия

бештахта – прилавок

богъмаджа – коклюш

эйбетлейиджи – ухажер

къыскъа тезкере – записка

мензиль – адрес

мезекли – насмешливый

чапар – гонец

косътек – цепочка

патлакъ чанакълар – маки

чегер – куст, кустарник

мусавийлик – равенство

такъипчи – здесь: гонитель

мумин – праведник

чайпангъан – ограбленный

бир чырым этмек – вздремнуть

сескенмек – вздрогнуть

аят – здесь: коридор

къын – ножны, здесь: кобура

кишилик – выходной, праздничный

тахарат – абдест

шеффаф – прозрачный

бургъучланмакъ – здесь: вилять

къамере – чулан, здесь: подсобка

феза – пространство